



ენციკლოპედია

036060
№ 6 1989



მრისხანე გაზაფხული



მრისხანე, ავბედითი გაზაფხული დაუდგა საქართველოს. ცხრა აპრილის ტრაგედიის შემდეგ აღარც ბუნებამ დაგვინდო. ღვთის რისხვასავით დაგვატყდა თავს ახალი უბედურება. გამძვინვარებულმა სტიქიამ ნგრევა და მსხვერპლი მოგვიტანა. მიწის, ქვების, ხე-ტყის მასის ქვეშ აღმოჩნდნენ ხულოს, ქედისა და შუაბევის რაიონების სოფლები წაბლანა, ტბეთი, ჩაო, ვაშლოვანი, ღორჯომელაძეები, ირემაძეები, ფაჩხა, ფუშრუკაული და სხვ. განადგურდა ბევრი საცხოვრებელი სახლი. დარჩენილთა უმრავლესობა უვარგისია საცხოვრებლად. საშიშ ზონაში იმყოფება ათასობით ოჯახი. 5 შაისისათვის გადასახლებული იქნა 3060-მდე კაცი. დაიკარგა ათასობით ჰექტარი მიწა. სახალხო მეურნეობისათვის მიუყენებულმა ზარალმა ახ მილიონ მანეთამდე მიაღწია. არის ადამიანთა მსხვერპლიც.

საძიებო აღდგენითი სამუშაოების შედეგად ნაპოვნია დაღუპულთა გვამები. ეს სამუშაოები კვლავაც გრძელდება.

გადაწყდა, რომ დაზარალებულები, რომელთა რიცხვიც 11 ათას კაცს აღწევს, დაასახლონ ახალქალაქის, ახალციხის, ბოგდანოვკის, დმანისის, სიღნაღის, წალკის და საქართველოს სხვა რეგიონებში.

სტიქიური უბედურებისაგან დაზარალებულთა დასახმარებლად გახსნილია სპეციალური ანგარიში: № 000700969.

უურნალ „დროის“ რედაქციის კოლექტივი ღრმა მწუხარებას გამოთქვამს მთიან აჭარაში დატრიალებული ტრაგედიის გამო და სამძიმარს უცხადებს დაღუპულთა ოჯახებს, ნათესავებს, ახლობლებს.

№6 ივნისი. (630), 1989

ჟურნალი გამოდის 1923 წლიდან

ყოველთვიური საზოგადოებრივ-პოლიტიკური და სალიბერალური-სამხატვრო ჟურნალი

ნო მერ ში ა:

ოთარ ჭინჭლაძე. მწუხრისა და განკითხვის შამი.

განა გელუტაშვილი. ოდეს კაცს დაეპირვოს...

ეთერ ლონდარიძე. მღერის მადეა ძიძიშური.

არნოლდ გეგეჭკორი. ჰაერის ქალ-წულეგი.

ოთარ ხუციშვილი. მძინე ტვირთი. რემ დავიდოვი. ყოვლანოვის ქ. № 20.

ვლადიმერ ტენდრიაკოვი. კაცნი და არაკაცნი (თარგმანი).

კახაბერ სურგულაძე. ელადის მიწაზე.

ანდრა კარგელაშვილი. ოცნება და სინამდვილე ვიდემოტელეფონზე.

კროსკორდი.

საქართველოს კვ ტვ-ის გამომცემლობა

© „დროშა“, 1989 წ.

მთავარი რედაქტორი

ოთარ ჭინჭლაძე

სარედაქციო კოლეგია:

გულნარა პახტაძე (პ/მგ. მდივანი), ოთარ ბერი-შვილი, ვასილ გვებაძე, ნათელა გიორგოვი-ანი, ოთარ დემეტრაშვილი, სერგო ღურგი-შიძე, ვახტანგ ესვანჯია, ჯემალ მხარეშვილი, დინარა ნოდინა (მხატვარ-რედაქტორი), თენგიზ სამსონაძე.






● 1989 წელი. 9 აპრილი.
სისხლიანი კვირა.
ჩვენს თავს დატრიალებული საზარელი ტრაგედია.
მოხდა ის, რაც არ უნდა მომხდარიყო და შეიძლებოდა არ მომხდარიყო.
არ უნდა მომხდარიყო.
ახლა, ამ მწუხრის ჟამს, რომელიც აჩრდილივით თან გვდევს და მოსვენებას არ გვაძლევს, კვლავ გლოვის ზარი რეკს.
ეს გლოვა კვლავაც ვაგვეყვება.
იმიტომ რომ, დაიღვარა უიარალო და უდანაშაულო ქართველი ბიჭებისა და გოგონების უმანკო სისხლი.
მე ამ სტრიქონებს მგლოვიარე ვწერ და ისევ და ისევ ვუბრუნდები იმ მღვღვარე დროს, რომელიც ამ საბედისწერო დღისაკენ მოგვაქანებდა.
ყველამ თავისი საქმე უნდა აკეთოსო.
საქმე!
ვერ ვაკეთეთ.
ჩემი საქმე პუბლიცისტიკაა და მეც ვფურცლავ ჟურნალ „დროშის“ ბოლო ნომრებში დასტამბულ წერილებს.
ერთად გადავფურცლოთ.

● „დროშა“. 1989 წელი. იანვარი. № 1:
— პოზიცია ყოველთვის ოპოზიციას როდი ნიშნავს და ისიც მართალია, რომ სიტყვა საქმეა. ზოგჯერ მეტად მნიშვნელოვანიც, მაგრამ გაუთავებელი, მით უფრო რეალობას მოკლებული ლაპარაკიც ბოლოსდაბოლოს მომაბეზრებელი ხდება. მე იმის შიშშიც გამიჩნდა, რომ ზოგიერთი ჩვენთაგანის არაფრისმთქმელმა და რეალობას მოკლებულმა გაუთავებელმა ლაპარაკმა ზიანი არ მიაყენოს ეროვნული თვითშეგნების მატარებელ ახალგაზრდულ მოძრაობას და არ შელახოს მისი ავტორიტეტი.

● „დროშის ბიბლიოთეკა“. 1989 წელი. იანვარი-მარტი. № 1:
— ერთი შეხედვით საკმაოდ მიმზიდველი და საოცნებო, მაგრამ პრაქტიკულად ვანუხორციელებელი ბევრი მოწოდებისა და ლოზუნგის მომსწრეც ვყოფილვართ და არც გულგატეხილობის მწარე გაკვეთილები გვაკლია, მაგრამ ჰჰჰა კი ვერა და ვერ ვისწავლეთ.
ახლაც ასეა.
აქაოდა ის დრო დადგა, როცა შეგვიძლია ყველაფერი თქვა, რაც ენაზე მოვადგება და თან ისიც დააყოლო, რომ ყურებზე ხახვს ვერავინ დამაჭრისო — ვერაფერი ეროვნული თვითშეგნების მაჩვენებელია ეს.
ასე მგონია მე.
და იმიტომ კი არ მგონია, რომ სათქმელი არაფერი მაქვს. არაფერი ეროვნული არ მაწუხებდეს, არაფერი მტკიოდეს ან არც რაიმე პერსპექტივას ვხედავდე იმედიანი თვალთ.
არა.
არავის არაფერი შეეშალოს.
ბევრი რამ მაწუხებს, მტკივა კიდევ, მაგრამ იმასაც ვხედავ და ვგრძნობ. რომ გულწრფელად თქმული სიტყვაც კი, რომელიც რეალობას მოკლებული მოწოდების ხასიათს ღებულობს, ვერ გაუწევს რამდენადმე სასარგებლო სამსახურს ჩემს ერსა და მიწა-წყალს...
ილია:
— დღეს ისეთი დროა, რომ თვითელი ჩვენთაგანი უნდა განკითხულ იყოს და პასუხისმგებელი ჩვენი ქვეყნის წინაშე თავისი სიტყვისა და საქმისაგებ და არა იმისაგებ, რასაც სხვანი ან დაუდევრობით, ან წინდაუხედაობით თავზე მოგვახვევენ.
ასეა ეს.
თითოეული ჩვენთაგანი უნდა განკითხულ იყოს.
იყოს უნდა პასუხისმგებელი ჩვენი ქვეყნის წინაშე თავისი სიტყვითაც და საქმითაც. და ფხიზლობდეს, რათა თავზე არავინ მოგვახვიოს დაუდევრობითა და წინდაუხედაობით თქმული არც სიტყვა და მით უფრო საქმე.
ვილაცას ისიც უთქვამს, ქართველებმა სისხლი უნდა დავღვაროთო.

ერიპა!
ვისი?
რატომ?
რისთვის?
უგუნური, უპასუხისმგებლო, ვერაგული მოწოდებაა ეს.
მე ვიცი როგორ დაიღვარა ქართველების სისხლი 1956 წლის მარტის დღეებში.
ის, ვინც იმ საბედისწერო დღეებში მოსწავლე და სტუდენტ ახალგაზრდობას აქეზებდა, მიტინგებისა და დემონსტრაციებისაკენ მოუწოდებდა, მათ ეროვნულ გრძნობებს ეთამაშებოდა, მერე, როცა ტრაგედია დატრიალდა, სადღაც გაუჩინარდა, ხოლო უაზრო მოწოდებებით დაბრმავებულთა გვამები სასაფლაოსაკენ გაუყენეს.
ასე ხდება ხოლმე ჩვეულებრივად.
ცხრა იანვრის სისხლიანი კვირაც ასე მომხდარა.
უფრო ადრეც.
მერეც.
უგუნურება და ბოროტებაა ახალგაზრდობას სისხლის დაღვრისაკენ მოუწოდო.
ახლა მაინც.

● „დროშა“. 1989 წელი. თებერვალი. № 2:
— ახლა ჩვენში, და არა მარტო აქ. ფეხს იკიდებს, ძლიერდება, თავის სათქმელს ამბობს ახალგაზრდული მოძრაობა, რომელსაც, ცხადია, თანაგრძნობაც სჭირდება და მხარდაჭერაც. მაგრამ, ისიც ხომ უნდა ითქვას, რომ ყოველად გაუმართლებელია არაფორმალურ გაერთიანებათა ზოგიერთი მესვეურის არაჩანსალი წამქეზებლური მოქმედება, რაც ახალგაზრდობის ეროვნულ გრძნობებზე სახიფათო თამაშის ხასიათს ღებულობს.
სახიფათოა იმიტომაც, რომ მე არ მინდა და კატეგორიულად არ მინდა წავიკითხო ქართულ ვაზეთში იმდაგვარი რამ, რაც ბაქოელ მოქალაქეებს ვამოუცხადა იქაურმა სამხედრო კომენდანტმა.
გენერალ-პოლკოვნიკი მ. ტიაგუნოვი: „როგორც ქალაქ ბაქოს საგანგებო რაიონის სამხედრო კომენდანტი... განვმარტავ რომ, საგანგებო მდგომარეობისა და კომენდანტის საათის შემოღების გამო, აკრძალულია მიტინგებისა და დემონსტრაციების ჩატარება... მიტინგების ჩატარების ხელმძღვანელებისა და სხვა ყველასაგან მოვითხოვ მორჩილებას საბჭოთა კანონებისადმი, კანონით დადგენილი წესებიდან ყოველგვარი გადახვევა ალკვეთილ იქნება ძალით“.
აი, ასე.
და მე არ მინდოდა, თბილისში ასეთი დოკუმენტი შექმნილიყო.
მაინც შეიქმნა.
ასე რომ, ბოლომდე და შედეგიანად ვერც მე მიკეთებია ჩემი საქმე.
რას იზამ!
ძალა აღმართს ხნავს.
ძალზე დასანანია ყოველივე ეს.
მოხდა ის, რაც არავის და არასოდეს არ ეპატიება.
ქართველების ხელით და მათივე „ლოცვა-ჟურთხევით“ ბევრი ქართველის სისხლი დაღვრილა.
ახლაც ასე მოხდა.
არ უნდა მომხდარიყო.
შეიძლებოდა არ მომხდარიყო.
მაინც მოხდა.
ქართველი ერის ტრაგიკულ ისტორიაში კიდევ ერთი სისხლიანი ფურცელი გაჩნდა.
დამნაშავემ პასუხი უნდა აგოს.
ყველამ და უკლებლივ.
ერის, ქვეყნის, ისტორიის წინაშე.
მე ახლაც სირცხვილი მწვავს და ვერც უსაზღვრო აღშფოთებას, ძალუმ გულისწყრომას ვიოკებ, როცა უკვე მერამდენჯერ კვითხულობ საქართველოს კომპარტიის ცენტრალური კომიტეტის, რესპუბლიკის უმაღლესი საბჭოს პრეზიდიუმისა და მინისტრთა საბჭოს ცნობას, სადაც ნათქვამია რომ, ბოლო დროს მიტინ-



გების, მანიფესტაციის ორგანიზატორები სულ უფრო ხშირად და დაუფარავად მოუწოდებდნენ უწყსრიგობისა და გაფიცვებისაკენ, რომელთაც საფრთხე შეუქმნეს საზოგადოებრივ უშიშროებას, მოურიდებლად გაისმოდა მთავრობის გადაყენების, აშკარა ანტი-საბჭოთა, ანტისოციალისტური და ანტიკომუნისტური, ჩვენი სახელმწიფო და საზოგადოებრივი წყობილების შეურაცხყოფელი ლოზუნგები.

ლოზუნგები და მოწოდებები?

განა რა შესაძლო და რეალური „საფრთხე შეუქმნეს საზოგადოებრივ უშიშროებას“ მავანისა და მავანის მიერ გადმოსროლილმა თუნდაც ყოვლად მიუღებელმა ლოზუნგებმა?

და თუნდაც მოწოდებისათვის მთავრობის გადაყენებისაკენ, დასაშვებია უდანაშაულო ქალებისა და უმწეო გოგონების, საერთოდ ვისიმე არაადამიანური ხოცვა-ჟლეტა?

წესრიგის დამცველებს ცეცხლსასროლი იარაღი არ გამოუყენებიათო.

განა ასეთი ცნობა ასახავს და გამოხატავს რეალურ სინამდვილეს? ან ის, რომ საზოგადოებრივი უსაფრთხოების უზრუნველყოფისა და გაუთვალისწინებელი შედეგების თავიდან აცილების მიზნით კომპეტენტურმა ორგანოებმა მიიღეს კანონის შესაბამისი გადაწყვეტილებაო.

რომელმა „კომპეტენტურმა ორგანოებმა“?

რატომ დროულად არ გვაცნობეს ამის თაობაზე?

ვინ და როდის მიიღო ასეთი გადაწყვეტილება?

არა, ბატონო!

არ შეიძლება იყოს უდანაშაულო ადამიანთა უმოწყალო ხოცვა-ჟლეტის კანონი, ხოლო ნებისმიერი კანონის გამოყენების მართოდ კანონიერი გზა არსებობს.

ასეთი გადაწყვეტილება მხოლოდ ყოვლად არაკომპეტენტურ ორგანოებს შეეძლო მიეღოთ და მიიღეს კიდევ.

მე უნდა ვიცოდე, ვინ და ვისთან ერთად, ვისი თანხმობითა და თანადგომით მიიღო ასეთი პოლიტიკურად ზეცი, კანონსაწინააღმდეგო და მზაკრული გადაწყვეტილება.

მე უნდა ვიცოდე ვინ იყო ამ მშვიდობიანი მიტინგის მონაწილეთა უმეტესობა, არაადამიანური დარბევის უშუალო ორგანიზატორი და შემსრულებელი.

უნდა ვიცოდე, რათა ქართველმა ერმა ყველა ისინი შეაჩვენოს და სამართალში მისცეს. ამჯერად ჭეშმარიტად სახალხო სამართალში, კანონიერ სახალხო სამართალში.

იმიტომ რომ, არავის და არაფერს არ ძალუძს გაამართლოს ყოვლად უდანაშაულო ადამიანთა აუნაზღაურებელი მსხვერპლი.

ეს ჩვენი უზენაესი ვალია, რამეთუ მართოდ ჭეშმარიტების დადგენა და საყოველთაო განკითხვა გამორიცხავს თუნდაც მსგავსი გამეორების შესაძლებლობას.

ჩვენ მართლაც შეგვიძლია დავრჩეთ და კიდევ უნდა დავრჩეთ ქართველი ერის ჰუმანისტური ტრადიციების ერთგულნი, გამოვიჩინოთ კეთილგონიერება, საღი აზრი, მაღალი პასუხისმგებლობა, დავიცვათ გარდაქმნა, ჩვენი საერთო სოციალისტური ღირებულებები, ჩვენი ძმობა და ერთიანობა. შეგვიძლია და გავაკეთოთ უნდა კიდევ ყოველივე ეს, მაგრამ მხოლოდ მაშინ, როცა უდიდესი პასუხისმგებლობით და გარანტირებული ობიექტურობით იქნება უწყრილეს დეტალებამდე გამოძიებული დატორიალური ტრაგედიის ყველა გარემოება და გვეცოდინება, ვის და რა ზომით დაეკისრა პერსონალური პასუხისმგებლობა უდანაშაულო სისხლის დაღვრისათვის.

მე უნდა მითხრათ სიმართლე, მხოლოდ სიმართლე და სიმართლის გარდა სხვა არაფერი.

სიმართლის თქმაში, შეძლებისდაგვარად, მეც დაგეხმარებით. კერძოდ.

თბილისი. 1989 წელი. 9 აპრილი. „სისხლიანი კვირა“.

მე კიდევ ერთხელ გადავიკითხე თბილისში დატორიალური ტრაგედიის მიზეზების უბადრუკი ახსნის მცდელობის ისევ ის ცნობა, როცა გავეცანი გაზეთ „პრავდას“ ა. წ. 14 აპრილის ნომერში გამოქვეყნებულ სტატიას „სვლა ცხენით, ანუ საით გვიხმობს დემოკრატიული კავშირი“. რომელიც ლენინგრადში აღზევებულ ოპოზიციურ მოძრაობას ეხება.

ერთად შევადაროთ და შევჯეროთ ყოველივე ის, რაც მოხდა თბილისში და რაც ლენინგრადში ხდება.

დემოკრატიული კავშირის ლენინგრადის განყოფილება:

„დემოკრატიული კავშირი“ ჩამოყალიბებული ორგანიზაცია თავისი პროგრამით, ორგანიზაციული პრინციპებით, წესდებით, წევრად მიღების წესებით, ფულადი ფონდით, ბეჭდვითი გამოცემებით, საზღვარგარეთთან კავშირით. „დემოკრატიული კავშირის“ პრაქტიკულ საქმიანობას ფართოდ აშუქებენ ადგილობრივი პრესა, ტელევიზია და რადიომაუწყებლობა.

ლოზუნგი?

„მოკალი კომუნისტი“!

„დემოკრატიული კავშირის“ მიზანია პოლიტიკური ასპარეზიდან სკკპ ჩამოშორება, არსებული საზოგადოებრივი წყობის მთლიანი შეცვლა და ამის მისაღწევად ნებისმიერი საშუალება გამოყენება. მათ შორის: მოქალაქეობრივი დაუმორჩილებელი აქციები, საყოველთაო პოლიტიკური გაფიცვა, შეიარაღებული გზით ხელისუფლების ხელში ჩაგდება, რაც სავსებით სერიოზულად განიხილება კრებებზე. ამ ორგანიზაციის ლენინგრადელი წევრები აშკარად მოუწოდებენ მეზობელი რაზმების შექმნისაკენ, ცდილობენ ამ რაზმებში სამხედრო პირების ჩაბმას, რისთვისაც სამხედრო ნაწილებსა და სამხედრო სასწავლებლებში აგროვებენ საიმედო პირებს. ყოველივე ამას თან ახლავს ხელისუფლებასთან გამუდმებული შეტაკებები, ჩხუბი მილიციასთან, მოწოდებები კომუნისტების არა მარტო პოლიტიკური, არამედ ფიზიკური განადგურებისაკენ, რაც იმის მაჩვენებელია, რომ საქმე გვაქვს თავ-შეუთავებელ ექსტრემიზმთან. „დემოკრატიული კავშირი“ სკკპ პოლიტიკური მოწინააღმდეგე და ტოტალიტარული რეჟიმისადმი დაპირისპირებული პარტიაა, რომლის წევრები მოუწოდებენ, მოაწყონ პოლიტიკური მიზნით ავარიები და აფეთქებები რკინიგზებზე, ქიმიურ კომბინატებში, ატომურ ელექტროსადგურებზე, აგრეთვე პროვოკაციული შეტაკებები და ჩხუბი.

ერთ-ერთ მიტინგზე, მისი მონაწილეების ერთსულოვანი მოწოდების თანხლებით გაისმოდა მოწოდებები სკკპ ჩამოშორებისაკენ, სსრ კავშირის დაშლისაკენ და ა. შ. ამ მიტინგის ორგანიზატორთა შორის იყვნენ აგრეთვე პოპულარული ლენინგრადის კლუბის „პერესტროიკას“ ლიდერები. ასეთ თავყრილობებზე სიტყვის წარმოთქმის უფლება ეძლევა ყველას, გარდა... კომუნისტისა. ყოველივე ამას, თან ახლავს ხმაამალი მოწოდება იმათ მხარდასაჭერად, ვინც ძალაუფლებისაკენ მოისწრაფვის და ექსტრემიზმის გზას დაადგება.

გასაგებია?

არც მეტი და არც ნაკლები.

წაიკითხეთ ეს პუბლიკაცია და დარწმუნდებით, რომ იქ მეტიცაა ნათქვამი, ვიდრე მე გადმოვქართულე.

და როცა ახლა წაიკითხავთ, მიპასუხონ თბილისური „სისხლიანი კვირის“ ორგანიზატორებმა და მკვლელმა-შემსრულებლებმა ასეთ კითხვაზე: სად უფრო დაძაბული და საზოგადოებრივი უშიშროებისათვის საფრთხის შემქმნელი ვითარება ყოფილა — თბილისში თუ ლენინგრადში? ან მოსკოვში, რიგაში, ტალინში, ვილინუსში, მინსკში, კიევში, თუნდაც კიშინიოვში? სხვაგანაც.

აბა, რატომ აღმოჩნდა იმ სისხლიანი კვირას მაინცდამაინც თბილისში სსრ კავშირის თავდაცვის მინისტრის პირველი მოადგილე, არმიის გენერალი კ. ა. კოჩეტოვი, რომელიც მოსკოვში ცხოვრობდა და ლენინგრადშიც თბილისზე უფრო ახლოა. სხვა დასახელებული ქალაქებიც.

9 აპრილს თბილისში „სისხლიანი კვირა“ გათენდა, ლენინგრადელები კი პარასკევს ადგილობრივი ექსტრემისტების „ნამოლვაწარს“ ეცნობოდნენ საგაზეთო პუბლიკაციაში.

ვინ მიპასუხებს, რატომ ხდება ხოლმე ასე და ამჯერადაც რატომ სწორედ ასე მოხდა და არა სხვაგვარად?

რატომ ვართ ან რატომ მაინცდამაინც ჩვენ — ქართველები უნდა ვიყოთ ყველაფერის „პოლიგონი“: ინტერნაციონალიზმისა და ამავე დროს და ამასთან ერთად აგრეთვე უიარაღო, მშვიდობიანი მიტინგის მონაწილეებზე სისხლისმღვრელი ნადირობის „პოლიგონი“?

რატომ?

ან როდემდე გაგრძელდება ასე?


განა ახლა მაინც დასაშვებია ისევ და ისევ მუქარის ენით ლაპარაკის გაგრძელება და იმის თქმა, როგორც ეს საქართველოს კომპარტიის ცენტრალური კომიტეტის ა. წ. 14 აპრილის მიმართვაში აღნიშნული, რომ ახალი მსხვერპლისა და ახალი ტრაგედიების თავიდან აცილებისათვის, ჩვენთვის საარსებო მნიშვნელობა აქვს სიბრძნესა და სიმშვიდეს, მოთმინებასა და ვაჟკაცობასო?

არ არის დასაშვები და არ შეიძლება.

მე თუ მკითხავთ, რა თქმა უნდა, არ შეიძლება.

იმ უბრალო მიზეზის გამო არ არის დასაშვები და არ შეიძლება, რომ ახლა, როცა „სისხლიანი კვირა“ გამოვიარეთ „სიბრძნე“ და „სიმშვიდე“ მონური მორჩილებისაკენ მოწოდების ტოლფასია და არც „მოთმინება“ ყოველთვის ვაჟკაცობის მაჩვენებელი ან გამოხატველი.

ახლა კი დროა, მთავარი სათქმელი ითქვას. კერძოდ ის რომ, 9 აპრილის ტრაგედია სათავეს ე. წ. „აფხაზური წერილიდან“ იღებს. ყველაფერი მაშინ დაიწყო, როცა ცნობილი გახდა გულდაუთის რაიონის სოფელ ლიხნში გამართულ თავყრილობაზე მიღებული ცილისმწამებლური და ქართველი ერის შეურაცხყოფელი



წერილის შინაარსი. სამართლიანი აღმფრთვობა გამოიწვია აფხაზეთის საქართველოდან გამოყოფის უგუნურმა, უტიფარმა და კანონსაწინააღმდეგო მოთხოვნამ, რომელშიც დამახინჯებული ისტორიული ჭეშმარიტებაც, უგულვებლყოფილია სამართლებრივი ნორმებიც და გათელილია ადამიანური მადლიერების ელემენტარული ზნეობრივი გრძობები. სწორედ ამ უმსგავსო და უმაგალითო პასკვილს მოჰყა თან მთელი ქართველი ხალხის და, ცხადია, აგრეთვე ახალგაზრდობის, სავსებით ბუნებრივი რეაქცია.

და მოლოდინი.

იგი არ გამართლდა.

ასეთ ვითარებაში მე არ გამკვირვებია ახალგაზრდული მიტინგები არც თბილისის სამედიცინო ინსტიტუტის ტერიტორიაზე, არც თბილისის სახელმწიფო უნივერსიტეტის სააქტო დარბაზში და არც საქართველოს სსრ მთავრობის სახლთან, როცა მოზარდთა ერთმა ჯგუფმა შიმშილობა გამოაცხადა.

არ გამკვირვებია და არც დამივიძია, მაგრამ ცოტა კი დავიბენი. როცა „აფხაზური წერილით“ გამოწვეულმა სავსებით კონკრეტულმა და უაღრესად სამართლიანმა აღმფრთვობამ სადღაც გადაინაცვლა, ხოლო წინა პლანზე ანტისაბჭოთა მოწოდებებით „დამშვენებული“ თავისუფალი საქართველოს პრობლემა აღმოჩნდა.

მე ამან გამოაცა.

აქცენტების ასეთ გადაჯგუფებაში მე მაშინ პოლიტიკური გამოუცდლობისა და ტაქტიკური უწიგნურობის ელემენტებიც კი შევინიშნე, მაგრამ ვინ იცის... ვინ იცის, იქნებ „აფხაზური წერილი“ მთიანი ყარაბაღის ამჟამინდელი ადმინისტრაციული მმართველობის „აფხაზური ვარიანტის“ წარუმატებელი ცდაც კი იყო.

ვილატ-ვილატებს იქნება აწყობდეს კიდეც ეს და იქნებ ვილატები მიუხვდნენ კიდეც ამ პროვოკაციულ ჩანაფიქრს?

ამის გამო ხომ არ მომხდარა აქცენტის გადაჯგუფება?

ვინ იცის?

მაგრამ, მაინც რა მოხდა?

რესპუბლიკის მთავრობისა და პოლიტიკური ხელმძღვანელობის შეცვლას მოითხოვდნენო.

სწორად მოითხოვდნენ.

ანტისაბჭოთა მოწოდებებიც იყოო.

ნამდვილად იყო.

მაგრამ ასეთი მოწოდებები და ტრანსპარანტები მას შემდეგ გაჩნდა, როცა გამოითქვა ეჭვი იმის თაობაზე, რომ „აფხაზური წერილის“ შედგენასა და მისი ავტორების წაქეზება-წახალისებაში იმ „გავლენიანი მოსოველების“ ხელი ურევია, რომლებმაც სხვადასხვა დროს იქ თავ-თავისი საკუთარი აგარაკები წამოჭიმესო.

აქ ზოგიერთი რამ მართლაც გასარკვევი და დასადგენია, ხოლო „აფხაზური წერილის“ პრობლემა კვლავ ჩვენი დღევანდელი და ხვალისდელი დღის საზრუნავად რჩება. ამას ვერაფერს და ვერსად ვერ გავაქცევით. საქმე არც ერთი კაცის მეორეთი შეცვლით მთავრდება.

ჩვენს მაშინდელ ხელმძღვანელობას უფრო ღრმად და საფუძვლიანად უნდა ჩაეხედა ამ საკითხში და მარტოდენ მიმოხილვით ხასიათის ინფორმაციით არ უნდა შემოფარგლულიყო.

სათქმელი დროულად უნდა ითქვას.

გასაკეთებელიც თავის დროზე უნდა გაკეთდეს.

არ გაკეთებულა.

არც ამ და არც სხვა შემთხვევაში.

თავად განსაჯეთ.

გაზეთ „ლიტერატურული საქართველოს“ ა. წ. 31 მარტის ნომერში გამოქვეყნებულმა წერილმა „სოფლის სახელით“ საზარელი რამ გვამცნო:

— 1988 წლის 2 ნოემბერს, საღამოს 6 საათზე, ყვარლის რაიონის ერთ-ერთი სოფლის მკვიდრი დავით ლელაძე გავიდა სახლიდან და აღარ დაბრუნებულა. მთელი სოფელი გამოვიდა საქმენელად, მაგრამ კვალს ვერ მიაგნეს. ბოლოს ვენახში თვალი მოკრეს ცხვირსახოცს, შემდეგ თანასოფლელები მწყემსების სადგომთან დანთებულმა ცეცხლის ნაკვალევმა დააეჭვა და მალე ადამიანის დამწვარ ძვლებს წააწყდნენ. გამოძიებამ დაადგინა, რომ დავით ლელაძე ლეკმა მწყემსებმა მოკლეს, შემდეგ ცეცხლში დაწვეს და ძვლები ჯაგებში გადაყარეს. მთელი სოფელი ფეხზე დადგა. ლეკების ჩაქოლვა უნდოდათ, მაგრამ არ დაახებეს.

რატომ არ დაახებეს?

ან ვინ არ დაახება?

ან რესპუბლიკის ხელმძღვანელობა, რომელმაც, ცხადია, იცოდა ქართულ მიწა-წყალზე თვითნებურად შემოჭრილი და სტიქიურად დასახლებული ლეკების მიერ ჩადენილი ამ გაუგონარი ვანდალიზმის შესახებ, რა სინდისითა და ნამუსით განაგრძობდა თავის სამარცხვინო „მოდერნიზმს“ ისე, რომ საკადრისიც კი არ მიუზღო დამნაშავეებს.

მე ახლაც კატეგორიულად მოვიტხოვ, რათა ყვარლის, აგრეთვე სხვა რაიონებში მიტაცებული მიწები, სადაც გრძელდება კანონსაწინააღმდეგო მშენებლობა და მათი ინტენსიური დაუყოვნებლივ დაუბრუნდეს ქართველ გლეხს. აჭარის მთიანი სოფლები მეწყერს მიაქვს, ათეულობით ოჯახები დარჩნენ, იზრდება მსხვერპლი და ასეთ პირობებში ჩვენ ვეღარ შევძლებთ გათავხედებული ლეკების მასპინძლობას.

ქმარა!

ჩვენი მიწა-წყალი ჩვენ თვითონ გვჭირდება.

ქმარა, იმიტომ რომ:

— ლეკებს გამბედაობა ყოფნით ოჯახებში შეუცვივდნენ ქართველებს, გააუპატიურონ ქართველი ქალები, დახებით და თოფებით დაუხვდნენ გზებზე გლეხებს, გაძარცვონ სახლები და ბაღვენახები.

იმიტომაც, რომ:

— მას შემდეგ, რაც გამრავლდნენ, საცემრად მოიწვევენ, ჩვენს მოყვანილ ხეხილს ანადგურებენ, ყველაფერს იპარავენ. ისე გათავხედდნენ, რომ აღარავის ეუბებიან. შვიდი-რვა კაცი ერთად შემოვარდება ვენახში, აბა, ბიჭი ხარ და გაუშკლავდი.

ვერ უნდა გავუშკლავდეთ?

თავი ვერ უნდა დავიცვათ?

აქაც, სხვაგანაც, ყველგან, ჩვენს მიწა-წყალზე, ჩვენს ქართულ სახლში?

აღარც ღმერთია და აღარც სამართალი?

ამაზე უნდა გვეფიქრა და ახალგაზრდული მოძრაობაც წარმოაჩენდა თავის სამართლიან ეროვნულ მიზანსწრაფვას.

საქმის კეთება სჯობია ყოველთვის, უაზრო და ენაწყლიან ლაყბობას.

ეს უნდა გვეთქვა ხმამალა და თუნდაც ამ საქმეში მთავრობის დანაშაულებრივი უმოქმედობის გამო, დროულად მოგვეთხოვა მისი გადადგომა.

მანამ, სანამ ურემი გადაბრუნდებოდა.

ახლა უკვე გადაბრუნდა.

მაგრამ, ურემი ისევ გზაზე უნდა დავაყენოთ და ერთი გზით ვიაროთ.

გათიშული და სხვადასხვა გზით მავალი აღმოჩნდა ქართველი საზოგადოება: ახალგაზრდობა, ინტელიგენცია, მუშა და გლეხი. პარტიული და საბჭოთა აქტივი, რესპუბლიკის პოლიტიკური ხელმძღვანელობა.

ახლა ჩვენ ძველი პრობლემების ახლებურად განსჯის, განხილვისა და გადაწყვეტის ხანა დაგვიდგა.

9 აპრილის „სისხლიანი კვირა“ ჩვენი გამოფხიზლებისა და ახლებური ეროვნული აზროვნების გზით სიარულის დაწყების მაშუქებელია.

გვივლის მწუხრისა და განკითხვის ყამი.

მაგრამ სამუდამოდ დარჩება ღრმა იარა, რომლის მკურნალიც თითოეული ჩვენთავანია. უნდა იყოს და იყოს საქართველოს ხვალისდელი დღისათვის დაუცხრომელ ზრუნვაში.

საზრუნავი ბევრია.

გამოსასწორებელიც.

დასაძლევიც.

საკადრო პოლიტიკაში დაშვებული უხეში, ზოგჯერ მიუტყევებელი შეცდომები.

ხელმძღვანელობის ერთპიროვნული, ისევ და ისევ ადმინისტრაციულ-მბრძანებლური სტილი მოჩვენებით დემოკრატიზმთან ეპიზოდური გათამაშების პირობებში.

ეროვნული ინტერესების ბალანსის დაცვის უუნარობა.

ახალგაზრდული მოძრაობის მნიშვნელობის შეუფასებლობა. დასახანი პასიურობა საქართველოს ეკონომიკური დამოუკიდებლობის ეროვნული მოღელის შექმნაში.

და კიდეც ბევრი რამ სხვა.

ძნელი იქნება დაკარგული ნდობის მოპოვება.

და „ჩატეხილი ხიდის“ აღდგენაც.

ვერ გაიმართება ის, რასაც დიალოგი ჰქვია მომწიფებული ეროვნული პრობლემების კონკრეტული, რეალური საქმეებით გადაჭრის გარეშე.

ახლა აღარ გამოგვადგება ძველებური დიალოგი, რომელიც სმენადაქვეითებულთა განმარტოებული მონოლოგის ხასიათს ატარებდა.

დიალოგი ფუჭი და ენაწყლიანი ლაპარაკი როდია, როცა სათქმელი არაფერი გაქვს. სათქმელი კი უნაყოფო ლაპარაკისაგან განსხვავებით, უკვე გაკეთებულსა და რეალურად ჩაფიქრებულს თქმას გულისხმობს. მხოლოდ ასეთი დიალოგი გახდის შესაძლებელს, რომ ოპონენტი პარტნიორი გახდეს. ჩვენი უბედურება ის არის, რომ რესპუბლიკის ხელმძღვანელობის წარმოდგენა საქართველოს უკეთეს მერმისზე, ბევრ რამეში და უმთავრესში მაინც,

არა და არ დაემთხვა ფართო საზოგადოებრიობის მოლოდინს. მოლოდინი კი მაინც იყო. ფუჭი აღმოჩნდა იგი. საქმე ის არის, რომ ახალგაზრდობის ემოციური ბუნება ვერა და ვერ ეგუება ვერც უსამართლობას და, მით უფრო, უსიხდისობას.

ამბოხების უმთავრესი მიზეზიც ეს არის. დავიხსოვოთ ეს. წესის, კანონისა და ზნეობისადმი უპატივცემულობამ ისევ უზნეობა და უკანონობა შვა, რაც სისხლის ფასად დაგვიჯდა. მაგრამ...

— ცუდად ხომ მაინც არ ჩაივლის ეს განწირულის სულისკვეთება.

არ ჩაივლის. არ უნდა ჩაიაროს. საუკუნის დანაშაული, დანაშაული კაცობრიობის წინაშე, დანაშაული, რომელმაც გზის დასაწყისშივე მუხანათურად ჩასცა ლახვარი ჯერ კიდევ ახლადფეხადგმულ „პერესტროიკას“ — განკითხულ უნდა იქნეს.

ამის იმედი მაშინ მომეცა, როცა სკკპ ცენტრალური კომიტეტის პოლიტბიურომ ცნობად მიიღო სსრ კავშირის გენერალური პროკურორის ინფორმაცია, რომ სსრ კავშირის პროკურატურის ორგანოები უზრუნველყოფენ მკაცრ კონტროლს თბილისში მომხდარი მოვლენების ფაქტის გამო აღძრული სისხლის სამართლის საქმის გამოძიების მიმდინარეობისადმი, კანონის შესაბამისად გამოძიების ობიექტურობასა და სისრულეს, აგრეთვე საზოგადოებრიობის სისტემატურ ინფორმირებას.

განხათ! მანამდე კი ჩვენ მაინც ჩვენი საქმე უნდა ვაკეთოთ. ჩვენს გასაკეთებელს სხვა არავინ გააკეთებს. სხვამ უკვე „გააკეთა“ სისხლიანი კვირა. მაგრამ კვირას ორშაბათი მოსდევს და იგი სამუშაო დღეა. შრომა გვმართებს ძმებო და სისხლის სანაცვლოდ ოფლი ვლვართ ერის, ქვეყნისა და ჩვენი მომავლისათვის. ერთმანეთს თვალი გავუსწოროთ. პატიოსანი, ალალ-მართალი, ვაჟკაცური თვალი. დამნაშავემ პასუხი უნდა აგოს. მათ შორის დასანდობი არავინაა...

მაგრამ... ახლაც, ამ მწუხრისა და განკითხვის უამს, ზოგიერთები ისევ წამოყოფენ თავს მათთვის ჩვეული პირადული ანგარიშსწორების მიზნით, პირადულივე ინტერესებით ნაკარნახევი ისტერიული გამოხდომებით და კიდევ ვინ იცის, რა თვალთმაქცი გზებითა და საშუალებებით.

გვეყო და მოვეშვათ ამ ბინძურ ხელობას. გვეყო თვალთმაქცობა, ბოღმა და შური. გვეყო ენატანობა. ახლა მაინც ველაპარაკოთ ერთმანეთს ილიას მართალის ენით. პატრიოტიზმი იგივე მამულიშვილობაა. ხოლო ინტერნაციონალიზმის არსი კი უფრო რეალურად, ღრმად და საფუძვლიანად გავიაზროთ.

იმითმაც, რომ ჰკუის სასწავლი მაგალითი მეც მომცეს მოსკოვის პრესისა და ტელევიზიაში მოკალათებულმა „კოლეგებმა“. ყველას მოგვცეს. სამარცხვინო, საძრახისი მაგალითი.

მაგრამ, მე სხვა მაგალითებიც ვიცი. „მოსკოვსკიე ნოვოსტი“. „ნედელია“ და „ნოვოე ვრემია“. ვიცი მოსკოვში გამართული კინემატოგრაფისტთა და ჟურნალისტთა პრესკონფერენციები, მეცნიერთა სახლში მოწყობილი შეხვედრა და ძველ არბატზე შემდგარი სოლიდარობის მიტინგიც.

მე ისიც ვიცი, რომ სსრ კავშირის ჯანმრთელობის დაცვის სამინისტროს მიერ თბილისში მოვლენილმა მოსკოველ, ლენინგრადელ და როსტოველ სპეციალისტთა ჯგუფმა დაადასტურა, რომ 9 აპრილს ქ. თბილისში დემონსტრაციის მონაწილეთა წინააღმდეგ გამოყენებული იყო მომწამლეული ნივთიერებანი და საჭაროდ განაცხადა შემდეგი: „როგორც ჩვენი სამშობლოს მოქალაქენი, მხარში ვუდგევართ ქართველ ძმებს და ჩვენი ქვეყნის ყველა პატიოსან ადამიანს, და მოვითხოვთ საჭაროდ გასამართლონ ისინი, ვინც ბრძანება გასცა შხამები, აგრეთვე ცივი იარაღი (მესანგრეთა ხელბარები) გამოეყენებინათ მშვიდობიანი დემონსტრანტების წინააღმდეგ, გასამართლდნენ ისინი, ვინც ეს შემზარავი ბრძანება შეასრულა და ისინიც, ვინც დღემდე მალავს გამოყენებული ქიმიური იარაღის შემადგენლობას. დამნაშავეებმა პასუხი უნდა აგონ თავიანთი დანაშაულისათვის.“

ასე რომ, ბევრი რამ გვმართებს გავიაზროთ ახლებურად, ფხიზელი თვალითა და ცივი გონებით. თუნდაც ის, რომ უკვე დროა თავისი ხმამაღალი და მართალი

სიტყვა თქვას აფხაზეთის, ამ ძველისძველი ქართული მიწა-წყლის მრავალრიცხოვანმა ქართველობამ, აგრეთვე ქართული ნინუბმა, წერეთლებმა, ახვლედიანებმა, გულიებმა, ძიძგურებმა მათთან ერთად მთელმა საქართველომ. იმ ძველისძველ ქართული მიწა-წყლის მკვიდრმა ქართველობამაც, რომელსაც მერე სამხრეთ ოსეთი დაარქვეს. სხვაგანაც. ყველგან.

ამას წინათ გამართულ სკკპ ცენტრალური კომიტეტის აპრილის პლენუმზე ა. ხ. ვეზიროვმა — აზერბაიჯანის კომპარტიის ცენტრალური კომიტეტის პირველმა მდივანმა, განაცხადა, რომ 130 ათასი კაცი გადმოსახლდა აზერბაიჯანში სომხეთიდან, სადაც პრაქტიკულად აზერბაიჯანელები აღარც კი დარჩენილანო. ასევე, ათეული ათასობით მიუტოვებიათ სომხებსაც თავიანთი საცხოვრებელი კერები აზერბაიჯანის ტერიტორიაზეც.

გამოდის რომ, ყველა თავ-თავის მშობლიურ მიწა-წყალს დაბრუნებია და მე, მაგალითად, მეტად საინტერესო, საგულისხმო და ყველასათვის დამაფიქრებელ პროცესად მეჩვენება ეს.

ამავე დროს, მე გულწრფელად მივესალმები ქართული ენის განვითარების სახელმწიფო პროგრამით გათვალისწინებულ ღონისძიებებს. სხვა პროგრამებსაც. მაგრამ, ისიც გულწრფელად უნდა ვაღიაროთ, რომ სანამ ადგილობრივი, აგრეთვე რესპუბლიკური პარტიული, სახელმწიფო, სამეურნეო ადმინისტრაციული და სხვა ორგანოების, უწყებების, დაწესებულებების სათავეში არაქართველი ეროვნების ისეთი მუშაკები გვეყოლება, ვინც ქართული ენა არ იცის, ამ პროგრამებს რეალური განხორციელება არ უწყრია. არც საშუალო და უმაღლეს სასწავლებლებში, არც ჩვენს საზოგადოებრივ ცხოვრებაში.

არადა, რაც ზემოთ ითქვა, ამის გაკეთება არ არის დაკავშირებული დიდსა და გადაულახავ სიძნელებთან. ისინი საერთო-საკავშირო ორგანოების ჩარევის გარეშეც შეიძლება ჩვენ თვითონვე მოვაგვაროთ.

აქამდეც შეიძლებოდა. ახლაც შეიძლება. უნდა მოვაგვაროთ.

ეს ჩვენი შინაური საკითხებიც თუ ვეღარ მოვაგვარეთ, დიპლომატიკა ვერ გაიმართება არამც თუ არაფორმალურად, არამედ ვერც ჩემთან.

შესიტყვება საქართველოსთან არასოდეს ყოფილა იოლი. მით უფრო ახლა. ლაპარაკი სათქმელის გარეშე წყლის ნაყვანა და სხვა არაფერი. სათქმელი კი საქმიდან მოედინება. რეალური, კონკრეტული საქმიდან.

ჩვენი გზა თავისუფლებისაკენ მიდის და მივა კიდევ. მაგრამ, ეს საკმაოდ ძნელად სავალი გზაა თუნდაც იმის გათვალისწინებით, რომ ჩვენ ისიც კი არ ვიცით, როგორ მოვეპყრათ ამ თავისუფლებას, როგორ აღვიქვათ და გამოვიყენოთ იგი პრაქტიკულად, რეალურად, ცხოვრებისეულად. თანამედროვე პირობებისა და ვითარებისამებრ.

გაუნათლებელი, მიწას და დაზგას მოწყვეტილი, უკულტურო და უდისციპლინო, მოუწყვრიგებელი საქართველო, სადაც მართოდენ „ჩემი“ მძლავრობს, ხოლო „ჩვენი“ ღონემიხდილი და დაუსტებელია, ვერ იქნება თავისუფალი.

სწავლა. შრომა. სპორტი. ძალიან გვჭირდება ჩვენ ეს ყველაფერი. ილია:

— ხმლიანმა მტერმა ვერ დაგვათმობინა, ვერ წაგვართვა ჩვენი მიწა-წყალი, ჩვენი ქვეყანა. ხმლიან მტერს გაუძეველით, გადაურჩით. ქვეყანა და სახელი შევიწინახეთ, სახსენებელი არ ამოვიკვეთეთ, შევირჩინეთ, საქელავი არავის ავაგებინეთ. ხმლით მოსულმა ვერა დაგვაკლო-რა, — შრომით და გარჯით, ცოდნით და ხერხით მოსული კი თან გაგვიტანს, ფეხქვეშ დან მიწას გამოგვაცლის, სახელი გაგვიქრობს, გაგვიწყვეტს, სახსენებელი ქართველისა ამოიკვეთება და ჩვენს მშვენიერ ქვეყანას, როგორც უპატრონო საყდარს, სხვანი დაუპატრონებიან. შრომასა და გარჯას, ცოდნასა და ხერხს ველარავინ-ლა გაუძღუბს, თუ შრომა და გარჯა, ცოდნა და ხერხი წინ არ მივაგებეთ, წინ არ დავახვედრეთ, წინ არ დავუყენეთ.

ვისმინოთ ჩვენი სულიერი მამის ეს შეგონება. ჭირსა შიგან გამაგრება გვმართებს. საქართველო გლოვობს სამშობლოსათვის დაღუპულ შვილებს. გალოვა ჩვენი მრისხანეა, უღრეკი და ვაჟკაცური. ხოლო გლოვის ზარი გვიხმობს, გვაფრთხილებს, მოგვიწოდებს. ქართველებო ყველა ქვეყნისა, შეერთდით! რამეთუ ჩვენ, მწუხრისა და განკითხვის უამი დაგვიდგა.

ოთარ ქინძლაძე.



მზარეულოდან გამოსულმა ლიდა ტარმანიანმა საათს ახედა. თორმეტს აკლდა ოცდახუთი წუთი.

— არ დაგაგვიანდეს. და-

ლიე ჩაი და გაიქეცი! არმენი კუთხეში ცერად მიდგმულ მაგიდასთან იჯდა და საუზმობდა, თან გაზეთს ჩახჩერებოდა.

დედამ სიყვარულით გახედა გარინდებულ ვაჟიშვილს.

— ბიჭო!

არმენმა თავი აიღო და დედას ღიმილი შეაგება:

— მოიცა, დედაჩემო, ახლა ისევ არ დამიწყო, ცოლი რატომ არ მოგუაჯვსო. დამაცადე, მოვავარებ საქმეებს და დავოჭახდები... აბა, წავედი!

— შვილიშვილი მინდა! — ხმამალლა დაადევნა დედამ ოთახიდან გასულ შვილს და კუურკლის ალაგება დაიწყო.

თორმეტს ოცი წუთი აკლდა.

კიდეც რამდენიმე წამი და უველაფერი თვალის დახამხამებაში მოხდა.

ჭერ ყრუ ხმა გაისმა. მერე, სადღაც შორს, დედამიწის გულიდან შემაზრუნენი გრუხუნის ამოსკდა.

უცნაურმა ძალამ ლენინაჟანის შემოგარენი ძალუმად შეაყანაალა.

დასახლისი სწრაფად მოეგო გონს. კარისკენ გახსლტა, მაგრამ უკვე გვიანი იყო.

ჭერმა დაიგრუხუნა. რკინა-ბეტონის ვეება ფილები ჩამოვავდა და მოყანალებული კედლები ერთმანეთს ზათით შეასკდა.

ნანგრევებად აკოკოლავებული სახლი მტერის კორიანტელში გაეხვია.

ფარდაჩამოშვებულ პალატაში სიჩუმეს დაუსადგურებია, გულისგამაწვრილებელ სირუმეს. ხანგამოშვებით ყრუ კვნესა გაისმის. საწოლზე გულაღმა მისვენებულმა ქალმა ოდნავ წამოსწია თავი. ეცადა წამომდგარიყო, მაგრამ აუტანელმა ტკივილმა დაუარა ფეხებში და ადგილზე გააშეშა.

ექთანმა მაშინვე შეაშველა ხელი. მიწოდებული ჰიქიდან ლიდა ტარმანიანმა ულუპ-ულუპით შესვა წყალი. მიწვა და ისევ გაირინდა. გონებაში ნათლად გაცოცხლდა უველაფერი: გონს ამ ორიოდ დღის წინ მოეგო. როცა თვალი გაახილა, პირველად თეთრხალათიანი ექიმები და ექთნები დაინახა. უველანი შეზობელ საწოლთან დოლბანდში შეხვეულ პატარა გოგონას დასტრიალებდნენ. მოსალამოვდა. გოგონას დედა არეკვი საწოლთან მიდგმულ სკამზე ჩამოჯდა და ლიდა ტარმანიანს გამოსეაუბრა. მაშინ შეიტყო, გოგონას რომ ანი ერქვა, სპიტაკიდან იყო; ისიც ნანგრევებიდან ამოუყვანათ და ვერტმფრენით ჩამოუყვანათ აქ.

— ახლა სადა ვარ? — გამშრალი ტუჩები შეარხია ლიდა ტარმანიანმა.

— თბილისში, დამწვრობის რესპუბლიკურ ცენტრში.

წამით ჩამოვარდნილ დუმლიში ამოოხვრა გაისმა.

ლიდა ტაროდა.

— ნუ გეშინია, შენც მოგარჩენენ. ჩემი ანი უკვე კარგად არის.

— ჩემს თავს არ ვდარდობ, — ჩურჩულით გაეპახუნა მოსაუბრეს, — ჩემი ბიჭის დარდი მკლავს. გადარჩა თუ არა არმენი? სად არიან ჩვენი ახლოლები?..

ეს ამბავი 1961 წელს მოხდა.

ადრეული გაჯაფხული იდგა. ბაქოში ტრავმატიზმისა და დამწვრობის საკითხებზე საკავშირო კონფერენცია მიმდინარეობდა. დაიწყო შესვენება.

თბილისელი ახლგაზრდა ექიმი ბესიკ იაშვილი ის-ის იყო დარბაზიდან ფოიეში გამოვიდა, რომ ვიღაც უცნობმა თავაზიანად შეაჩერა.

— გისმენთ, ბატონო!

— თქვენი მოხსენება ძალიან მომეწონა. ბევრ პრობლემატურ საკითხს შეეხეთ... აბა, დაფიქრდით. ლენინგრადში ხომ არ გადმოსვით დოლით სამუშაოდ?

— თქვენ ვინ ბრძანდებით?

— სამხედრო სამედიცინო აკადემიის თერმული დაზიანების კლინიკის ხელმძღვანელი ვარ, — მოსაუბრემ ხელი გაუწოდა. — მიცნობდეთ, ტუფი იაკობის ძე არიევი. საუბარს შეპყვენენ.

შესვენების დამთავრებამდე ბევრის თქმა მოახწრეს.

ბესიკ იაშვილმა რვა წლის წინათ დაამთავრა თბილისის ინსტიტუტის სამკურნალო ფაკულტეტი. რუსთაველი განაწინებს. აი სწორედ აქ, მეტალურგთა ქალაქში, დანტერესდა იგი დამწვრობის საკითხებით: საავადმყოფოში ხშირად მოჰყავდათ მძიმედ დამწვარი მეფოლადეები.

მერე ბესიკ იაშვილი დააწინაურეს და თბილისის სისხლის გადასხმის ინსტიტუტში უფროს მეცნიერმუშაკად გადაიყვანეს.

ჩანაფიქრი არც აქ აძლევდა მოსვენებას. ნათქვამია, ეძიებდნენ და პპოვებდნენ. ასეც მოხდა. დიდი გარჯით, შრომითა და მეცადინეობით, ერთუწიასტმა დამხმარე განყოფილების დაარსება მოახერხა.

— კმაყოფილი ხართ?

— არა, ტუფი იაკობის ძევე! საქართველო, მოგესხენებათ, დიდი სამედიცინო ტრადიციების რესპუბლიკაა. თბილისში აუცილებლად უნდა გაიხსნას დამწვრობის თანამედროვე დამოუკიდებელი სრულყოფილი ცენტრი.

გაისმა ზარი. შესვენება დამთავრდა.

— წამოდით ლენინგრადში, გამოცდილებას შეიძენთ, ჩვენც დაგვეხმარებით და თქვენი მომავლისათვისაც უკეთესი იქნება. მა? ისევ უარზე ხართ?

— საქართველოს ვერ მივატოვებ! დარბაზში შედიოდნენ, როცა აკადემიკოსმა ბესიკ იაშვილს მოულოდნელად მკლავზე ხელი შეავლო და უფროსი ჩასჩურჩულა:

— საქართველოში არ ვყოფილვარ... უნდა მოვასწრო და სანამ ცოცხალი ვარ, ჩამოვიდე.

— ჩამობრძანდით.

— ჩამოვალ და იქნებ თქვენც დაგეხმაროთ რაიმეში...

გამოხდა ხანი.

ვინ მოთვლის, ბესიკ იაშვილს რამდენი შრომა, ძიება, უამრავი დაბრკოლების გადალახვა და თურთად გატეხილი ღამე დასჭირდა, რომ მიზნისათვის მიეღწია.

მარტო არ ყოფილა. მოწადინებულნი კოლეგები შეეხილნენ. არც ჯანმრთელობის დაცვის სამინისტროს და რესპუბლიკის ხელმძღვანელობას მოუკლია შემწეობა.

და აი, თბილისში გაიხსნა აღდგენითი მკურნალობის ორთოპედო-ქირურგიული რესპუბლიკური საავადმყოფო — თერმულ დაზიანებათა სამეცნიერო-პრაქტიკული ცენტრი. საბჭოთა კავშირში იგი ერთ-ერთი საუკეთესო და უნიკალური ტიპის სამედიცინო კერაა.

— თერმულ დაზიანებათა სამეცნიერო პრაქტიკული ცენტრი საგანგებოდ აშენებულ საუკეთესო შენობაში მოთავსდა. იგი აღჭურვილია თანამედროვე აპარატურით. ავადმყოფებს კვალიფიცირებული და საქმის მოყვარული სპეციალისტები ემსახურებიან.



ოღას კაზსა ლაჟიკვოს...

ცენტრი საშუალებას იძლევა სხვადასხვა პროფილის დაწესებულებებში გაბნეულ ავადმყოფებს ერთად მოუყარონ თავი, ადგილობრივ უოველნარიად გამოვიკვლიოთ და სათანადო სპეციალიზებული მკურნალობა ჩავუტაროთ.

ამ ახალი სამედიცინო დაწესებულების სამ კლინიკურ განყოფილებასთან, მის ლაბორატორიებთან, ღამნარე კაბინეტებთან უშუალო კავშირი აქვს დამუარებული ჩვენი ქვეყნის მრავალ სამეცნიერო დაწესებულებას. უფრო მეტიც: ქართველი სპეციალისტების მუშაობის წარმართვის პრინციპმა უცხოელი სპეციალისტებიც დააინტერესა.

თბილისის ცენტრში ახლა ხშირად ნახავთ ბულგარულ ექიმებს. ჩამოდიან პოლონელები, ფრანგებსაც შეხვდებით. სკურნალობის ორიგინალური სტრუქტურის განაცნობად აქ იტალიელ მეცნიერებსაც გამოუჩენიათ ინტერესი.

ერთსაც ვიტყვი: თერმულ დაზიანებათა თბილისის რესპუბლიკური ცენტრი საუკეთესო მუშაობისათვის საკავშირო მიღწევათა გამოფენაზე სამჭერ დაჯილდოვდა საპატიო მედლით.

უფროსი ექთანი ცენტრის ხელმძღვანელს დაეძებდა.

- ბატონო ბესიკი არ გინახავთ?
- ეს-ესაა ზევით ავიდა.
- ზევით ავიდა და ასეთი ამბავი დაახვედრეს:
- ლიფტით ჩავიდა ქვევით!

ჩავიდა პირველ სართულზე და პროფესორს ვერც ბავშვთა განყოფილებაში მიუსწრო.

ბოლოს, ექთანს საოპერაციოდან ახლად გასული ბესიკ იაშვილის კვალს აედევნა, გაიკითხა და დაადგინა: პალატებში შემოვლავს უოფილა.

— რაშია საქმე? — დინჯად იკითხა პროფესორმა, როცა დერეფანში დადარაჩებულ უჩვეულოდ წამოწითლებულ უფროს ექთანს შეავლო თვალი.

- სტუმრები გეწვიათ!
- ვინ სტუმრები?
- საკავშირო საპრობლემო კომისიის წევრები მოსკოვიდან, ლენინგრადიდან, ჩელიაბინსკიდან, გორკიდან...

მედიცინის მეცნიერებათა დოქტორის, პროფესორ ბესიკ იაშვილის კაბინეტში ვსხედვართ. უღრუბლო ციდან ადრეული გაზაფხულის ჭიატა მზე იმჟირება. კედლიდან კეთილშობილური სახის, ზვიადი გამომეტყველების მამაკაციური სურათი ჩამოგვცქერის.

- ბატონო ბესიკი, ვინი სურათია?
- გარდაცვლილი ცნობილი მეცნიერის ტუფი იაკობის ძე არიევისა.
- როდის გარდაიცვალა?

- პროფესორს სახე მოედრებოდა.
- არც ისე დიდი ხანია, ერუდირებული, მკაცრი, დისციპლინირებული მეცნიერი.
- დაგეხმარათ?

— ძალიან. ლენინგრადში მის კლინიკაში ხშირად ჩავდიოდი. ახლობელივით მიღებდა, მიწვევდა საჭირო კონსულტაციებს.

მოსაუბრე წამით შეჩერდა და განაგრძო:

— საქართველოში მხოლოდ ერთხელ მოასწრო ჩამოსვლა, ალტაცე-ბული იუო. ჩვენმა ბუნებამ, ჩვენი ხალხის სტუმართმოყვარეობამ ძალიან მოხიბლა, გული აქ მჩრებოა, იძახდა.

კარი გაიღო. ცენტრის ხელმძღვანელს დილის ფოსტა შემოუტანეს.

ასეა უოველი დღე. ჩვენი რესპუბლიკის სხვადასხვა კუთხიდან უწყვეტ ნაკადად მოდის და მოდის წერილები.

— „სამადლობელო“ ასე შეიძლება დაერქვას ამ ბარათებს.

გნებავთ გაეცნოთ? აი, თუნდაც რამდენიმე მათგანი.

— ბატონო ბესიკი, მიიღეთ ჩემი ოჯახის მადლობა ასეთი საავადმყოფოს დაარსებისა და ხელმძღვანელობისათვის. თქვენმა კოლექტივმა სიცოცხლე შემინარჩუნა, მადლობა უვლას, — იწერება ლაგოდებელი არჩილ ხატიაშვილი.

— ესაა ჩვენთვის დიდი ბედნიერების მომნიჭებელი სახლი, სადაც მეორედ დაიბადა ჩვენი შვილი, — ამბობენ ვანო და გიული ზვიადურები.

ბათუმელი ალა ბოგინსკაია წერს: — სიცოცხლეზე ხელი მქონდა ჩაქნული. ახლა მხნედ ვარ. ეს თქვენი ცენტრის დამსახურებაა. მე ვთვლია, რომ ასეთი თანამედროვე და კეთილ-

მოწყობილი უნდა იყოს ყველა საავადმყოფო.
— თქვენ დამიბრუნეთ, კანკარულ ლობა, სილამაზე და ჩვენს ცხოვრებას აზრი მიეცა. დღეს მე ბედნიერი ოჯახი შევქმენი, — წერს ლილი ბეუიტაშვილი.

ახლა ანიკო ლონდაძეს მოვუსმინოთ: — ბესიკ იაშვილი ჩემი ღმერთია. ჩემი შვილი ნესტანი თქვენმა დალოცვილმა მარჯვენამ გადაარჩინა. გლოცავთ, იხარეთ და იმრავლეთ!

ხალხის გულითად სამადლობელზე ძვირფასი არის განა რამე?

პალატაში დინჯად, ჩვეული სიმშვიდით შემოვიდნენ თეთრ ხალათებში გამოწყობილი ექიმები და ექთნები. დილის შემოვლა დაიწყო.

— როგორ გრძნობთ თავს?

— უკეთესად! — ლილა ტარმანიანმა მადლიერი თვალით ახედა პროფესორს, — ერთი-ორჯერ უკვე გავიარე.

— მეტი უნდა იმოდროთ. ორსამ კვირაში მთლიანად გამოჯანმრთელდებით.

სასწაულია! იმ ავბედით დღეს მთელი სახლი დაემხო თავზე. ბეწვზე გადაჩრა. ორთავე ფეხის ძვლები ნაჯახით დაჩხილი გეგონებოდით, ეს კი, აი ეს ჭადოქარი ექიმი ორსამ კვირაში გამოჯანმრთელებას პპირდება. სასწაულია, სწორედ რომ სასწაულია!

ლიდამ პროფესორის უკან მდგარ ექიმებს მიმოავლო თვალი. უკვე ყველას ცნობდა.

აგერ, ის, მარჯვენე რომ დგას, გაა სიმონიშვილია, ის გურამ გომარელი გახლავთ, მარცხენე ოთარ მურჯინელია. მერაბ კამპამიძესაც კარგად იცნობს, ამ ახალგაზრდა ექიმის გვარი კი ზვიად ბოქუჩავაა...

ის-ის იუო, ლილა ტარმანიანმა რაღაცის თქმა დააპირა, რომ მოულოდნელად გაშრა, ცვილის ფერი დაეღო, აცახცახდა. გაფართოებულმა თვალებმა უსაზღვრო სიხარული დაიტეხს.

არა, ეს არ იუო მოჩვენება!

პალატის გამოღებულ კართან მისი არმენი იდგა.

— დედა!
და მაშინ, როცა ტირილით და კოცნით ცოტათი მაინც იჭერეს გული. ლილა ტარმანიანმა ჩურჩულით იკითხა: — მამაშენი?

— მამა ცოცხალია, ამ დღებში გინახულებს, შენ, შენ როგორ გადარჩი, დედა?

— ქართველებმა მიშველეს, შვილო, — აცრემლებულმა ლილა ტარმანიანმა თეთრხალათიანებს გადახედა. — ახლა აღარაფერი მიპირს. შვილიშვილის გაზრდას კიდეც მოვასწრებ!

ელერის ველეა ძიძიბური

ეთერ ლონდარიძე



სი. — აკაკი ძიძიგური თბილისის კონსერვატორიის ვოკალური ფაკულტეტის კურსდამთავრებულია. ჩინებული ხმის (ბასი-ბარიტონი) პატრონი. დამთავრებული აქვს აგრეთვე უნივერსიტეტის ფილოლოგიური ფაკულტეტი, სწავლობდა მათემატიკურზეც, მაგრამ შემდგომ უურნალისტაკამ გაიტაცა და... ამ ხაზით არაერთ საპასუხისმგებლო თანამდებობაზე მუშაობდა. სხვადასხვა დროს იყო საქართველოს რადიომაუწყებლობისა და ტელევიზიის სახელმწიფო კომიტეტის თავმჯდომარის მოადგილე ტელევიზიის დარგში, უურნალ „დროშის“ რედაქტორი, საქართველოს სსრ კინემატოგრაფიის სახელმწიფო კომიტეტის თავმჯდომარის მოადგილე, ანუამაღ კ. მარქსის სახელობის რესპუბლიკური საჯარო ბიბლიოთეკის დირექტორია. დიდი ერუდიციისა და ინტელექტის, მაღალი კულტურის, გონებამახვილობითა და ჯანსაღი იუმორით აღსავსე კვლავაც ერის სამსახურშია. სხვაგვარად ვერც წარმოუდგენია, რადგან ძველსა და რბილში აქვს გამჭადარი მშობელი ხალხის სიყვარული, ოჯახური ტრადიციებითაც რომ მოსდგამს.

ლმა მაზარა ნამდვილ ესტრადას. როგორც მომღერალი კი, ბებიჩემმა — ჩუტამ გამზარდა. თავადაც შესანიშნავად მღერის ბებია. უკრავს ფორტეპიანოზე. მაგრამ მაინც, თუ სცენაზე ვარ, ეს ჩვენი ოჯახის მეგობრის, ცნობილი ქართველი ქორეოგრაფის დავით მაჭავარიანის დამსახურებაა, იმ მაღალნიჭიერი ხელოვანისა, რომელიც დიდი კოტე მარჯანიშვილის მარჯვენა ხელი იყო. ჩვენს შორის არსებული ასაკობრივი სხვაობა — ორმოცდაორი წელი, თითქმის არ იგრძნობოდა. იგი იყო საოცრად უბრალო, სადა, მეგობრული... აკომპანემენტსაც თავად მიკეთებდა. შისი სტილი და შის მიერ შესწავლილი რეპერტუარი დღემდე მომდევნს. სწორედ მან ჩამომაყალიბა როგორც მსახიობი, გამომიშუშავა შრომის დიდი უნარი, გამომიწრთო ხასიათი, მასწავლა წინააღმდეგობათა დაძლევა. სწორედ მან შემიქმნა დღემდე ამოუწურავი, მდიდარი რეპერტუარი.

— ჩემს ცხოვრებაში ცისარტყელასათვის გაივლივთ და თქვენი გულში ჩამწვდომი ხმით მოხუცს რამდენიმე წლის სიცოცხლე მაჩუქეთ, — ამ სიტყვებით გამოხატა თავისი ალტაცება ცნობილმა ჩემმა ქართველოლოგმა, პროფესორმა ი. ივლიჩკამ, როცა 1968 წელს ახალგაზრდა მედეა ძიძიგურს მოუხმინა.

— ეს შესანიშნავია, საუცხოოა! — ამბობდნენ გამოჩენილი საბჭოთა მუსიკოსები ივანე კოზლოვსკი და მარკ ფრადკინი 1981 წელს მედეა ძიძიგურის კონცერტზე. შემდეგ კი ქართველი მომღერლის სიმღერით აღფრთოვანებულმა მსცოვანმა მომღერალმა ი. კოზლოვსკიმ მედეა სცენაზე ხელში აიყვანა და მასთან ერთად ცნობილი „მხოლოდ შენ ერთს“ იმღერა. საბედნიეროდ ამ ფაქტის ამსახველი ფოტოდოკუმენტი შემორჩენილია და მას მედეა რელიქვიასავით ინახავს.

მედეა ძიძიგურის სიმღერით მოხიბლულმა ცნობილმა საბჭოთა მომღერალმა ლეონიდ უტისოვმა კი ჩვენს თანამემამულეს თავის კონცერტში მონაწილეობა შესთავაზა, სადაც მედეას გამოსვლას დიდი წარმატება ხვდა წილად.

მედეა ძიძიგურის არტისტული მომავალი ოჯახური ტრადიციებითაცაა განპირობებული. მამამი-

ლიახ, იგი ცნობილი ქართველი განმანათლებლის — ვარლამ ძიძიგურის ვაჟია, იმ ვარლამისა, დიდი იაკობ გოგებაშვილის მხარდამხარ რომ იღვწოდა.

მედეას დედა თბილისის უცხო ენათა პედაგოგიური ინსტიტუტის პროფესორია, მუსიკის დიდი მოყვარული. ბებია ჩუტა (ელენე) ერისთავი კი მუნიციპალური ერთ-ერთი პირველი მსახიობი-ვარსკვლავი, რომელსაც ლექსი უძღვნა ბალმონტმა.

ძიძიგურების ოჯახში ხშირად იკრებებოდნენ იმდროის გამოჩენილი მოღვაწენი, მწერლები, რეჟისორები, მუსიკოსები... პატარა მედეა უშუალო მოწმე და მონაწილე ხდებოდა ოჯახური მუზიკირებისა. აქ, ოჯახურ გარემოში, ეზიარა იგი მუსიკალურ ხელოვნებას, გაუღვივდა სიმღერისადმი სიყვარული... ოთხი წლის გოგონას წყრილა ხმა იმთავითვე იპყრობს ყურადღებას, შემდეგ კი... შემდეგ სწავლის წლები, საკონცერტო გამოსვლები, პირველი წარმატებები, პირველი ალბომები...

მედეა, როგორც ცნობილია, თქვენი პირველი საქარო გამოსვლა, ე. წ. საკონცერტო „ნათლობა“ როგორც მომღერლისა, თბილისის უცხო ენათა პედაგოგიურ ინსტიტუტთანაა დაკავშირებული...

— დიახ, ამ ინსტიტუტის კედლებში მოხდა ჩემი პირველი საკონცერტო გამოსვლა სტუდენტობის წლებში. ხელოვნების დამსახურებულმა მოღვაწემ, ხსენებული ინსტიტუტის სტუდენტთა მხატვრული თვითმოქმედების ხელმძღვანელმა გიორგი შიოშვი-

— რაკი რეპერტუარი ახსენეთ, მოდით, ეს „საიდუმლოც“ გავხსნათ: თქვენს კონცერტებში ე. წ. ძველთაგან (ძველ სიმღერებთან) ერთად მუდამ ფიგურირებს ახალი. ეს შემთხვევითობაა, თუ?..

— არავითარი შემთხვევითობა. იწილა გურგულია ჩემთვის კერპია, ამიტომაც ყოველ კონცერტს მისი სიმღერით ვიწყებ — „რომ სიმღერისთვის შეიქმნა ადამიანი“ და შისივე სიმღერით ვამთავრებ — „მადლობელი ვარ“ (მუსიკაცა და ტექსტიც მისია).

— გარდა ამ სიმღერებისა, კიდევ რომელი სიმღერები გიყვართ.

— ძალიან მიყვარს გიორგი ცაბაძის „სიმღერე რამე“. ამ სიმღერას უკვე ოცდახუთი წელია ვასრულებ. ასევე მიყვარს არჩილ კერეხელიძის „იხვე მიდიხარ“, გიორგი ცაბაძის „მუხამზანი“, „ხვეტიცხოველი“, ჭეშან სეფიაშვილის „სანთლები“, რუსული რომანსები: „მთხვარი ქალი“, „აბრეშუმის თასმა“. ეს ის სიმღერებია, რომლებიც მუდმივად ჩემს რეპერტუარში. ასევე ყოველთვის ვასრულებ რუსულად ნებისკვერამის სიმღერებს, ნუნუ დულაშვილის „იენიღს“ ანა კალადაძის ლექსზე, მისივე „რომანსს“ შორის ფოცხიშვილის ტექსტზე.

ჩემთვის, როგორც მომღერლისათვის, ჯ. სეფიაშვილისა და რ. ნებისკვერამის სიმღერები განსაკუთრებით საყვარელი და მახლობელია, რადგან სცენაზე მათ პირველმა მე მივეცი გზა, ამ ავტორთა სიმღერების პირველი ინტერპრეტატორი მე ვარ.

— ჩემთვის ცნობილია, რომ თქვენ განსაკუთრე-

ბით ბევრს მოგწაურობთ რეპერტუარსა და საბჭო-
თა კავშირში, ასევე უცხოეთში. რას იტყვით ამ-
ასთან დაკავშირებით?..

— როცა სცენაზე ვარ, უბედნიერეს ადამიანად
ვგრძნობ თავს და ყველა მსმენელიც ერთნაირად
მიყვარს, სოფელში ვარ თუ ქალაქად, სამშობლოსა
თუ მის ფარგლებს გარეთ. ამიტომაც არ ვარჩევ,
თუ სად, რომელ სცენაზე გამოვდივარ, ყველგან
სიამოვნებით ვმღერო.

...გასტროლებზე მართლაც ხშირად მიხდება უო-
ფენა. ამ ბოლო წლების განმავლობაში მთელი სა-
ქართველო ხუთჯერ შემოვიარე — დაწყებული ხუ-
ლოდან, ახალციხის მიმდებარეობით და სვანეთით
დამთავრებული. რა პირობებში მიხდებოდა გა-
მოსვლა?.. უმეტესწილად გაყინულ დარბაზებში,
და როგორც წესი, კონცერტები იქ ნაცვლად სა-
დამოს რვა საათისა, ათ საათზე იწყება. მოგესხე-
ნებათ გლეხის შრომის ამბავი. მაინც მოდიან, მო-
დიან დალილები, მაგრამ სიხარულით, ენთუზიაზ-
მით... და განა შეიძლება მათთვისაც არ იმდერო
ისევე მონდომებით, როგორც ეს ბრწყინვალე სა-
კონცერტო დარბაზში გამოსვლისას ხდება?! დიან,
შეუბნედავად ასეთი „კომფორტისა“, მათ წინაშე
ყოველთვის საკონცერტო კოსტიუმით გამოვდივარ,
რადგან ჩემი აზრით სპეციალური ტანსაცმელი და
დეკორაცია კონცერტს ყველგან ესაპირობება. რა-
მდენჯერ დაუძახიათ დარბაზიდან — მოიხურე რა-
მე ტანზე, არა გცივაოვ?..

რაც შეეხება მოსკოვს, იქ მოგხსენებათ სულ
სხვა პირობებია და ბევრჯერაც გამოვსულვარ სხვა-
დასხვა საკონცერტო დარბაზებში. შარშან წლის
ბოლოს კი მოსკოვში ორი კონცერტის ნაცვლად
სამი ჩამატარებინეს, შემოსული თანხა მთლიანად
კულტურის ფონდში გადაირიცხა.

რაც შეეხება უცხოეთს... ბევრჯერ ვყოფილვარ —
უნგრეთსა და ჩეხოსლოვაკიაში, გერმანიაში და ბუ-
ლგარეთში, პოლონეთში, შვეიცარიაში... თურქეთში
კი პირველად მივდივარ. ეს გასტროლები ჩემთვის
განსაკუთრებულია, რადგან იქ მცხოვრებ ქართვე-
ლებს შევხვდებით. მათთვის მთლიანად ქართული
პროგრამა მიმაქვს, აგრეთვე ჩემი ფირფიტები, მა-
გნიტოჩანაწერები, რომლებსაც საჩუქრად გადაე-
ცემ. ჩემთან ერთად მოდიან მედლუქეთთა ანსამბ-
ლი და ჩემი კონცერტმაისტერი ინვა თბილელი.
რომელიც უკვე ხუთი წელია მუშაობს ჩემთან. შე-
მიძლია თამამად ვთქვა, რომ მისი სახით ქართულ
ესტრადას ნამდვილი მუსიკოსი — კონცერტმაის-
ტერი პუავს.

აქვე უნდა დავძინო ისიც, რომ საზღვარგარეთ
საბჭოთა მუსიკოსები სამარცხვინო დღეში ვართ
ხოლმე — სამარცხვინოა იმის თქმა, თუ როგორი
ანაზღაურება გვაქვს. მაგრამ მაინც მივიწრაფვი-
თ, რადგან დიდ შემოქმედებებს სტიმულს გვაძლევს.
ისე, კაცმა რომ თქვას, არც აქა გვაქვს დიდი ანა-
ზღაურება, არც ფილარმონიის ხელმძღვანელობისა-
გან ვართ განებივრებულნი. პირადად მე არაფრით
მიწყობენ ხელს, ყველაფრის გაკეთება თავად მიხ-
დება. ასე, მაგალითად, ჩემს ერთ-ერთ კონცერტში
მონაწილეობის მისაღებად მოვიწვიე ბრწყინვალე
იმპროვიზატორი-მევიოლინე კარო აირაპეტაიანი,
რომელსაც პირადად გადავუხადე. დიდი სურვილი
მაქვს ჩავატარო კონცერტი, რომელიც გამზიდრე-
ბული იქნება ქორეოგრაფიული ნორმებით (ვალსი,
ტანგო, ჩარლსტონი და ა. შ.). მაგრამ სახსრებია
საჭირო, მე კი ამის საშუალება არ გამაჩნია. იდეა.
ფვიქრობ, კარგია, რეალიზაცია — ძნელი, რადგან
არავინა თანამდგომი. ამ ბოლო დროს კომპერა-
ტივები წამოგვეზარუნენ, ანაზღაურებაც ალბათ
ნორმალური იქნება და, ფვიქრობ, ჩემი საკონცერ-
ტო პროგრამაც უფრო მრავალფეროვანი გახდება.

— მეც მახსოვს მაგ მევიოლინის გამოსვლა. ვირ-
ტუოზის თაბეჭდილობა დატოვა, მშვენივრად მიე-
სადავა კონცერტს და ორგანულად შეერწყა. რა-
საკვირველია, კარგია ასეთი დონის იმპროვიზატორ-
შემსრულებელთა ჩართვა კონცერტებში, როგორც
წმინდა მუსიკალური, ისე რეჟისორული თვალ-
საზრისით. ერთი ეს მითხარი, მედეა, კიდევ თუ

გაქვთ რაიმე სათქმელი აი, ისეთი, მუშაობაში რომ
გიშლის ხელს.

— თბილისში კონცერტების წინ არავინ მეხმა-
რება, რეპეტიციის ჩატარების საშუალებაც კი არა
მაქვს. ყველა შავი ხაზითაა თავად უნდა გავაკეთო.
მიუხედავად ამისა, მაინც კმაყოფილებით ვაკეთებ
ყველაფერს და განსაკუთრებით მიხარია თბილისე-
ლთა წინაშე გამოსვლა... ყოველივე ეს წელი-
წაღში ერთხელ ხდება. ნუთუ არ შეიძლება უფრო
ხშირად? თუ მთავრობის კონცერტია, სულ ერთი-
დაივივ ხალხი მონაწილეობს. კი ბატონო, კარგად
მღერიან, მე მათი წინააღმდეგი არა ვარ, მაგრამ...
ერთხელ მეც მომეცია საშუალება ასეთ კონცერტში
მონაწილეობისა, შემდეგ კიდევ სხვას და ასე... განა-
რა არის ამში ცუდი? ასევე ტელევიზია. წელი-
წაღში ერთხელ თუ გადასცემს ჩემს კონცერტს. ეს
არის და ეს მტკივნეულ საკითხადვე რჩება ჩემთვის.
ფირფიტების ჩაწერა-გამოცემის საქმეც. იქაც რი-
გებია, ფირფიტები გამოდის დიდი დაგვიანებით
(ჩაწერიდან სამი წლის შემდეგ), რაც არასასურ-
ველი და უცვლად გაუმართლებელია.

— ამში ალბათ თქვენცა ხართ „დამნაშავე“.
მახსოვს, ჯერ კიდევ მამათქვენის ტელევიზიაში მუ-
შაობის პერიოდში (იშხანად მეც იქ ვმუშაობდი
მუსიკალურ რედაქტორად) როგორ იშვიათად და
მორიდებით მოდიოდა რედაქციაში, სტუდიაში
ჩაწერებზე. ცხოვრება კი ბრძოლაა, მით უმეტეს
დღეს, როცა კულტურის სფეროში ესოდენ მომ-
რავლდნენ არაკომპეტენტური ადამიანები. ამ ბო-
ლო დროს სულ უფრო ბევრი იწყება ესტრადის
საკითხებზე, პრობლემებზე, და ხავსებით სამარ-
თლიანდაც, რადგან როკგაგურებმა წალევა ყველა-
ფერი, ფაზი დაკარგა მელოდია, გაჩნდნენ უნიჭო
მიმბაძველები... თქვენ რა აზრისა ხართ ამასთან
დაკავშირებით?

— კატასტროფული მდგომარეობაა. თითქმის
აღარ არსებობენ კომპოზიტორები, რომლებიც შე-
ქმნიან კარგ ქართულ სიმღერებს. იყო გიორგი
ცაბაძე და კიდევ ერთი-ორი მისთანა, ახლა აღარ
არის, ან აღარ წერენ. მახსოვს, წინათ ლექსიდან
იწყებდა კარგი სიმღერა არსებობას.

ჩემი აზრით საესტრადო ჯგუფებმა, მათმა მოძა-
ლებმა მოსაო ყველაფერი. მთავარია იყო სინთე-
ზატორები, გაუთავებელი რიტმული ზმაური, მუტი
ადარაფერი აინტერესებო. ვიღაც ახსოვს მელო-
დია?.. გაქრა კარგი მელოდია, დაიკარგა მისი ფასი.
ამ ბოლო დროს მომღერლებმაც დაიწყეს ძალიან
აქტიურად სიმღერების წერა... სიმღერა იმისთვისაა.
მეც ვიმღერო, შენც, იმანაც. მომღერლების მიერ
შექმნილ სიმღერებს კი ავტორების მუტი არავინ
მღერის.

ჩვენ, ვინც რუსული რომანსები მაინც შემოვი-
ტოვებ და იმით რამდენადმე ვავსებთ რეპერტუარს,
გვამტყუნებენ, მაგრამ... თუკი ჩვენი ქართველი
კომპოზიტორები მოგვანდობენ ახალ კარგ სიმ-
ღერებს, იმათ უფრო ხშირად და სიხარულით არ
შევასრულებდით?..

— ახლა კი „არამუსიკალური“ შეკითხვა მინდა
მოგცეთ: რამდენადაც ვიცო, თქვენ უარესად დიდი
(მრავალრიცხოვანი) ოჯახის წარმომადგენელი ხართ.
გთხოვთ, ორიოდ სიტყვით გვითხარით ამის თაობაზე.

— დიან, ჩვენს დიდ ოჯახში ხუთი თაობა ვცხო-
ვრობთ, ერთ ბინაში ვართ 84 წლის ბებიამეში ჩუტა
და ჩემი წლინახევრის შვილიშვილი ელენე, ჩემი
მშობლები, შვილი, მეუღლე, ჩძალი, 97 წლის მარი,
წარსულში საზოგადო მოღვაწე, თითქმის საუწყუნის
ტალი ბებუის და.

ჩემი ვაჟი — ბიძინა ბარათაშვილი უნივერსიტე-
ტის მეცნიერ-თანამშრომელია, მაღე დაიცავს დი-
სერტაციას. ნანა, ჩემი რძალი, უნივერსიტეტის
ასპირანტია, ისტორიკოსი. მეუღლე დოკტორია,
ექიმთა დახელოვნების ინსტიტუტის თანამშრომე-
ლი. ყველანი ვმღერით, ყველას გვიყვარს სიმღე-
რა, და რაც მთავარია, ტყბილად, ზმაშეწყობილად
ვცხოვრობთ, არ იგრძნობა თაობათა სხვაობა.

— დმერთმა გამრავლოთ, არ მოგშლოდეთ ოჯა-
ხური სითბო და სიმღერისადმი სიყვარული.



გზა ღვევით

ბევრ თქვენგანს უთუოდ ემახსოვრება
ტელევიზორის ეკრანიდან გამობრწყინე-
ბული ოთხი წლის ქერათმიანი პატარა
გოგონა, როგორი გატაცებით მღეროდა
რაფაელა კარას „სკოპია-სკოპიას“. ჯერ
კიდევ საბავშვო ბაღის აღსაზრდელს მრავალ-
ჯერ დაუტკბია ჩვენი მსმენელი თავი-
სი საამო და წკრიალა ხმით.

დღეს მარინე ნადირაძე ზაქარია ფალი-
აშვილის სახელობის სპეციალური სამუ-
სიკო სკოლის მეოთხე კლასის წარჩინებ-
ული მოსწავლეა. პედაგოგ ვეკა სვანიძის
ხელმძღვანელობით დიდი გატაცებით ეუ-
ფლება სამუსიკო ხელოვნების რთულსა და
საინტერესო ენარს — საფორტეპიანო ხე-
ლოვნებას.

კონსერვატორიის მცირე დარბაზში შე-
დგა მისი პირველი დებიუტი, მაშინ მარინე
პირველი კლასის მოსწავლე იყო. მე-
ორე კლასელმა შეასრულა ცნობილი ქარ-
თველი კომპოზიტორის ა. ბალანჩივაძის
საფორტეპიანო კონცერტი, საქართველოს
ქორეოგრაფიული საზოგადოების კამერულ
ორკესტრთან ერთად (დირიჟორი ხელოვნების
დამსახურებული მოღვაწე ვადიმ შუბლაძე).
მესამე კლასელი მარინე კი უკვე კონსერვატორიის დიდ საკონცერტო
დარბაზში უკრავს სიმფონიური ორკესტრის
თანხლებით (დირიჟორი საქართველო-
ს სსრ დამსახურებული მოღვაწე რევაზ
ტაკიძე), კიდევ ერთი წელიც და მოცარტის
№ 20 კონცერტით (დირიჟორი რ. ტაკიძე)
წარსდგა მსმენელის წინაშე.

შესრულების უზადო სიწრფელე და სი-
სადავე, ნაწარმოების სრულყოფილად
ფლობის ტექნიკა, აი, რითი გამოირჩევა
მარინე ნადირაძის ხელწერა.

ახლანან კიდევ ერთი სასიხარულო ცნო-
ბა მოვიდა ქალაქ ვილნიუსიდან — ნორჩი
პიანისტი დვარიონასის სახელობის საერ-
თაშორისო კონკურსის ლაურეატი გახდა.

ფეხბედნიერი ყოფილიყოს მარინე ნა-
დირაძის გზის დასაწყისი.

საქართველო

ნების თავისებური სამყაროს განუყრელი ნაწილია. ეს ის სამყაროა, რომელიც უშურველად იფრქვევა ბუნებრივი სილამაზის ათასგვარ ათინათად. მათ ხელოვნურ მომრავლებას ევროპაში ჯერ კიდევ მეთვრამეტე საუკუნის დასაწყისში მიჰყვებს ხელი. ამ საქმით განსაკუთრებით ინგლისელები იყვნენ გატაცებულები. მეორე მსოფლიო ომის წინ ორქიდეას ერთ-ერთი ნაირსახეობა — ოდონტოგლოსური, ინგლისში 1720 გინეად გაიყიდა. თავგამოდებულმა ნადირობამ გააღარიბა ბუნებაში მათი სახეობრივი შემადგენლობა.

ყვავილზე მონადირეები წარბეუხრელად ჰკრიდნენ უზარმაზარ ხეებს, რათა ხელში ჩაეგდოთ მიუწვდომელ სიმალეზე მოყვავილე მცენარე. მაგალითად, ერთ-ერთმა კოლექციონერმა შეაგროვა ოდონტოგლოსურის 10000 ეგზემპლარი. ასეთი ძვირფასი ნადავლისათვის „მონადირე“ 4000 ხე მოჭრა. ტყეების მსგავსი უფუნური განადგურება მით უფრო გულსატკეპია, რომ იგი სპობს ამ მშვენიერი ყვავილების არსებობის ეკოლოგიურ გარემოს.

ზოგიერთი ყვავილები, როგორც ეროვნული ემბლემა, ამშვენებს ამა თუ იმ სახელმწიფოს გერბს. ველური ვარდი — ასკილი, დიდი ბრიტანეთის ემბლემაა, ქრიზანთემა — იაპონიისა, ორქიდეა სინგაპურის ეროვნული ყვავილია. ამ სამხრეთული ქვეყნის ლამაზი ბუნების მშვენიერების სიმბოლო გამოხატულია სინგაპურის ფულზე — მონეტებზე, ბანკნოტებზე.

სინგაპური — ამ ყვავილდეოდოლის პირველი ექსპორტიორია მსოფლიოში. ადგილობრივ მებაღეებს სელექციის გზით გამოჰყავთ უნაზესი ტროპიკული ყვავილის ასობით ჰიბრიდული ფორმა. სტუმარ-მასპინძლობისა და კეთილმოსურნეობის აღსანიშნავად სინგაპურელები ორქიდეას ჩუქნიან სასურველ სტუმარს.

...ორქიდეა ამშვენებს მდიდართა თუ ღარიბთა საცხოვრებელს, ქალები ყვავილს იზენვევ თმებსა და ტანსაცმელზე. თალიანდში ორქიდეასთან დაკავშირებით კიდევ ასეთი წესი არსებობს: სასტუმროს ნომერში, ვახშმობის შემდეგ სასთუმალზე დებენ ამ ყვავილის თავისებური ფორმის ღია ბარათით, რომელზედაც ოთხ ენაზეა წარწერილი: „ძილი ნებისა!“.

როგორც ბუნებაში, ისე ბოტანიკური ბაღების ხელოვნურ წყალსატევებში, სხვა წყალმცენარეებთან ერთად, შეუძლებელია მნახვევი დაკვიწდეს თეთრი ან მოვარდისფრო ყვავილებით დამშვენებული, უზა-

რმაზარი, მუქ-მწვანე ფოთლებიანი ლოტოსი. ეს მცენარე ერთ-ერთი ყველაზე არქაული სახეობაა დედამიწის ზურგზე (ლოტოსის განვითარების ისტორია 100 მილიონ წელიწადს აღემატება) და შორეული აღმოსავლეთის ხალხთა შეგნებაში მორალური სიწმინდის გამონახულებას წარმოადგენს. ამიტომ, ლოტოსი ბუღიზმმა თავის ერთ-ერთ რელიგიურ სიმბოლოდ გადააქცია, წმინდა ტაძრის განუყრელ აქესუარად გამოიყენა. ფერწერასა და სატაძრო სკულპტურაში ბუღა ჩვეულებრივ თეთრი ლოტოსის ვიგანტურ ყვავილზე ზის დამახასიათებელ მდგომარეობაში.

აღმოსავლეთ აზიაში დიდი სიყვარულით სარგებლობს უხეყვავილებიანი ხე-მცენარეები. აქ ყველაზე პირველად უნდა აღინიშნოს ცნობილი იაპონური ალუბალი — საკურა. თავისი სამშობლოს პოეზიაში საკურას ყვავილობასთან ორგანულადაა ჩაქსოვილი ინტიმურ გრძობათა მოტივები, სამიჯნური ღირსება. ინგლისში ამ მცენარემ ადგილობრივი დამფასებლების სახით ჭეშმარიტად მეორე სამშობლო ჰპოვა. ადრე გაზაფხულზე საკურას შიშველ, დაღუნულ ტოტებზე არნახული სიუხვით გამოეფინება ხოლმე ნაზი მოვარდისფრო და თეთრი ყვავილები.

უალრესად სასიამოვნოა ის ფაქტი, რომ მცენარეთა კულტის მხრივ ევროპის ბევრი ქვეყანა ტოლს არ უდებს სამხრეთ-აღმოსავლეთ და აღმოსავლეთ აზიის ქვეყნებს, სადაც წლის სეზონი ზმირად დაყოფილია ბუნებრივი, მთვარისა და არა ხელოვნური, ასტრონომიული წლის მიხედვით, ხოლო სეზონთა მაუწყებელია ლამაზად მოყვავილე მცენარე: ადრე გაზაფხულის მაცნეა ქლიავის ყვავილობა, შუა გაზაფხულისა ალუბალი, შემოდგომის ქრიზანთემა და ა. შ.

აღმოსავლეთიდანაა შემოტანილი დასავლეთ ევროპის ქვეყნებში ე. წ. დაბალი ტიპის პარკები, რომლებსაც ქმნიან თითქმის ჯუჯა მრავალწლიანი დეკორაციული მცენარეები. ამ მცენარეთა სრულიად სხვადასხვა ფორმის ერთმანეთში გადაწეული ტოტები ყოველთვის ბუნებრივად როდია მიღებული.

მხატვარი-მეოცნებე ე. ბ. ის მიერ შექმნილი ეს სამყარო იმდენად მრავალფეროვანი და განსხვავებულია, რომ ამ ხელოვნებაშიც, როგორც ყველა სხვაში, გვხვდება „რეალიზმი“, „რომანტიზმი“, „იმპრესიონიზმი“, „კონსტრუქტივიზმი“, „ექსპრესიონიზმი“, „კუბიზმი“ და სხვა იზმებიანი მიმდინარეობანი. მაგალითად, ვთქვათ, პარკის რომელიმე კუთხეს ამ-

შვენებს უხეში მორი ან ჯირკი, გაწყობილი სხვადასხვა ფორმის ხმელი ტოტები, ცოცხალი ყვავილები, ხე-მცენარეები, გვეზდება, ისინი იგულისხმებიან. გამხმარი ტოტები ლამაზი ნაყოფით, ველური და სარეველა ბალახები ამშვენებენ არა მარტო პარკებსა და სკვერებს, არამედ ბინებს, საწოლ ოთახებს, სამუშაო კაბინეტებსა და სხვა. აქ აქცენტი აღებულია არა ყვავილსა და მის შეფერილობაზე, არამედ ბუნების ფორმაზე, მის ფილიგრანულ სიკოხტავეზე.

ბუნების სილამაზისადმი ხარკის მოხდას ნიშნავს ის მიმზიდველი, ტრადიციული დღესასწაულები, რომელსაც ჰოლანდიელები, ინგლისელები და სხვები ზოგიერთ ყვავილს უძღვნიან. ვარდს, შროშანას, ქრიზანთემას, ტიტას, იასა და სხვებს, ამ ქვეყნებში თავიანთი დაბადების დღეები აქვთ. ამ დღეს სხვადასხვა ყვავილებად გამოწყობილი ბავშვები ავსებენ პარკებს, ქუჩებსა და საზოგადოებრივი შეკრების სხვა ადგილებს. ეწყობა სახალხო სეირნობები, რომელსაც აქტიურად უჭერს მხარს ადგილობრივი მუნიციპალიტეტები, პრესა, ტელევიზია... ინგლისში, აპრილის ერთ-ერთ მშვენიერ დღეს, მეც მქონდა სიამოვნება, დავსწრებოდი ტიტას დღესასწაულს, ანუ „ტულზ ფესტივალს“, როგორც იქ უწოდებენ. ათასგვარი გირლიანდებითა და ფოიერვერკებით გაცოცხლებული პარკები სადღესასწაულო განწყობილებას ქმნიან დიდებსა და პატარებში. მსგავსი ტრადიციები ჩვენშიც, საქართველოშიც ინერგება.

დიდ ბრიტანეთში აპრილ-მაისი სწორედ ბუნების მოყვარულის თვალთა ყველაზე საინტერესო. „მარტის ქარებსა და აპრილის შხაპუნა წვიმებს მოჰყავთ მაისის ყვავილები“, — ამბობს ინგლისური ანდაზა. მისი ჭეშმარიტება უდაოა. ამ პერიოდში თვალში საცემია ხალხის ნაციონალური რიტუალები. მათგან ყველაზე მეტად აღსანიშნავია 23 აპრილი — შექსპირის გარდაცვალების დღე. ამ დღეს გენიალური დრამატურგის მშობლიურ ქალაქ სტრათფორდში იმართება მემორიალური ფესტივალი — მსოფლიოს მოწინავე თეატრები, მათ შორის რუსთაველის თეატრსაც ხვდა პარტივი. დღამენ შექსპირის პიესებს, სპექტაკლებს ესწრებიან ბრიტანეთისა და უცხოეთის სრულიად სხვადასხვა კუთხეებიდან ჩამოსული სტუმრები.

არნოლდ გეგვიკორი.

ს

როპიკული ტყის — ჰილეს ბნელ ტყეებში ყვავილები არც ისე ხშირი მოვლენაა. მხოლოდ ტყის ველზე ვხვდებით ბუჩქებსა და ბალახოვან მცენარეებს, რომლებიც კაშკაშა-ბრღვილა ფერის ყვავილებითაა დაფარული, მაგრამ სინაზის, სილამაზისა და სინატიფის ეს ჭეშმარიტი განსახიერებანი იკარგებიან ზღვა სიმწვანეში. ყველაზე მშვენიერი ყვავილები ზემოთ, ხეთა ზროსა და ტოტებზე იზრდებიან.

ეპიფიტთა — ტროპიკული ტყის მდგომარი მცენარეების — ფოთლებითა და ყვავილებით გირლიანდებივითაა მორთული ჰილეს ხეები. ყველაზე უხვად ისინი ხარობენ ჰარტენიან ადგილებში. გავრცელებულია აზრი, თითქოს-და ტროპიკულ წვიმის ტყეებში ყველაზე ლამაზი ფერისა და ფორმის ეპიფიტები ორქიდეებია.

ამ მცენარეთა სწორედ ამ ფორმებს უძღვნეს ინდიელებმა პოეტური სახელწოდება — „ჰაერის ქალწულები“.

ორქიდეები, როგორც ახალი, ისე ძველი სამყაროების ტროპიკულ ტყეთა სიამაყეა, ბუ-

რას მოგვითანს?

ეკონომიკური სპირტი

შარშან, მთელი წლის მანძილზე, კოლექტივი წელში ვერ გასწორდა. უჭირდათ. ერთობ უჭირდათ მიმე ტვირთის ტარება. ლაპარაკია თბილისის საწარმოო გაერთიანება „საქელექტრომანქანის“ სახელმწიფო ვალდებულებათა ტვირთზე, რომლის 11,5 პროცენტი შეუსრულებელი დარჩა. ვედარ ზედეს და რა ექნათ? რასაც მოერივნენ, წაიღეს, რასაც ვერა, გზაში მიატოვეს.

დალატს, პირის გატეხას რა მოხუცება ხოლმე, ყველას კარგად მოეხსენება. იზარალა მომხმარებელმა — 108 ათასი ცალი ელექტროძრავა დააკლდა, იზარალა გაერთიანებამაც — ხელშეკრულების დარღვევისათვის 680 ათასი მანეთი ჯარიმა გადაიხადა, 840 ათასი მანეთი გამოაკლდა დაგეგმილ მოგებას.

ეს უბრალო ციფრები არ გახლავთ. ნუ დაგვავიწყდება, რომ სწორედ ისინი კვებავენ საწარმოში მუშაკთა ანაზღაურებას, პრემიებს, კულტურულ-საყოფაცხოვრებო ფონდებს, კოლექტივის კეთილდღეობის მთელ არტერიას.

— წინასწარ ვიცი, — მეუბნება გაერთიანების მთავარი ინჟინერი ჯემალ ჩანტლაძე, — რას ფიქრობთ ჩვენს საწარმოზე: სიმძლავრეები გაქვთ, აღამიანები გყავთ, დირექტორადაც თქვენს კოლექტივში აღზრდილი კაცია არჩეული, პროდუქციის სახელმწიფო მიღებაც დაგინერგათ და სამეურნეო ანგარიშის პროგრესული მეთოდიც. ერთი სიტყვით, კაციც თქვენს მხარეზეა და დემრითიც, ხელი გაანძრით და მდინარის გადასურვაც აღარ გაგიჭირდებათ.

— არა, მე სულ სხვა კუთხით მიხილდა წაგვემართა საუბარი. უფრო მეტად ის მაინტერესებს, კაცმა რად უნდა იტვირთოს იმაზე მეტი, რისი ტარებაც არ შეუძლია? ეს მით უფრო წარმოდგენილია ახლა, როცა რადიკალური ეკონომიკური რეფორმა ანგრევს დირექტიულ, მმართველურ მეთოდებს და სულ უფრო მეტ თავისუფლებას აძლევს საწარმოებს. თქვენც ამდგარიყავით და გამოგყენებინათ ეს თავისუფლება, იმდენ ძრავაზე დაგედოთ ხელშეკრულება, რამდენს გავეთებასაც შესძლებდით.

— ჩვენც ეგ გვტყვიან, მაგრამ ვინ დაგვიჯერა? გარდაქმნა, სამეურნეო რეფორმა ისე მარტივად და სწორხაზოვნად არ მიდის, როგორც ზოგიერთს წარმოუდგენია. იმ უწყებას და სამინისტროს, ჩვენს შემოთ რომ დგანან, თავიანთი გეგმები და ამოცანები აქვთ, რომლებიც ჯერ კიდევ წინა ზუთწელში შეიმუშავეს. რაკი შეიმუშავეს, უნდა განახორციელონ კიდევ, მაგრამ როგორ, რა გზებით — ეს კი აღარ უწყიან. ამიტომაც გაორებული არიან: თან სამეურნეო ანგარიშისა და დამოუკიდებლობისაკენ გვეწევიან, თან ძველ პოზიციას ებლაშუებიან, ჩვენს აზრს ანგარიშს არ უწყევენ. გაბერილ, დაუბალანსებელ გეგმებს გვაძლევენ, მერე კი თუ დემრითი გაგვიწყრა და ვერ შევასრულეთ, თითს გვიქნევენ, ზოგჯერ მუშტსაც გვიბრახუნებენ!

— როგორც თქვენ ხატავთ, მთლად ასეც არ უნდა იყოს. არსებობს კანონი სახელმწიფო საწარმოს შესახებ, რომელიც დიდ უფლებებს გაძლევთ. ყოველ საწარმოში არჩეულია შრომითი კოლექტივის საბჭო, რომლის აზრს, წინადადებებს ანგარიშს უწყევენ.

— ჩვენც ასე გვეჩივრება, — ამბობს დირექტორის მოადგილე ეკონომიკის დარგში, შრომითი კოლექტივის საბჭოს თავმჯდომარის მოადგილე იური კარაბეტაიანი. — ამიტომაც შევიკრიბენით საბჭოს წევრები, ვიმსჯელებთ, დავასაბუთებთ გეგმის არარეალურობას და შემცირება მოვითხოვთ. მაგრამ რა გამოვიდა? სამინისტროში კი გაუცნენ ჩვენს მოსაზრებას, მაგრამ ცივი უარი გვტყვიან.

— ვითომ რათათ? იქნებ თქვენი შეხედულებები მართლაც ვერ დაასაბუთეთ?

— განა რა იყო ჩვენს მტკიცებაში დაუჯერებელი? საწარმოო სიმძლავრეები რომ გეგმას სანახევროდ სწევდებოდა, ეს ჩვენზე უკეთ მათ უწყობდა.

დენ. გეგმის შეუსრულებლობას რომ მომხმარებლის დალატება, ჯარიმები და ეკონომიკური ვალდატება მოჰყვებოდა, არც ეს აუქვებდა ვინმეს, მაგრამ მაინც გაგვიჩრეს.

რას იზამ, ერთი ერთზე გასულელება ვერ შევძელით სამინისტროს გადარწმუნება. ისე კი, რაც იმ წერილში ჩავწერეთ, ყველაფერი სიზმარით აგვიცხადდა. იყო ერთი რეკვა და დებულების კორიანტელი კომინიოვიდან, ომსკიდან, ვოლგოგრადიდან, ედნოვიდან და ვოტკინსკიდან. ეს ის ქალაქებია, რომელთა საწარმოები სარეც მანქანებში იყენებენ ჩვენს მიერ გამოშვებულ ელექტროძრავებს. რა თქმა უნდა, სარეცები მანქანების ამ ბუში, როცა ყოველდღიურად იზრდება მათზე მოთხოვნილება, ჩვენც ვგრძნობდით პასუხისმგებლობას, მაგრამ რაც არ გვქონდა, რა გავგეგვავინა?

რით ხდებოდა დანაკლისის კომპენსაცია? ჯარიმებით, სხვა ეკონომიკური სანქციებით, რაც კიდევ უფრო ავიწროებდა საწარმოს ისედაც თხელ ჯიბეს. ამას დაერთო სხვა უბედურებაც — შარშან მთლიანად გაკოტრდა გაერთიანებაში შემავალი ჯართის ქარხანა, თანაც ისე, რომ ხელფასების გაცემის თავიც აღარ ჰქონდათ. რა ექნა მეთაურ საწარმოს, არ დახმარებოდა? დაეხმარა და თვითონ გაჭირვებულმა. სხვისი ვალიც წამოიკიდა. შემდეგ ის ქარხანა მოსკოვის ერთ-ერთმა კოოპერატივმა შეისყიდა, მაგრამ ამას მდგომარეობა არ შეუცვლია — ვალი დღესაც გასასტუმრებელი აქვთ ფოთლებს.

დამეთანხმებით, გაერთიანებაში შექმნილი სიტუაცია იოლი არ არის. ამიტომაც დაინტერესდა კოლექტივის აზრით, გავსაუბრე ცალკეულ სპეციალისტებს, საამქროთა ხელმძღვანელებს, მუშებს, მათი შეხედულება, ალბათ, არც შეითხველისთვის იქნება უინტერესო.

ზაურ გოგონია, საგრაგნილე სამწყობო სამქროს უფროსი: დღე ისე არ დადამდებია, ფიქრით სამეურნეო ანგარიშს არ გადავწყვედე. განა იმდომ, რომ მის სიკეთეში ეჭვი მეპარება. არა, მე ის მაწუხებს, ჩვენთან როგორ დაენერგოთ, როცა ამის პირობები არ გავგანჩნია? დავიწყეთ სახელმწიფო ვალდებულებით, რომელსაც ჩვენ სისტემატურად ვარღვევთ და ასევე სისტემატურად ვჯარიმდებით. ერთი მითხარით, ჯარიმებით რა ისეთი ქონი უნდა მოვიკიდოთ, რომ ჩვენი თავიც ვარჩინოთ და სახელმწიფოსაც მოგება ვაძლიოთ?

თანაც მომხმარებელთან პირობას რომ ვარღვევთ, ამაში ყოველთვის ჩვენ როდ ვართ დამნაშავე. ჩვენ რომ სხვის ვულაატებში, სხვა კიდევ ჩვენ გვილაატებთ. და ეს მოვლენები ისეა ერთმანეთზე გადაჯაჭვული, რომ კაცი ძნელად თუ დააღწევს

თავს. შარშან, მაგალითად, რუსთაველმა პარტიორებმა დაგეგმილი 480 ათასის ნაცვლად მხოლოდ 290 ათასი ცალი სტატორი გამოგვიგზავნეს. ეს ის ნაწილია, ურომლისოდაც ძრავას ვერ ააწყობ. რა უნდა გვექნა? კარდაკარ დავებოდილთ მოსახლეობაში, შინ მომუშავეებთან ხელშეკრულებებს ვაფორმებდით, სახლებში მიგვეკონდა მათთან სტატორები გადასახვევად. მაინც ვერ შევძელილთ დანაკლისის ანაზღაურება, მაინც ვერ დავაღწიეთ თავი მომხმარებელთან პირის შერცხვენას.

— სწორი გითხრათ, გული მწყდება ხოლმე, როცა ირგვლივ ამდენ ფერიცვალებას, სასიკეთო გარდაქმნებს ვხედავ, — განაცხადა საწარმოს ამწყობმა ზეინკალმა ვაჟა კახურაშვილმა, — ჩვენთან კი განახლებისა თითქმის არაფერი იგრძნობა. სამინისტროშიც, შეიძლება ითქვას, დაობებული მეთოდით მუშაობენ. მაგ დალოცვილებს მარტო გეგმების გადღებაზე აქვთ ხელი გავარჯიშებული, იმას კი აღარ უყურებენ, რომ ათაბანდელი ნორმატივებით ვშრომობთ. ასეთი ნორმატივით თავიც რომ მოიკლა, თვეში 80-100 მანეთს ვერ ასცილდები. არადა, ოჯახი მაქვს, შვილები მყავს, რითი ვირჩინოთ თავი?

— როგორ ფიქრობთ, — ეუბნები მთავარ ინჟინერს, — საიდან მოველება საქმეს, რაში ხელავთ მიმე ფინანსურ მდგომარეობიდან გამოსავალს?


— გეგმის კორექტირებაზე გაფიქრებაც არ შეიძლება, მიუხედავად იმისა, რომ იგი კვლავ გაბერილი და არარეალურია, თანაც მთლიანად სახელმწიფო შეკვეთით შემოიფარგლება. სხნის გზა ერთია — რომ არ გავკოტრდეთ, სახელმწიფოსაგან სესხად ვალუტა უნდა ავილოთ, საზღვარგარეთიდან სტატორის დასახვევი და ჩასაწყობი დანადგარები შემოვიტანოთ, ახალი სიმძლავრეებიც ავითვისოთ.

— რა გაქვთ მხედველობაში?

— გურჯაანის მშენებარე ქარხანა, ძნელია მშენებლების იმედი იქონიოთ. ისინი შარშანაც გვპირდებოდნენ ქარხნის დამთავრებას და იმის წინათაც, მაგრამ თუ ახლაც არ დაგვალაატეს და ახალი საწარმო წლის პირველ ნახევარში მაინც ჩაგვაბარეს, სწორედაც რომ წელში გავსწორდებით: იგი ხომ წელიწადში 350 ათას ძრავას გამოუშვებს. ეს თითქმის მთელი ჩვენი გეგმის ნახევარია.

ერთი სიტყვით, იმდის შუქი გამოკრთა, ყველაფრიდან ჩანს, გარდაქმნის ტალა აქეთაც მოგორავს. უნდა ვივარაუდოთ, საწარმოს კოლექტივი თუ ამ ტალას გაჰყვება. ტვირთსაც შეიძლება უქებს და ნაპირსაც მშვილობიანად მიაღწევს.

ოთარ ხუციშვილი.



ცნობილი საბჭოთა მუსიკოს-შემსრულებელი (ვიოლინო) მსტისლავ როსტროპოვიჩი შვეიციაში საგასტროლოდ მიემგზავრებოდა. ცხადია, უნდოდა, ცოლიც თან წაეყვანა, მაგრამ „უფროსობა“ წინააღმდეგი წავიდა. მაშინ იგი „მაღალ ინსტანციებში“ სიარულს შეუდგა და არცთუ უშედეგოდ. ინსტანციის რომელი-ღაც საფეხურზე მას ჟურჩიეს:

— დაწერეთ განცხადება ან მოხსენებითი ბარათი, ერთი სიტყვით, რაიმე მოიწერეთ. მაგალითად, ასეთი რამ: „გთხოვთ, ცუდი ჯანმრთელობის გამო, თან გამომაყოლოთ ჩემი ცოლი“. აი, რაღაც ამდაგვარი. გასაგებია? და მერე ვნახოთ.

იმედმიცემულმა მუსიკოს-შემსრულებელმა ქალაქის სუფთა ფურცელი ითხოვა და დაწერა: „გთხოვთ, საუცხოო, ესე იგი, წუნდაუდებელი ჯანმრთელობის გამო თან გამაყოლოთ ჩემი ცოლი“. ხოლო, ყოველი შემთხვევისათვის, მაინც მიაწერა: „გა-ლინა ვიშნევსკაია“ — აგრეთვე ცნობილი საბჭოთა მსახიობი.

წარმოდგინეთ, ამ მინაწერმა სიფხიზლით ცნობილ საბჭოთა ჩინოვნიკებზეც კი იმოქმედა.

იმდროინდელი სსრ კავშირის კულტურის მინისტრი ეკატერინე ფურცევა გამოჩენილ საბჭოთა პიანისტ სვიატოსლავ რიხტერს ესაუბრებოდა. საუბარი მსტისლავ როსტროპოვიჩზე ჩამოვარდა და მინისტრმა რიხტერს შესჩივლა:

— რატომ ცხოვრობს ეს საზიზღარი სოლჟენიცინი აგარაკზე როსტროპოვიჩთან?! რას ჰგავს ეს?

— მართალი ბრძანდებით, — კვერი დაუკრა რიხტერმა და მიუგო, — მართლაც, დიდი უწესიერობაა! როსტროპოვიჩის აგარაკზე ხომ ისედაც სივიწროვია! დაე, სოლჟენიცინიმა ჩემთან იცხოვროს...

ერთ დროს გახმაურებული კინოფილმის „ყუბანელი კაზაკები“ გადაღებები მიდიოდა. მაშინ ჯერ კიდევ ახალგაზრდა მსახიობი იური ლიუბიმოვი იქ ერთ პატარა როლს ასრულებდა. ინსცენირებული იყო მდიდრული საკოლმეურნეო ბაზრობა: რა გინდა, სულო და გულო. მოკლედ, ყველაფერი უხვად ეწყო.

როლში შესულ მსახიობს შეუმჩნევლად ერთი ადგილობრივი მოხუცი ქალი მიუახლოვდა და ჰკითხა:

— ერთი მითხარი, გეთაყვა, საიდან და რომელი ცხოვრებიდან გაქვთ თქვენ ეს აღებული და წარმოდგენილი აქ. გინახავთ სადმე ასეთი რამ?

იური ლიუბიმოვი გვარწმუნებს, რომ სწორედ მაშინ დაეწყო მას ის იდეური ექვიანობა, რომელიც დღემდე გამოჰყვა.

ტაბიტა სალმონი

ჩვენი სტუმარია



● საქართველოში სტუმრად იმყოფებოდა ინგლისელი მხატვარი ტაბიტა სალმონი. აქ ჩამოსვლამდე ტაბიტა სალმონი იყო მოსკვარეჩიეს რაიონში, რომელიც ლონდონი ლამბეტის რაიონთან არის დაძმობილებული. იქ მხატვარმა მრავალი ნამუშევარი შეასრულა და ლონდონში გამოფინა, რომელიც ფეხბედნიერი აღმოჩნდა მისთვის.

მხატვარმა იცოდა საქართველოს ძირძველი კულტურის შესახებ, იცოდა, რომ თბილისში ნამყოფი იყო მარგარეტ ტეტჩერი და აი, შარშან მან კიდევ მოახერხა საქართველოში ჩამოსვლა, იყო თბილისში, ბათუმში და თელავში, სადაც მრავალი ნამუშევრები შეასრულა, ზოგი მათგანი უკვე კოლექციების საკუთრებაა.

ტაბიტა სალმონს დამთავრებული აქვს ლონდონის ხუთწლიანი ხელოვნების ინსტიტუტი და ნაყოფიერად მუშაობს გრაფიკასა და ფერწერაში.

მისი გრაფიკული სურათები და ფერწერული ტილოები ეანრულ-საყოფაცხოვრებო თემაზეა შექმნილი და ძალზედ კოლორიტულია. მხატვარი ძალიან ენერგიული და მომთხონია თავის მიმართ. ტაბიტა სალმონს შემუშავებული აქვს ახალი ტექნიკა — ზეთის პასტელი, რომელიც მის გრაფიკულ ნამუშევრებში საინტერესო ფერწერულ ეფექტებს იძლევა.


თბილისში ყოფნის დროს მხატვარი ახლოს გაეცნო ჩვენი მხატვრების ცხოვრებას, მათ შემოქმედებას და განსაკუთრებული ღირსებით აღნიშნა ნამუშევრების მდიდარი კოლორიტი, ეროვნული ფორმის გამომსახველობა, დინამიკა.

ტაბიტა სალმონმა დაათვალიერა თბილისთან ახლომდებარე კულტურული ძეგლები. ძველი თბილისის უბანში მან გააკეთა მრავალი ჩანახატი და ეტიუდი, რაც საფუძველია იმისა, რომ ძველი თბილისის თემა ახლებური, თავისებური ინტერპრეტაციით, აყვადდება ინგლისელი მხატვრის მხატვრულ ქმნილებებში.

ტაბიტა კვლავ აპირებს საქართველოში ჩამოსვლას, რათა უფრო ახლოს გაიცნოს და დაათვალიეროს საქართველოს ყველა კუთხე, შექმნას გრაფიკული თუ ფერწერული ქმნილებები.


გამგზავრების წინ მხატვარმა აღნიშნა, რომ მისი დიდი სურვილია, ლონდონში მოაწყოს გამოფინა, რომლის მთავარი თემაც საქართველო იქნება.

ხელოვნებათმცოდნე ია ანანაჯია.




ტაბიტა
ხაღმოხი





„ანსაგბლი-55“

ფოტოები ბონდო დვალაშვილისა და იური რიდალოვისა





ქართული
ბალეტის

ფოტო დავით კანდელაკისა

პატარა ნუციკო ნინო ანანიაშვილის
თაყვანისმცემელია. როცა ნინო ცეკვავს,
იგი გაფაციცებით ადევნებს თვალს მის
მოძრაობას და მერე ბაძავს: ცერებზე დგე-
ბა, დახტის, დაფარფატებს. მამამ იგი ქო-
როგრაფიულ სტუდიაში მიიყვანა სტუმ-
რად და დიდად გაახარა.





1857 წელს, გერმანიის პატარა ქალაქ ლანკენბურგში უმცროსი ასაკის ბავშვების გართობისა და მეცადინეობისათვის გახსნილი დაწესებულებების ზუსტად ოცი წლის შემდეგ, პეტერბურგში ამოქმედდა რუსეთში პირველი საბავშვო ბაღი. როგორც იმ წლების განცხადებები იუწყებიან, ამ საბავშვო ბაღში სამეცადინოდ დაიწყო ბავშვები „4-7 წლის ასაკის ინტელიგენტი ბავშვები“ და წელიწადში გადასახალი შეადგენდა 65 მანეთს.

თავისი სახელწოდება საბავშვო ბაღმა მიიღო ცნობილი გერმანელი პედაგოგის, სკოლამდელი აღზრდის თეორეტიკოსის ფრიდრიხ ფრებელის (1782-1852) წინადადებით. ფრებელის იდეით „ბავშვები ცხოვრების ყველაფერი არიან“, მათი აღზრდა-განვითარება, ყვეალების მსგავსად, უნარიან მოვლა-პატრონობას მოითხოვს. აქედან წარმოდგება ტერმინები „საბავშვო ბაღი“ და „ბავშვთა მეზობლები“ — ბაღის ხელმძღვანელები. მანვე გამოიგონა განსაკუთრებული დიდაქტიური მასალა, ეგრეთწოდებული ფრებელის „ნობათი“, რომელიც წარმოადგენს მეცადინეობის სისტემას ბურთითა და გეომეტრიული ფიგურებით — კუბებით, ცილინდრებით, სამკუთხედებით, ძელაკებით. დიდი ადგილი ეთმობოდა აგრეთვე ცეკვებსა და სიმღერებს, ხატვას, ქერწყვას.

გერმანიის შემდეგ საბავშვო ბაღები გაჩნდა საფრანგეთში (უწოდებდნენ „დედის სკოლებს“), ინგლისში („ნორჩთა სკოლები“), შვეიცარიაში, ამერიკაში და შემდეგ რუსეთში.

პეტერბურგისა და მოსკოვის შემდეგ მესამე ქალაქი იყო თბილისი, სადაც საბავშვო ბაღი ამოქმედდა. ეს მოხდა 1871 წელს, როცა XIX საუკუნის 60-იანი წლების ცნობილი საზოგადოებრივი და პედაგოგიური მოძრაობის მონაწილე ცოლქმარი — ადელაიდა და იაკობ სიმონოვიჩები საცხოვრებლად თბილისში გადმოსახლდნენ პეტერბურგიდან, სადაც ისინი 1866-1869 წლებში სცემდნენ სკოლამდელი აღზრდის პირველ რუსულ ყურნალს „საბავშვო ბაღი“.

სიმონოვიჩების გვარი და ცნობა იმის შესახებ, რომ მათ თბილისში გახსნეს საბავშვო ბაღი, პირველად 1871 წელს გამოჩნდა „კავკასიის კალენდრისა“ და სხვა გამოცემათა ფურცლებზე.

ადელაიდა და იაკობ სიმონოვიჩების საბავშვო ბაღი ხანგრძლივი დროის მანძილზე ერთადერთი იყო თბილისში. მაგალითად, ოფიციალური მონაცემებით 1882 წელს პეტერბურგში იყო თოთხმეტი საბავშვო ბაღი, მოსკოვსა და თბილისში თითო-თითო.

პირველი ქართული საბავშვო ბაღი კი თბილისში დაარსდა მოგვიანებით. ამ ბაღის შექმნაში დიდი წვლილი მიუძღვის ანასტასია და მიხეილ გედევანიშვილებს.

ცოტა რამ ცოლქმარ გედევანიშვილების შესახებ.

ანასტასია კონსტანტინეს ასული გედევანიშვილი დაიბადა 1862 წელს. საშუალო განათლება მიიღო თბილისში და 1896 წელს თავის ქმართან — ცნობილ ქართველ ექიმთან — მიხეილ ალექსანდრეს ძე გედევანიშვილთან ერთად გაემგზავრა პარიზში, სადაც ორი წლის მანძილზე ლიტერატურისა და პედაგოგიის ლექციებს ის-

მენდა სორბონის უნივერსიტეტში. იგი იყო ქალთა პირველი საერთაშორისო კონგრესის მონაწილე, თბილისში დაბრუნების შემდეგ აქტიურ პროპაგანდას ეწეოდა ქალთა თანასწორუფლებიანობისათვის, საზოგადოების დემოკრატიზაციისათვის.

1905 წლის 20 ნოემბერს მათ ბინაში, ყორღანოვის ქუჩის (ამჟამად ლეო ქიაჩელის ქუჩა) № 20 სახლში, გაიმართა ქართველ საზოგადოებრივ ქალთა პირველი არალეგალური კრება. კრებას ესწრებოდა ინტელიგენციისა და მუშათა კლასის 150 საუკეთესო წარმომადგენელი. მოხსენება რევოლუციურ მოვლენებთან დაკავშირებით ქალთა მოძრაობის ამოცანების შესახებ გააკეთა ანასტასია გედევანიშვილმა. განსაკუთრებული ყურადღება დაეთმო ქალთა თანასწორუფლებიანობას საქართველოში „ადამიანის საყოველთაო უფლებების“ განხორციელებისათვის. კრება მიმდინარეობდა სრული დემოკრატიისა და საჯაროობის პირობებში. საგნებს უწოდებდნენ თავიანთ სახელებს, აკრიტიკებდნენ არსებულ წყობილებას, ხელისუფლების სათავეში მდგომ პირებს, თვით კრების მონაწილეებს. ერთხმად მიიღეს რეზოლუცია „ქალთა თანასწორუფლებიანობის საქართველოს კავშირის“ შექმნის შესახებ. „კავშირის“ თავმჯდომარედ აირჩიეს ანასტასია გედევანიშვილი.

ა. გედევანიშვილი კარგად იცნობდა ილია ჭავჭავაძეს, მისი რჩევით ფრანგულიდან ქართულ ენაზე თარგმნა ცნობილი ნორვეგიელი დრამატურგის ჰ. იბსენის პიესა „ნორა“, ფრანგ მწერალთა სხვა ნაწარმოებები. თარგმანებს, ისევე როგორც საკუთარ ნაწარმოებებს, ბეჭდავდა „ივერიაში“. იგი იყო „ნაკადულის“ რედკოლეგიის წევრიც, რომელშიც იბეჭდებოდა „ტასოსა“ და „გედევანის“ ფსევდონიმით.

პირველ საბავშვო ბაღში, რომელიც შექმნეს ა. და მ. გედევანიშვილებმა, სწავლება ქართულ ენაზე მიმდინარეობდა. თავდაპირველად საბავშვო ბაღი გედევანიშვილების სახლში იყო მოთავსებული. 1908 წელს ქალბატონმა ანასტასიამ ოფიციალური განცხადებით მიმართა განათლების სამინისტროს, დაეკანონებინათ საბავშვო ბაღი, მაგრამ პეტერბურგიდან თვით მინისტრის შეარქის ხელმოწერით მოვიდა კატეგორიული უარი ისეთი საბავშვო ბაღის ფუნქციონირების შესახებ, სადაც სწავლება მხოლოდ ეროვნულ ენაზეა.

ა. გედევანიშვილი კი ამ უარს უპასუხა: „ყოველი ბავშვი უნდა ფლობდეს მშობლიური ენას. მშობლიური ენის შესწავლის აკრძალვა დანაშაულია კაცობრიობის, ისტორიის წინაშე“, და საბავშვო ბაღი არალეგალურ მდგომარეობაში გადაიყვანა. მის გამოსვლას ენის დასაცავად, დედისა და ბავშვის სახელმწიფო დაცვის უზრუნველყოფის მოთხოვნების შესახებ ალტაცებით გამოეხმაურნენ რუსული გაზეთი „რეჩი“ (1909 წლის 18 დეკემბერი. სტატია „ბრძოლა ქართული ენის წინააღმდეგ“) და უკრაინული გაზეთი „რადა“ (1909 წელი, № 290). მთელი სწავლება საბავშვო ბაღში (აქ კი ბავშვები არა მარტო თამაშობდნენ, არამედ სწავლობდნენ ენას, ასობებს, ციფრებს, ანგარიშს, ყვებოდნენ ზღაპრებს, კითხულობდნენ ლექსებს ზეპირად, მღეროდნენ და ა. შ.).

ქართულ ენაზე იყო. საინტერესოა ილია ნიშნოს, რომ პირველ რიგში აქ იღებდნენ მუშათა და გლეხთა ბავშვებს, ამასთან არა მარტო ქართველებს, არამედ თბილისში მცხოვრებ სხვა ეროვნებების (რუს, სომეხ, პოლონელ) ბავშვებს, რომლებსაც სურდათ ქართული ენის შესწავლა. პირველი ეროვნული საბავშვო ბაღის შექმნას მხურვალე მოწონებით შეხვდნენ და ფართოდ დაუჭირეს მხარი საქართველოს მოწინავე ადამიანებმა. იაკობ ჭავჭავაძე-ლმა სტიპენდია გამოუყო ღარიბი მშობლების შვილებს, აკაკი წერეთელი, რომლის სახელი ეწოდა საბავშვო ბაღს, მისი ხშირი სტუმარი იყო, უწყვედა მას დიდ მატერიალურ დახმარებას. საბავშვო ბაღს ეხმარებოდა ილია ჭავჭავაძე.

ბავშვთა საკეთილდღეოდ თავის საქმიანობას გედევანიშვილებმა საფუძვლად დაუდეს უანგარო შრომის პრინციპი. საბავშვო ბაღი მრავალი წლის მანძილზე არსებობდა მიხეილ გედევანიშვილის სახსრებით. მისი სახელი ფართოდ იყო ცნობილი არა მარტო საქართველოში, არამედ რუსეთში, საფრანგეთში, გერმანიაში, საზღვარგარეთის სხვა ქვეყნებში.

მ. გედევანიშვილი დაიბადა 1862 წელს. 1883 წელს დაამთავრა თბილისის ვაჟთა პირველი გიმნაზია და (იგი მანგლისის მკვიდრი იყო) მოსკოვში გაემგზავრა, სადაც წარჩინებით ჩააბარა გამოცდები უნივერსიტეტის სამედიცინო ფაკულტეტზე. აქ დაუახლოვდა პროგრესულად განწყობილ სტუდენტებს და სტუდენტთა მღელვარებებში მონაწილეობისათვის 1887 წელს გარიცხეს უნივერსიტეტიდან. ერთი წლის შემდეგ კვლავ აღადგინეს. 1889 წელს მ. გედევანიშვილმა დაამთავრა უნივერსიტეტი. იმავე წელს დაბრუნდა თბილისში და დიწყო მუშაობა უფროს ორდინატორად მიხეილის საავადმყოფოში.

აი, ერთ-ერთი საინტერესო ეპიზოდი მიხეილ გედევანიშვილის ცხოვრებიდან:

1906 წელს იგი ამომრჩეველად აირჩიეს ილია ჭავჭავაძესთან ერთად და პეტერბურგში გაემგზავრა თბილისის გუბერნიისაგან სახელმწიფო საბჭოს წევრთა არჩევნებში მონაწილეობისათვის. როგორც ცნობილია, ქართველმა ამომრჩეველებმა ერთსულოვნად მისცეს ხმა ილია ჭავჭავაძეს, სწორედ აქ ილია გამოვიდა დემოკრატიული უფლებების დასაცავად, მოითხოვა საქართველოსათვის ავტონომია.

1912-1914 წლებში მ. გედევანიშვილმა საკუთარი სახსრებით გამოსცა ილია ჭავჭავაძის თხზულებათა კრებული. 1922 წლის 29 ნოემბერს 60 წლის ასაკში იგი მოულოდნელად გარდაიცვალა. მისმა ქვრივმა საქართველოს ლიტერატურულ მუზეუმს უსასყიდლოდ გადასცა ილია ჭავჭავაძის სახელთან დაკავშირებული მასალების მდიდარი კოლექცია, აგრეთვე უნიკალური ბიბლიოთეკა.

დროთა ბობოქარ მსვლელობაში უდროოდ დავივიწყეთ გედევანიშვილები. დაე, აღდგეს მათი ხსოვნა. მათი ცხოვრება ხომ, ისევე როგორც „ქალთა თანასწორუფლებიანობის საქართველოს კავშირის“ ისტორია, საქართველოში საზოგადოებრივი აზრისა და რევოლუციური განმათავისუფლებელი მოძრაობის ისტორიის განუყოფელი ნაწილია.

რამ ლავილოვი.

კაცი, ალბანეთი მხრიდან, უბედურია, კეთილს უბედურად ზოგადი უბედურება, არაა ალბანეთი. კაცი, მისი იმედით უბედურად, უბედურად არის. სამართალი არ არსებობს. დღემდე ბოროტების საზღვარია.



ქველი ეპიკურაი მანსარიანი

ემს სიციცხლეში მხოლოდ ორჯერ მაქვს განცდილი სიყვარულის საოცრად მშვენიერი გრძობა. არა, არც ქალისა და არც კაცისადმი, არამედ საერთოდ ადამიანებისადმი, რაკი სულით ასე ლამაზნი, ერთმანეთისადმი ასე კეთილნი იყვნენ მაშინ.

ეს იყო სტალინგრადის მისადგომებთან 1943 წლის იანვრის ერთ გვიან, ღრუბლიან ღამეს.

ღივიზიის სახელოსნოებიდან მოვდიოდი, აირწინაღის ჩანთით დატენილი აკუმულიატორი მომქონდა ჩემი რადიოსადგურისათვის. არა, გზა არ ამრევია... უბრალოდ, ვინემ მე ზურგში ვიყავ, ჩვენები შეტევაზე გადასულყვენ, მსროლელთა ასეულეები, ნაღმმტყორცნელი თუ საარტილერიო ბატარეები წინ მიიწვედნენ. მთელი დღე ერთმანეთში ირეოდა ყველაფერი. ღამით ჩამშვიდდნენ, მხოლოდ. ჯარისკაცები გაყინულ მიწას ჭრიდნენ, რათა შემთხვევითი ტყვიებისა თუ სიცივისაგან სადმე შეერგოთ თავი.

დავხეტებოდი მინდორში და ყველგან უცხო ქვედანაყოფებს ვაწყდებოდი.

— შემთხვევით ხომ არ იცით ორმოცდამეოთხის შტაბი?

— არა, ძმაო. თვალში ნუ გვეჩხირები, — მიშორებდნენ თავიდან.

მეც ისევე დავდიოდი იმ დათვლილსა და ნაღმებით დათხრილ მინდორში. დაღლილ ღამეში კანტიკუნტად სკდებოდნენ ტყვიები. იქ, სადაც ბუნდად ჩაწოლილი ტრამალი შავ, ჩაბნელებულ ღამეს უერთდებოდა, ლეგა თოვლზე მკრთალად ფარფატებდა შორეულ ხანძართა ალი. ვერ ვხედავ, მაგრამ მთელი ტანით ვგრძობ, რომ ამ ლეგა თოვლის ქვეშ მიწა დატენილია დაქუწული, უკვე გაცივებული და ამიტომ სწორი რის დაქარგველი რკინეულით ანუ სიკვდილის ამოუსვლედი თესლით. ღამის ყოველ ნაბიჯზე ამოჩრდილი გადაგრებილი იდაყვი ან შინელში ჩაქვავებული მხარი, ყინვით გასლიპული გლუვი მუზარადი. თოვლითფუჭული თვალის ბუდეები რომ ჩაუმალია.

მე უკვე მიჩვეული ვიყავ გვამებს, თუმცა ოდესღაც მათ დანახვაზე მაკანკალებდა. ჩემთვის ისინი ყოფიერების ნაწილი იყვნენ, არასაჭირონი ისევე, როგორც ტყის მჩხეავისთვის ბებერი კუნძები.

ჰოდა, ამ ტრიალ ველზე ჩემსავით ყველასავე მიტოვებული კიდევ ერთი ცოცხალი არსება დავინახე. შორეული ხანძრის შუქზე სიბნელიდან კოჭლობ-კოჭლობით გამოხანხალდა სამ ფეხზე შემდგარი ცხენი. ყოველ ნაბიჯზე სასაცილოდ აკანტურებდა თავს. დაჭრილა და უპატრონოდ მიუგდიათ. მთელი სიციცხლე უჯაფია და კუზიც გასჩენია. ახლა კი ტყვიაც ვერ გაუმეტებიათ მისთვის, ისედაც გაფშოკავს ფეხებს შიმშილ-სიცივისა და ჭრილობებისგანაო.

მე უკვე მივეჩვიე ადამიანთა გვამებს. მაგრამ ამ ცხენის სიბრალოლემა შანთივით დამიწვა გული. არადა, სიბრალოლეზე საშიში ომში არაფერია.

სიბრალოლს უმაღლ ფიქრი მოსდევს: დღეს არა, ხვალ შენც ასე იქნები, ხვალ

თუ არა, ზეგ მანც ვადმოგობრუნდება იდაყვი, ასე დაკრიჭავ კბილებს, ასევე გაგჩხირება ყელში გმინვა. აი მაშინ კი საშინელების მოლოდინში დაგილამდება და გაგიტენდება, წინასწარვე დალუბულად იგრძნობ თავს, გაბრუვდები და ტყვიებს აღარ წაუხრი კისერს, ნაღმის წივილზე მიწას არ დააკვდები, სანგრის გათხრის ხალისს დაყარავ, სულერთია მანც მოკვდები და რაღად მინდაო. მაგრამ ასე გაბრუებული დიდხანს ვერ გაძლებ, თუ ყუმბარის ნამსხვრევმა არ შეგიწირა, ყინვა მოგიღებს ბოლოს. ამიტომ არც სიბრალოლის უფლება გაქვს და არც ზედმეტი ფიქრის. ომი მიწვევარებს! ამიტომ უნდა გატლანქდე და გაგულქვადე!

მაგრამ ეს სიკვდილის ანბარა მივდებოდი ცხენი, რომელსაც წარმოდგენაც არა ჰქონდა ადამიანთა ამ სიგიჟეზე და ასე ბრმად ენდობოდა ადამიანებს, ომის უაზრობის ცოცხალი მაგალითი იყო. ამის შეგუება მე არ შემეძლო. თანაც ძალზე დაღლილი ვიყავი, გულმა ვეღარ გამძლო, სიბრალოლის საშიშმა გრძობამ მომწამლა.

მოწამლული გრძობა მყის მხსნელ ფიქრს მოებლაუჭა: „აგერ საცაა ომიც მორჩება!“ და წაბორძიკდა: „ჰო, მორჩება. შენც იქნებ ცოცხალი დარჩე... შეიძლება ისიც გადაჩჩეს, ვინც ეს ცხენი გამოავლი... მაგრამ როგორ იცხოვრებთ? სიბრალოლს, ტანჯავს გადაჩვეული, გულქვად ქვეულნი! ნუთუ გგონია, ეს საშინელი ომი შენ, სხვებს კვალს არ დაგამჩნევთ? როგორ იცხოვრებთ სულით სახიჩარნი სულით სახიჩართა შორის? აბა ირგვლივ მიმოიხედე, განა ასეთი რამ შეიძლება სულში სამუდამოდ არ ჩაგისახლდეს?“.

და ჩანდა იმ ბორგნეული ხანძრის მკრთალ ანაშუქზე კუზიანი ცხენი, ყინვის სამეფოში გაყინული ხორცის ნაჭერი, ამ ქვეყანაზე ზედმეტი ბარგი. საკუთარი თავიც ზედმეტი ბარგად ვიგრძენი იმ წუთს: აბა ჩემსაირად ომისაგან დაჩლუნგებული კაცი საჭირო ვისთვის იქნება! მერმისი ისეთი ცივი და აბნეული მესახებოდა, რომ ცოცხლად დარჩენის იმედიც კი აღარ მახალისებდა. პირიქით, შიშით მავსებდა. ღამის მშურდა კიდევ იმათი, ვინც უკვე თოვლში იწვა და თავზე ყინვით გალიქვული მუზარადი ეხურა.

ფეხები თითქმის გამყინა და შინელის სახელოებში მსუსხავი ქარი მიძვრებოდა — მე სული მედგა და მოვალე ვიყავ ჩემი პოლკის შტაბი მოძებნა. ჰოდა, გაუღდექ გზას ამ თხრილებსა და გვამებს შუა. ცხენი კი მარტო დაეტოვა — თუკი ქვეყანას არ ჭირდება, არც მე მჭირდება...

ასიოდე მეტრის შემდეგ მიწურს წავაწყდი.

შედგებულ ჰაერში ბარადინის მსუყე სუნი იდგა, აი ისეთი, ახრჩოლებული გერმანული ჭრაქები რომ გამოსცემს ხოლმე. და კიდევ ის დიდებული სუნი მეცა, სიცივიდან ოთახში შესულს რეტს რომ დავასხამს და თვალზე ცრემლს მოვადენს: სუნი ჯარისკაციური ტოლადებისა, ტყაბუჭებისა, სველი თექების. გინდა არ გინდა, ასეთი ძალით რომ გავგრძობინებს სიციცხლის ალუზოცველობას და ომსაც მყისვე გადაგაიწყებს. სქელ ჰაერს — დანიტაც რომ ვერ გაჭრიდი — ახანზარებს ძალუმი ხვრინვა, ხან გამძული, ხან მკვნესარე. ხან აღტაცებული სლუჯუხით სავსე. ასე ტკბილად აღბათ მხოლოდ ჯარისკაცს სძინავს, ვისაც კვირაში ბევრჯერ არ უწერია

ტანგამართლად და თბილად ძილი. აქ კი თქვენიც ბევრს გაუხდია, აქი ტოლოთა სუნს უმარჯვინა ყველა სხვა სუნზე. ხვრინვით ხმა არხევს ჭრაქების ასოს, ძირიდან კი, მიწის სისქიდან, ყრუდ ატყავს მისი მან ტრამალზე მონავარდ და მისი სიციცილი-ღმული-ზუსუნო.

არა, რაც არ უნდა თქვა, ეს სამოთხის კუთხეა, ბედნიერთა სამკვიდრებელი.

ბედნიერები ისე მიჯრით წვანან იატაკზე, ხელისგულს ვერ გაატევენ. კედლიდან კედლამდე, ნარებზე თუ ნარებქვეშ, ყველგან ზეიმობს ძილის სამეფო.

ერთ-ერთი ბედნიერთაგანი, წელამდე გამიშვებულნი, არცთუ ისე ნორჩი, თანთალა ხორცი რომ გამოუნთავისუფლებია, პერანგგაბდილი გატაცებითა და აშკარა ნეტარებით ჭყლეტდა ტილებს. მის გამელოტებულ, ლენინისნაირ, შუბლზე ფერხულს ცეკვავდნენ ჭრაქების ალის ანაშუქები.

— ჰეი შენ! კარი, კარი-მეთქი! — პერანგს თავი მიანება და შემომყვირა, მაგრამ მაშინვე ხმა მოუღება: — ოჰო, რადისტო, აქ რა ვინდა?..

ეს ძია ჰაშა იყო საკომენდანტო ოცეულიდან, მუდამ რომ პოლკის შტაბის მიწურთან იდგა დარაჯად. ამ ცოტა ხნის წინათ კი მზარეულის თანაშემწეებსა და ქიმოცეულისა და სამეურნეო ბატალიონის ჯარისკაცებთან ერთად მსროლელთა ასეულში გადაიყვანეს, იქ თურმე ხალხი შეთხელდა.

მაშასადამე, ჩემიანებთან მომიღწევია.

— პოლკის შტაბი უკან დაგრჩენია, ბიჭო, დაბრუნება მოგიწევს. თუმცა შორი არაა, სამი კილომეტრი იქნება აქედან. მანამდე კი აქ ამოძვერი, ცოტა გათბები, — ძია ჰაშამ ადვლი მიჩვენა.

გადავაბიჯე მძინარეებზე, კრუსუნით. გაურკვეველი ზმულითა და ფრიად გარკვეული გინებით რომ გვერდს ინაცვლებდნენ, თუმცა ძილი არავის შეუწყვეტია. ასე მივალწიე ნარებამდე და იქ ვილაციის ფეხებზე წავიბორძიკე. მძინარე ამჯერად შეინძრა და ჭრაქის ალზე გამოხობდა. დავხედე და... ვერმანელი შემერჩა ხელში. მსუქანლოყება, ძილისგან გავარდისფერებული. ხალვათი რუხი მუნდირი ეცვა. რკინისფოლქებიანი, მორცხვად ილიმებოდა, თითქოს ამბობდა: თუ შეიძლება მაპატიე, ჩემი დანახვით ასე რომ გაგაკვირეო.

— ეს რაა? — ვეღარ მოვიტომინე.

ძია ჰაშას პირმრგვალი ხორციანი სახე ღიმილმა გაუწვლა:

— შევიძინეთ კაცი... ამ სამი დღის წინათ თავისი სამზარეულოთი ჩვენთან შემორიხინდა. გზა არევი მინდორში და ჩვენ მოგვადგა. მისი ფაფა კი დავამღერეთ, მაგრამ შტაბში აღარ გავგზავნეთ. იქ ამისთანა ენა არავის ჭირდება. ასე დარჩა ჩვენთან... ჰა, გიხარია, ვილი, ომს რომ მორჩი?...

ვილი თვალებს ჭუტავდა და ილიმებოდა. გრძელი ყვალნი წამწამები ჰქონდა და ბალლურად მიაშიტი სუქანლოყება სახე. თერამეტისაც არ იქნებოდა. იმ წელიწადს ცხრამეტს გადავაბიჯე და ალლო უშეცდომოდ მკარნახობდა, ვინ იყო ჩემზე უმცროსი და ვინ უფროსი.

მიწურში სიცივემ დაჭრა.

— ეჭვი, ვილი, იაკუშინი მოვიდა. შეხვდი, — გამოაცხადა ძია ჰაშამ და პერანგი ჩაიცვა.

კართან ჩმუნა ჯარისკაცი იდგა — მუზარადის ქვეშ ნაქსოვი ქუდიდან აწითლებული თვალეები უჩანდა. იდგა და ვერ შემოდრიოდა, ვინმეს ფეხი არ დავაბიჯო.

ქაზნი და აჩაქაზნი



ვლადიმერ ბენდრიაკოვი

ბოლოს მძინარეებს შორის გამოიარა და ჩვენთან მოვიდა. ჯერ გაყინული მუზარადი მოიხადა, მერე ყურებიანი ბეწვის ქული, შემდეგ ნაქსოვი ქული მიაყოლა, და დიდი ხნის გაუპარსავი, სუსხისა და დაღლილობისგან გახევებული გლახური, სქელდრუნა სახე გამოაჩინა.

ამასობაში კი ვილიმ ნარქვეშიდან კარგადი ფუთა გამოაჩოჩა, სწრაფად შემოაძრო ბამბულა, ლაბად-კარავი, ვაფლის პირსახოცი და, სინარულისაგან წამოწითლებულმა, იაკუშინს თბილი კარდალა მიაწოლა.

იაკუშინმა კმაყოფილებით ჩაიზმუვლა, დაძარღვულ-დაწითლებული ხელები ერთიმეორეზე შეიფშვინტა და თეჭურიდან კოვზი დააძვრინა.

— აბა უყურე ერთი, რა თბილია! — მან იქით გამწია, ნარის კიდეზე ჩამოჯდა და ქუშად უბრძანა ვილის, შენც დაჯექიო. ვილიმ მიამიტურად აახამხამა წამწამები და გაიღიმა.

— ვის ვეუბნები?... ორივემ ერთად მოვლუნოთ.

ძია პაშამ ვილის ზურგში წაუთათუნა ხელი.

— შნელ! შნელ! რაკილა გთხოვენ...

და ვილიც მორცხვად მიჩოჩდა კარდალასთან.

თავი თავთან მიდებული გერმანელი ბიჭი და რუსი გლეხი!.. ვხედავდი იაკუშინის მრგვალ კეფასა და განიერ ბეჭებს, მუყაითად მოძრავ ყბებს, კოვზით ფაქიზად მომუშავე ვილის, ძია პაშას, აპრიალე-ბული შუბლის ქვემოდან დანაშული თვალებით რომ კეთილად ვასცქეროდა ორივეს, თუმცა ეტყობოდა, რცხვენოდა ამ კეთილი მზერისა და რალაცნაირი ღიმილით, ორი დახრილი თავის ზემოდან, მიხსნიდა:

— კაი ბიჭია ვილი, კაი გულისა... მერე რა, რომ გერმანელია, ისიც ადამიანია. ჰოო... აკი იმ სამზარეულოდან იაკუშინმავე გადმოათრია, ახლა კი ხედავ, როგორ შეეტკბნენ ერთმანეთს.

მე კი სულაც არ მესაჭიროებოდა მისი განმარტებანი, მით უმეტეს ასეთი მობოღიშებით. გულში თავისთავად დნებოდა ის მძიმე სევდა, ჭურვებით გადათხრილ და გაფიჩხულ გვაშებით სავსე მინდვრიდან რომ მომყვა. კი, გვამებია, კი, ხანძარია, კი, სადღაც იყინება ცხენი, გარეთ შეუბრალებლად გამოგდებული. რას იზამ, ომი ომია! შიშს მგვრიდა მხოლოდ ერთი რამ: ომი მორჩება, მაგრამ სისასტიკე და გულქვაობა დარჩება-მეთქი.

რა სულელი ვიყავი თურმე! ომი ბობოქრობს, ფრონტის ხაზი აგერ გვერდზეა, აქეთ-იქიდან ტყვიამფრქვევები ერთმანეთზეა დამიზნებული. ამ ორ ბეტრს კი უკვე შტრობა დაუვიწყნიათ. სადაა აბა გულქვაობა, სადაა აბა დაუნდობლობა?

მორჩება ომ და იაკუშინის სიკეთე, ვილის სიკეთე, მათი რიცხვი ხომ მილიონია, ისინი ხომ უმრავლესობას წარმოადგენენ, წყალდიდობასავით წალეკავს ქვეყნიერებას!

ალბათ მაშინ ასე არ მიფიქრია. ცხრა-



მეტი წლისა რომ ხარ, გული უფრო მეტს გეუბნება, ვინემ გონება. უბრალოდ ყელში მომაწვა და ლამის დამახრჩო იაკუშინის, ვილის, ძია პაშას, ამ ახვრინებულ ჯარისკაცების, მთელი კაცობრიობის სიყვარულმა, ასე უცბად რომ ივიწყებს სიავსს და სიკეთისადმი ილტვის მუდმივად. ცრემლებმა ლამის გამგულა, ბედნიერების, სიამაყის ცრემლებმა მთელი კაცობრიობის გამო!

მე ათეისტად ვიყავ გაზრდილი. მათეს სახარება მაშინ არ მქონდა წაკითხული. არ ვიცოდი მთაზე თქმული ქადაგების სიტყვები: „ხოლო მე გეტყვ თქუენ: გიყუარდეთ მტერნი თქუენნი და აკურთხევდით მწყევართა თქუენთა და უარყოფდით მოძულეთა თქუენთა და ულოცავდით მათ, რომელნი გამძლავრობდნენ თქუენ და გლევნიდნენ თქუენ... უკეთუ გიყუარდენ მოყუასნი თქუენნი, რაი სასყიდელი გაქუს? რამეთუ მეზუერეთა და ეგრეთვე ყვიან“.

მაგრამ, მგონი, იმ წუთას მე თავად გავიზარდე ამ სიტყვებამდე და მიამიტური

გატაცებით გულუბრყვილოდ მგეროდა შეუძლებელის.

ამ დახუთულ და მაინც მაცოცხლებელ, ნეტარებით მხვრინავ მიწურში რალაც ნახევარი საათი დავეყვი, მეგონა კი, იქ გაჩენილი იმედი მთელი სიცოცხლე გამყვება-მეთქი. თუკი მომცემენ ამ სიცოცხლეს, თუკი ბედი ომის დამთავრებას მომასწრებს, ჩემ ირგვლივ იქნებოდა სისხლითა და სიძულვილით დაღლილი, სიყვარულს მონატრებული ადამიანები... მაშინ გერმანელი მონაწიეებით შემოაბრუნებს სახეს რუსისკენ და, როდენ დაუჯერებელიც არ უნდა იყოს, დიას, დიას! — დედები შეუნდობენ თავიანთი ვაჟების სიკვდილს, ვაჟები — მამებისას. ასე უნდა იყოს და ასეც იქნება. ვილისთან ერთად ერთი ქვაბიდან ერთი ულუფის გამზიარებელი იაკუშინი ამისი საწინდარია.

ღილით კი ისევ აბორგდნენ საარტილერიო ბატარეები, ისევ აყეფდნენ ნალმბტყო-

რცები, გუგუნით გაეხშირნა მიღმა მხარეზე მდებარე მიწა — ჩვენ შეტევაზე გადავდით. სტალინგრადისკენ მივდივართ, სადაც ყოველი მხრიდან შემორტყმული გერმანელები სხედან. ნაშუადღევისთვის სადაც ვოროპოხოვის მისადგომებთან, ხუტორში ვიყავით.

ხუტორში? არა. აქ მხოლოდ მისი ნაკვალევია. ამნიარად მიწასთან გასწორებული სოფლები ზურგს უკან ბევრი მოვიტოვეთ. საკვამურები ჭურვებს დაუნგრევით, ჭის ოწინარიც ობლად აჩაჩხულა. მის ქვემოთ ჯარისკაცები მიჯრილან — ჩანს შინელები, ტყაპუჭები, თეთრი სანიღბო ხალათები, არის ერთი ფუსფუსი და ხმაური. ემატებიან და ემატებიან ცნობისმოყვარენი. ვინ წინ მიძვრება, ვინ უკან გამოდის, ქულებს ბრაზით ჭმუნჯიან ხელში. სახე ასწითლებიათ. ეტყობა, რაღაცა მოხდა, რაღაც ისეთი, ასე რომ აღელვებულან, რადგან შეტევაზე გადასულთ ძნელად თუ გააკვირვებს რამე.

მეც მათ მივაშურე მკერდზე ჩამოკიდებული ავტომატი. ჩემკენ ტანმორჩილი ჯარისკაცი მორბის, თეჭურები შინელის კალთებში ებლანდება, სახე მოხარშულ კიბოსავით გასწითლებია, ბებერი ქალივით მოთქვამს:

— ხალხნო! ეს რა არის?.. მხეცები! წყეულთა მოდგმა!..

მეორე ჯარისკაცი, დაბალი, ჯმუხა, ტყაპუჭში გამოკრულ ლოდს რომ მოაგავს, ბრბოს გამოეყო, წამით გაოგნებული დადგა, მუხარადი მორქინალ ხარეით მოიღერა, გაჯაგრულ, ჩაშავებულ სახეზე ჩინდაკარგული თვალის კაკლები თეთრად მოუჩანს.

— იაკუშინ! — ვიცანი. — რა ამბავია? უჩინო გამოთეთრებული თვალებით ჩემ გვერდით რაღაცას მიაცქერდა და მუქარით ძლივს ამოღერდა:

— მაგათი დედაც! მე კი ვეფერებოდი! აბა ახლა ნახოს, როგორ მოვეფერები! — და ფართო მხარ-ბეჭის ქნევა-ქნევით გზა გააგრძელა.

მივწი-მოვწიე ზურგები. მინდა წინ გავძვრე. ავტომატი ხან სად მეჩხირება და ხან სად, მაგრამ ამას ვერავენ ამჩნევს, ამისთვის არავინ მცოფავს.

ჭის გარშემო შემოყოლებული ფიცრები გაყინულია, გაყინულია მიწაც. სქელ ყინულზე ორი უცნაური მღვრიე-მწვანე ყინულის ბორცვი, დაღრმეული ეკლესიის ზარებს რომ მოგავს და მიწაზე დამკვდარი თუ მიწიდან ამოზრდილი გვეგონება. პირველად ვერაფერს მივხვდი, მხოლოდ ვიგრძენი, ქვემოდან როგორ გამიცვიდა ყველაფერი და ამ სიცივემ გულამდე გაატანა.

— ძმე-ებო! ჩვენ იმათ ვატყვევებთ! ცოცხალი რომ დარჩნენ, ჩვენი პური რომ ჭამონ!..

თვალებს ველარ ვაშორებ ყინულის ზარებს, მხოლოდ ცალი თვალით ვხედავ შინელგაღლილ უქულო ბიჭს, ვინც ლაპარაკობს.

და უტბად... იქ, ქვემოთ, სადაც განიერია ზარი, მის შაქრავით შემოთეთრებულ გვერდზე რაღაც ჩარჩილულა მოხარშული და გაფტქენილი კართოფილივით... ეს ქუსლია! ადამიანის ჩაყინული შიშველი ქუსლი! ხოლო გაუმჭვირვალ ყინულიდან, როგორც შენი საკუთარი სიკვდილის განუჭვრეტელ მომავლიდან, ბუნდად მოჩანს კაცის მხრები და ძირს ჩაკიდული თავი, იქ, იმ ყინულის ბორცვის ქვეშ. გავხედე მეორე ზარს — იქაც იგივე ამბავია...

ისინი ჩრდილებს ჰგვანან, შუქ-ჩრდილთა თამაშს სქელ ყინულში. მაგრამ ეს ჩრდილები არაა. ეს მუხლებზე მდგარი შიგ ჩაბეჭდილი ადამიანებია. იმიტომაცაა ასე კუთხურად მიწაზე მიყინული ეს ზარები. არა, არა! ამის დაჯერება არ შეიძლება! მაგრამ თვალი უკვე არჩევს საცვლებს მათ მხრებზე, ყვითელი ქუსლიც გამოჩნდა და მზერა, მოხარშული კართოფილივით.

შინელშემოდელილი უქულო ბიჭი ჩამუშტული იქნევს ქუდს:

— ცოცხლად უნდა დააყრევინო მაგათ წელები, ძმა-ნო!.. ასე უნდა მაგათ!..

— ეს ისინია... ქვეითი დაზვერვები... სამი დღეა არ დაბრუნებულან, — ჩაილაპარაკა ვილაცამ.

— ძმე-ებო!!
ბრბო შეტორტმანდა. ჯერ ხმადაბალი ყრუ მუქარა:

— გაქოფაკდენენ.

— ომშიც ზომიერება უნდა იცოდე...

— თავისთვისაც იგივე მოუსურვებიათ.

— ჩვენ ახლა მიაგათ!..
და უეცრივ გააფთრებული ღრიალი:

— სისხლს ვანთხევიანებთ!

— ცოცხლად გამოვწვლავთ!

— მაგათი დედაც და მამაც!

— ო-ო-ო!

— უ-უ-უ!

მეც გაბოროტებით და უაზროდ ვღმუი.

— წყნა-რაღ!

გამღვალ ყინულზე ქვეითი ჯარისკაცი დგას. გაჭარბილ სახეზე ნესტოები თეთრად უთრთის, ჩაყვითლებული კბილები დაუჩრქვია.

— წყნარად-მეთქი! მისმინეთ!.. რახან ასეა, ჩვეიც იმასვე ვუზამთ! ყელს რაღას იხევთ! ამ წუთას! ამ წუთას ნახავთ! მე მაგათ ვაჩვენებ სეირს!

— ვაჩვენებთ კია!

— ვინემ მივწვდებით, გავკეთილდებით!

— ასე ვიცით ხოლმე, — ვიყვირებთ, და გავნელდებით!

— წყნარად-მეთქი!! გაიქცენ უკვე... ახლავე! ამ წუთას მოვლენ...

ვერაფერი გამეგო და სხვებივით მეც იმედით შეეყურებ ძია პაშას, სახე გაჭარბულსა და კბილებდაკრეჭილს.

— მოჰყავთ! — გამომაფხიზლა ყურისწამლებმა ღრიალმა.

და უტებ შიშის კანკალმა ამიტანა... ორად მოკაკული, თავწავდებული, ქერაქოჩრიანი, უკან ხელებგადაგრებილი ვილი ორ ჯარისკაცს მოჰყავს — ერთი უცნობი იყო, მეორესაბუნებრივად მუხარადი პირდაპირ განიერ მხრებზე ეღო. იაკუშინი!

ბრბომ გზა უტია, თუმცა ისევე ტორტმანებდა, ყოველ წამს გამხადებული შესაკვრელად და ხელებგადაგრებილ მსხვერპლზე ზედ დასაცხრომად.

ძია პაშა, მესანგრისტყაპუჭიანი ეს წინასწარმეტყველი და მსაჯული, უკვე დამცხრალი და დადინჯებული, თავისი დიდი პასუხისმგებლობის შემგრძნობი, აღვზნებულ ხალხს აჩერებდა:

— წყნა-რაღ-მეთქი! ნუ მოძვრებით! არ გაჭყლიტოთ. მაგისი თავი ცოცხალი გვინდა...

ხალხიც ერთმანეთს ეკვროდა, წინ მოიწევდა, მაგრამ თავშეკავებით. იქიდან მხოლოდ ფხიზელი, დაუნდობელი რჩევები ისმოდა:

— თავი აუწიეთ, დაე უყუროს!

— სწორია! დაე იცოდეს, რისი გულისთვის!

— კარგად ჩახვდი, ქვებუნდაო!
ვილი შესცქეროდა ჯარისკაცთა ჯაგარ-მოდებულ, სიძულვილით მოღრეცილ სახეებს. ვილის დიდი თავი ჰქონდა; ფართომუნდრის ქვეშ ვიწრო მტრები უჩინდნენ.
— კმარა! განადეთ! — მკაცრად ბრძანა ძია პაშამ.

შინელმოღელილმა ჯარისკაცმა ქუდი ჩამოიფხატა, ვილის მუნდრზე წაავლო ხელი. მაშინ ბრბომაც იხუვლა, ათიოდე ხელი ჩაებლაუჭა ტანსაცმელზე. ვილიმ იყვირა, მაგრამ ბავშვივით არა, არც ადამიანივით — რაღაცნაირი სულშეხუთული ღმუილი იყო.

მე უკვე ველარ ვხედავდი ვილის — სხვები მეფარებოდნენ. მესმოდა მხოლოდ მისი განწირული ყვირილი და შეურვებული ხმები, ღმუილს რომ ჰგავდა:

— აბა უყურე ამ ძაღლის ცურს, გასხლტომა უნდა.

— დაიჭი, მე ჩამოვწევ...

— ჩაარქეთ!

— ძმე-ებო! წყალი! — გაისმა ბიჭის მოზეიმე ხმა.

აჭრილდა, გადმოიხარა ჭის ოწინარი. ავტომატს ორივე ხელით ჩაფრენილი, უკან-უკან წავედი, ზურგით მივაწყდი აფუსფუსებულ ხალხს.

არა, ავტომატი კისრიდან არ ჩამომიგლიჯავს, არ შემჩირება არავინ. არც მიყვირია. ადამიანებმა ადამიანობა დაკარგეს და მე მათი მეშინოდა.

რა იყო მათთვის ჩემი ყვირილი? ან ავტომატი? იარაღი აქ ყველას ჰქონდა. მე მხოლოდ ლაჩრულად ვიხევიდი უკან.

იხრებოდა და ისევე მალლა აღიოდა ოწინარი. სულშეხუთული ბლაოდა ვილი.

თითქმის მთელი ცხოვრება სიცოცხლეს მიწამლავდა ძია პაშასა და იაკუშინის საქციელით. ინსტიტუტში სწავლისას, ადამიანთა ბელზე დავა-კამათისას, ტანჯვით დაწერილი წიგნების კითხვისას, მოგზაურობისას თუ ჩემი წიგნების წერისას, მუდამ ყურში მიზუოდა ვილის გამწარებული ყვირილი.

ხომ კეთილები იყვნენ ძია პაშა და იაკუშინი მიწურში. აბა რაში სჭირდებოდათ თავის მოტყუება. „კაი გულის ბიჭია ვილი...“ თუ „ძმებო! წყალი! ცოცხლად მაგას!“

სიკეთემ და მხეცურმა სისასტიკემ შეიძლება კი ერთ ტყავში იარსებოს? ან როდის ჰქონდათ ძია პაშასა და იაკუშინს თავისი ნამდვილი სახე — მიწურში თუ ჭასთან?

მაინც ვინ იყვნენ ისინი, კაცნი თუ არაკაცნი?

იქ, იმ ჭასთან, გამხეცებული იყო ბრბო. და უნებურად მაგონდებოდა ის წლები, როცა ლამის მთელი ჩვენი ხალხი გააფთრებით გაჰკიოდა: „ვითხოვთ სასჯელის უმალეს ზომას ამ წყეული ხალხის მტრებისთვის!“ ვითხოვდით სიკვდილს, გვწყუროდა სისხლი! არა! არა! ძია პაშა და იაკუშინი შემთხვევითი სიმახინჯე როლია, შეიძლება მათზე თქვა სწორედ ეს ყოვლად გაცვეთილი სიტყვები: „ტიპიური წარმომადგენლები“.

წყლის ერთი წვეთით შეიძლება განისაზღვროს ოკეანის ქიმიური შემადგენლობა, იმ ოკეანისა, რომელსაც დიდი რუსი ხალხი ჰქვია და რომლის დიდ და კეთილ სულს ყველა აღიარებს!

მე ვამაყობ ჩემი ხალხით, მან ქვეყნიერებას მისცა გერცენი და ტოლსტოი, დო-

სტოვესკი და ჩეხოვი — უდიდესი კაცთ-
მოყვარენი. ჰოდა, სწორედ ის ღრთა ჩემს
თავს ვკითხო: ჩემი ხალხი, ვის ნაწილაკსაც
მე წარმოვადგენ, კაცი არიან თუ არა კა-
ცინი?

განა არ უნდა გავიყუდე კაცი, განა არ
უნდა დაკარგო სასო?!
ვეჭვობ, რომ ასეთივე კითხვის მიცემა
შეუძლია ყოველ კაცს პლანეტაზე თავისი
ხალხის შესახებ.

კრემლის დარბაზში საბჭოთა მწერლე-
ბის მესამე ყრილობა მიდიოდა. სიტყვას
ამბობდა თვით ხრუშჩოვი. მწერლებს ას-
წავლიდა, როგორ ეწერათ და რაზე ეწე-
რათ.

ჩემ გვერდით ცენტრალური კომიტეტის
კულტურის განყოფილების თანამშრომე-
ლი იგორ ჩერნოუცი იღვა და დაბნევით
აქნევდა თავს.

— არც ერთი სიტყვა, არც ერთი სიტ-
ყვა...

როგორც წესი, გამოსვლა წინასწარ და-
გეგმილი და მომზადებული გახლდათ. ახ-
ლა ჩერნოუცი თავის მაღალ უფროსს უს-
მენდა და ჩუმად გმინავდა. დაწერილი სი-
ტყვიდან ხრუშჩოვის ერთიც არ უთქვამს,
შთავიანებულნი თავისას თხზავდა. მოუ-
ლოდნელად გაიხსენა ვინმე მემხატე მახო-
ტკო, თურმე ხრუშჩოვის სიყრმეში ლექ-
სებს რომ წერდა. ქვეყნის რჩეული მწერ-
ლების წინაშე გატაცებით წაკითხულ იქნა
მახოტკოს შედევრები. ვინ დარცხვენით
თავს ძირს ხრიდა, ვინ მხრებს იჩეჩდა, ვინ
ჩუმი დაცინვით იღიმებოდა, ვინ აღტა-
ცებული ტაშს დასცხებდა ხოლმე და ზე-
ზეც წამოხტებოდა, რომ მისი აღტაცება
შეუჩინეველი არ დარჩენოდათ.

მოათავა ხრუშჩოვმა სიტყვა და ტრიბუ-
ნიდან ჩამოვიდა. თითქოსდა იუპიტერის
შემდეგ ღმერთებსაც და ადამიანებსაც
გაჩუმება უნდა ერჩიათ და დიდი ხნის ნა-
გაბრუნებულ შემთხვევებზე ვამოცხადებინათ. მა-
გრამ არა, სიტყვა კორნეიჩუკს ეძლევა.
იგი, აღტაცებისაგან სულშეგუბებული,
მთელი ოცი წუთი ნეტარი სიბეჯითით,
ლაქიური უსინდისობით ალილუიას უმ-
ღერის იუპიტერს:

— ნიკიტა სერგევიჩის ისტორიულმა
სიტყვამ... ნიკიტა სერგევიჩის ბრძნულმა
სიტყვამ... ჩვენ ყველა შეგვძრა... ჩვენ თვა-
ლი აგვეხილა...

აქ უკვე, მგონი, უკლებლივ ყველას შე-
რცხვა. იმათაც, ვინც პრეზიდენტში ხრუ-
შჩოვის გვერდით იჯდა, და იმათაც, ვინც
დარბაზში იყო, აღარ იცოდნენ, სახე და
თვალები სად დაეშალათ, არავინ ხტებოდა
ზეზე აღტაცების გამოსახატავად. არ
რცხვენოდა მხოლოდ ორს — შთავონე-
ბულ კორნეიჩუკსა და თვით იუპიტერს.
ხრუშჩოვი ამჟამად იჯდა, თავი მაღლა აე-
ლო, მედიდურად იყურებოდა ფრიად,
ფრიად მოსწონდა!

შესაფერისი სიტყვებითა და განცდით,
ლამის ცრემლებით წარმოთქვა კორნეიჩუ-
კმა სადღეგრძელო და ვალმოხდობის
გრძნობით უკუიქცა კიდევ სცენიდან. შე-
სვენება! დაშლა შეიძლება! თუმცა უკა-
ცრავად, თურმე კიდევ ერთი რიტუალია.

ხრუშჩოვმა გასასვლელთან დაიკავა ად-
გილი, ისე, რომ ყრილობის პრეზიდენტის
ყველა წევრი გასვლისას მოვალეა ხელი
ჩამოართვას და თავისი გრძნობები გად-
მოაფრქვიოს. აქ უკვე ყველაფერი შენს
სიმარჯვეზე და შენი გამოგონების ნიჭზე
პყრობა.

მწერალთა კავშირის პატივცემული თავ-
მჯდომარე კონსტანტინ ფედინი მოხდენი-
ლი რიდით და კრძალვით ხელს ართმევს
ხრუშჩოვის და ორჯერ იხრება, ლამის ზედ
ხრუშჩოვის მუხლებთან. თურმე რა მოქ-
ნილი ზურგი ჰქონია ამ უხუცეს მწერ-
ალს, დასტურ რეზინისებრი.

ლეონიდ სობოლუვი, პირიქით, ხარბად
უჭერს ორივე ხელს ხელზე და იმზომ მა-
გრად უნჯღრევს, თვითონაც ინჯღრევა.
ინჯღრევა და თან დაოსებული მუხლებში
იკეცება. უუ! როგორც იქნა, მორჩა და
ნისლივით გაქრა.

პრეზიდენტის არც ისე საჩინო წევრები
მოკავშირე რესპუბლიკებიდან გვერდულ-
გვერდულ ეახლებიან, ხელს ხელზე ახ-
ლებენ სულშეგუბებულნი და უჩინარდებ-
იან.

ალექსანდრ ტვარდოვსკი ხაზგასმული
ღირსებით მიდის მისკენ, ხაზგასმული თა-
ვაზით ართმევს ხელს და წამით არ ყოფ-
ნდება.

და ჰა, სცენა დაცარიელდა, დარჩენ
მხოლოდ ორნი — ხრუშჩოვი, გასასვლე-
ლში მოდარაჯე, და უშორეს კუთხეში
მჯდარი ვალენტინ ოვეჩკინი, შუბლზე
თმაჩამოყრილი და მხრებაბუხული. რაღაც
არ ჩქარობს წამოდგომას. ხრუშჩოვი კი
ელის, არ მიდის.

აი, წამოდგა ოვეჩკინი და გასასვლელი-
საკენ მტკიცე ნაბიჯებით მიემართება. გა-
სასვლელი კი დაკავებულია და ისიც ჩე-
რდება.

ორი ერთმანეთისკენ დახრილი შუბლი,
ჯმუხა ოვეჩკინი და კარგად ჩაფსკენილი
შემართული ხრუშჩოვი. ორივეს ხელები
დაწეული აქვს. ერთმანეთისგან ორი ნა-
ბიჯი აშორებთ, უყურებენ ერთმანეთს
ქვეშ-ქვეშ და არ ინარევიან.

ოვეჩკინი შეტოვდა, მხარი წინ წაიგდო,
ამჯარად უნდა ალყის გარღვევა. ხრუშჩო-
ვმაც ვეღარ გაუძლო, სწრაფად, ასე
ვთქვათ, მეტისმეტი სისწრაფით ასწია ხე-
ლი. ოვეჩკინი არც გაჩერებულა, ისე, მაგ-
რად ჩამოართვა და თვალს მოეფარა.

მივდივარ სასტუმრო „მოსკოვი“, სა-
დაც ოვეჩკინა გაჩერებული. მივდივარ
და ჩემთვის გულში ვიცი.

იგი ნომერში დამხვდა. პიუჟაგაუხდელი
ბოლოსა სცემს. სახე ბრაზისგან გამწვან-
ებულია, წვრილ-წვრილი, ჩვეულებრივ მუ-
დამ კეთილი თვალები ახლა ნემსებოვით
იჩხვლიტებიან, ტუჩის კუთხეებში მკაცრი
ღარები უჩანს.

— ეს რა კომედია გაითამაშე?
— კომედია იმან დაიწყო, — და ძველი
სასტუმროს მონუმენტური ხავერდის სკამს
წიხლი წაპკრა.

— ასე მეგონა, „აბა მიყურეს“ თამაშო-
ბლით ბავშვებოვით.

— იცის, მეზიზღება, ხელი რომ ჩამო-
ვართვა, და იმიტომაც იციდი, შიშით თუ
წავხდებოდი.

— რამე უთხარი ამ შენს ზიზღზე?

— წერილებს ვწერდი.

— ხელის ჩამორთმევაზე?

— ყველაფერზე. დაუფარავად! ბელე-
ტრისტიკის გარეშე. თავში ზრდილობი-
ანად, მერე ბრაზით, უკანასკნელად კი
ღედის გინებით! ოცდახუთი წერილი მაინც
იქნება! არ შეიძლება არ ცოდნოდა, უკა-
ნასკენელები მაინც, ეჭვი არ მეპარება, რომ
აჩვენეს! ერთხელაც, ერთხელაც არ მიბა-
სუხა!

— იმედი გქონდა, გონს მოვიყვანო?

ოვეჩკინი გაათრებოთ მოტრიოლა და
პიუჟის ლაცკანებში ჩამაფრინდა.

— აბა სხვა რისი იმედი შენსთვის იქნა?
ნდეს ქვეყანას? რომელი? ქვეყნის? მზად
აღამიანების, რომლებიც კვლავაც მზად
არიან ნაჯახისაკენ მოუწოდონ რუსეთს?
აღარ გვეყოფა ეს თამაშობანი? მათი წყა-
ლობით მხოლოდ სისხლის ნაკადებია და
სისხლიანი ჭაობები: კვლავ ძველ ხმაზე
ვიმღეროთ: „ძალადობის მთელ სამყაროს
დავანგრეთ, და გავაცამტვერებთ!“ კი,
დავანგრეთ, ოღონდ ვერ ავაშენებთ! გვე-
ლესაპისგან გველეშაპი წარმოიშობა, ძა-
ლადობისგან ძალადობა! ჩვენ კი მხოლოდ
ერთი ძალა გვაქვს ახლა — ხელისუფლე-
ბა!

— გვონია, ხელისუფლებას ყველაფერი
შეუძლია?

ოვეჩკინმა ხელი მიშვა და უღონოდ
დაჯდა.

— ყველაფერი, — მითხრა ჩუმად და და-
რწმუნებით, — უფრო მეტი, შეუძლე-
ბელიც.

— მაგალითად?

— მაგალითები ყელამდეა. დამთხვეული
კაცი გაიძულეს: გააკეთე, ქვეყანავ, რა-
საც ჩემი მარცხენა ფეხი ინებებს! გვიბ-
რძანებს, მთვარეზე სიმინდი დათესეო, და-
ვთესავთ! თავისთავად ის უძლურია, მაგ-
რამ მისი ძალაუფლება ძლიერია. ოღონდ
კეთილი საქმისკენ უნდა იმას მიმართვა!..

— რუსეთის ყველა მეფეს, ღმერთმანი,
არანაკლები ძალაუფლება ჰქონდა. სრული-
ად რუსეთის თვითმპყრობლებს! — გავა-
ხსენე მე. — შეძლებდნენ კი ისინი აეთუ-
ლებინათ ხალხი სიმინდი ეთესათ?

— ალბათ თვითმპყრობელებად არ ვარ-
გოდნენ. ეკატერინედან მოყოლებული
ოთხი მეფე სულ კარტოფილის დანერგ-
ვაზე ფიქრობდა. ოთხმოცი წელი იჯახი-
რეს — რა შეღავათები, პრემიები არ გა-
იღეს, რამდენი აჯანყება არ ჩაახშეს. და
მაინც იმიტომ შემოიჩინეს, რომ ბოლოს
და ბოლოს გლეხმა იყნოსა, კარტოფილი
კაი საქმეაო. ხოლო სიმინდს პოლუსს იქ-
ით ვერ დანერგავდნენ. არა, ჩვენს თვითმ-
პყრობელებს ამის ძალა არ ეყოფოდათ!

— აჯანყებებს ახშობდნენ... ჩვენთან
კი, ინიშნე, საამისო არაფერი დასჭირვე-
ბიათ. აჯანყება მკის კი არა, მცირეოდენი ურ-
ჩობაც არ გაუუწევიათ. მაშ, როგორ მააწერ
ჩვენს ხელისუფლებას იმ ძალას, რომელი-
ც არ გამოუყენებიათ?

ოვეჩკინმა კარგა ხნის დუმისის შემ-
დეგ ყრუდ წარმოთქვა:

— იცი, ეს შიშია, არნახული შიში ხე-
ლისუფლებას წინაშე, რომელიც გონებას
გაკარგვინებს.

— ახლა არც ისე დამაჯერებელია და-
შინების მეთოდები — არც დამსჯელი
რაზმებია, არც რეპრესიები. დიდი-დიდი,
უფროსმა გიყვიროს და მაგიდას მუშტი
დაპკრას. ღმერთმანი, შეშინების მიზეზი
არა გვაქვს.

— ახლა არა... მაგრამ გაიხსენე, რაც
იყო. ხმამაღლა თქმისა კი არა, გაფიქრე-
ბისაც გვეშინოდა, ვაითუ „შავი ყორანი“
ლამით მოგვადგეს და გამომძიებელთან
წავვიყვანოს, რომელიც ძვლებს გადაგი-
მტვრევს, ფრჩხილებში ნემსებს შეგიჩუ-
ბებს. ამბობენ, მოსე ორმოცი წელი დაა-
ტარებდა ებრაელებს უდაბნოში, რათა
მონების თაობა დახოცილიყო და მათთან
ერთად მონური სული გამეკრალიყო. ალ-
ბათ ჩვენთანაც უნდა შეიკვალოს თაობე-
ბი, რომ ძალაუფლებისადმი შიში გაქრეს.



— ვითომ შიში? — ეჭვი გამოვთქვი მე. — არ გახსოვს, ხალხი როგორ ბობოქრობდა კრებებზე „შავი ყორნების“ ეამს. იტყვი, გულწრფელი ალტაცებით არ ბობოქრობდნენ? ბიჭობაში მეც განმიცდია იგი. ვითომ შიშმა წარმოშვა ეს გულწრფელობა?

ოვეჩკინი ღუმდა, ვინ იცის, იქნებ იხსენებდა, როგორ სჯეროდა თვითონაც და როგორი ალტაცებული იყო. განა რომელი ჩვენთაგანი გაექცევა ამ სამარცხვინო მოგონებებს?

— ჩვენ ვთვლით, რომ სტალინის „შავი ყორნები“ ხალხის გახრწნის მიზეზია, — უარესად გავუთიე მე. — ან იქნებ პირიქითაა, იქნებ თვით ხალხი იყო გახრწნილი მორჩილებით, უნიციატივობით, მონაური სილაჩრით?

ოვეჩკინი ჩემკენ მკვეთრად შემოტრიალდა.

— დაფიქრდი, რას ლაპარაკობ? — მითხრა გამომწვევად.

— ჰო, რა თქმა უნდა, ხალხი წმინდა და სპეტაკია. მისი სინდისი უსაზომოა, ნებისყოფა შეურყეველი, სიბრძნე — მიუწვდომელი. მაშ, რატომაა, ვისაც არც სინდისი აქვს, არც ნებისყოფა, არც სიბრძნე, იმორჩილებს, ხრწნის კაცობრიობის ესოდენ ძლიერსა და წმინდა ნაწილს?

— ხალხს გადააბრალო, — შეჰყვირა ოვეჩკინმა, — ხალხს!! ეს იგივეა, სტიქიონზე თქვა, დამნაშავეა, ღმერთმა ასე იხებო! როგორ შეიძლება ასე იცხოვრო და თანაც წიგნები ისწეროს?

ის არ ცდებოდა — ასე ცხოვრება ძნელი იყო. მალე თავადაც დაამტკიცა ეს, ტყვია რომ იკრა შუბლში. ტყვიამ საფეთქლებთან გაუარა და თვალი აპოუგლო. თავად კი ცოცხალი დარჩა. დასახინჩრებული და დასნეულებული, კურსკიდან ტანკეტს გამეგზავრა შეილებთან... იქ გარდაიცვალა.

ჩვენი დავა ასევე დაუმთავრებელი დარჩა.

მაგრამ მთელი ეს თექვსმეტი წელი, სასტუმრო „მოსკოვში“ საუბრიდან რომ გავიდა, მე მუდამ საკუთარ თავს ვედავებოდი.

— ხალხი სტიქიონია, განა ისევე უაზრობა არაა მას სისასტიკე უსაყვედურო, როგორც გადმოსკადარ ვულკანს?

— მერედა რა, განა ეს ცვლის ჩვენს დამოკიდებულებას ხალხისადმი?

— ძირფესვიანად ცვლის. ჩვენი აზრით, ისტორიას ქმნიან სწორედ პიროვნებები. — განა ეს სწორი არაა? ნუთუ ადამიანს წილი არ უდევს თავის ისტორიაში?

— სწორი არაა თუნდაც იმიტომ, ადამიანი იძულებულია მუდამ თავისი პირადი ინტერესებისა და სურვილების პირუქუ მოიქცეს.

— მაგალითად? — მაგალითი ყოველ ნაბიჯზეა. სამუშაოდან წამოსული, მაღაზიაში უნდა შევიდეს, დავდგე ძეხვის რიგში. მე კი დალოლილი ვარ, მინდა სახლში მივიდე, ვივახშმო, დივანზე წამოვგორდე.

— მერედა, რა შუაშია აქ ისტორია?

— ყველაფერი ეს იმას ასურათხატებს, რომ ადამიანი ამ მცირედზე უკიდურესადაა დამოკიდებული და თავისი თავის უფალი არაა.

— ამერიკა აღმოაჩინა!

— საქმეც ეგაა, რომ ეს ყველამ იცის, ხოლო თუკი ყველა ასეა დამოკიდებული მისთანა წვრილმან ადამიანურ ამბებზე,

როგორც ძეხვის რიგია, ალბათ გრანდიოზული საზოგადოებრივი წამოწყებანი კიდევ უფრო აიძულებს ყოველ კაცს საკუთარი ინტერესებისა და სურვილების წინააღმდეგ მოიქცეს. ისტორიას პიროვნებები ქმნიან. აბა კი! თავად პიროვნებებიც ვერ მოქმედებენ დამოუკიდებლად.

— მათ ვინ ამოძრავებს? უფალი ღმერთი?

— საზოგადოებრივი წყობა.

— მაგრამ საზოგადოება ვისგან შედგება? ხომ ხალხისაგან, ცალკეულ პიროვნებათაგან!

— ტვინი და თირკმელებიც ერთი და იგივე ცილოვანი ნივთიერებებისაგან შედგებიან, მაგრამ სხვადასხვაგვარად, ამიტომ ფუნქციაც სხვადასხვაგვარია აქვთ. ამერიკაში ასეთივე ხალხი ცხოვრობს, მაგრამ იმის წარმოდგენაც კი შეუძლებელია, რომ იქ სიმინდზე ამნაირი კამპანიის გამართვა მოხერხდებოდა. განა რუსები ამერიკელებზე ბრძიდებია? იქ წყობა სხვაა და ამიტომ ხალხის ქცევაც სხვანაირია.

— მაშასადამე, როგორიც წყობა, ხალხიც ისაა?

— მაშ, რით უნდა აიხსნას ძია პაშას საქციელი გაყინულ ჭასთან? ისიც სისტემამ აიძულა?

— დიან. დავიწყით იქიდან, რომ ძია პაშა და იაკუშინი ფრონტზე — ფრიად თავისებურ ადამიანურ წყობაში მოხდნენ. აქ საჭირო იყო თავის დაცვა და კაცის კვლა. მიწურმა ხანმოკლე დროით ომს ამოაფარა ადამიანები. და ისინიც ისეთივენი გახდნენ, როგორც მშვიდობიან ვითარებაში იყვნენ. არა, ისინი თავს კი არ იკატუნებდნენ, მართლა კეთილები იყვნენ. ხოლო ყინულის ზარები უჩვეულო შემთხვევაა. ჰოდა, უჩვეულო გრძნობებიც გამოიწვია და უჩვეული მოქმედებებიც უბიძგა ჯარისკაცებს, რომლებმაც, თავისდა უნებურად, თავისებური დამსჯელი სისტემა შექმნეს. და აი, ამ სისტემამ ისინი ჯალათებად აქცია, მათ რიცხვში ძია პაშაცა და იაკუშინიც.

ავტობუსი მოსკოვის ქუჩაზე მისრიალებს.

უეცრივ გადამკვეთ ქუჩიდან ტაქსი გამოხტა. მუხრუჭებმა დაიღრჭიალეს. მგზავრები გასასვლელში ერთმანეთს მიაწყდნენ.

ტაქსის მძღოლი გაქვავებული ზის. თითქმის ბიჭია. მოდის მიხედვით — თმა დაუვარცხნელი. საღდაც შორეთს მიშტერებია. უკან ქართველი უზის უზარმაზარი კეპით, „აეროდრომს“ რომ ეძახიან. მკვირცხლად ტრიალებს „აეროდრომი“. მისი პატრონი მთელი ტანით იხრება შორეთს მიშტერებული ბიჭისკენ და ცხარობს. დარტყმა წინა ფრთაზე იყო. კაპოტს სახურავი მოძვრა და იგი ახლა ცოცხალივით თრთის.

ქალის წამოკივლების შემდეგ ავტობუსში სიჩუმე სუფევს. არავინ ინძრება. ბოლოს ბოხი, უქმაყოფილო ხმა ისმის:

— ძაღლის შეილი!

— ლაწირაკებს სვამენ საქესთან! — მყის გაეხშიანა ლამის ატირებული წიკვინა ხმა.

— კიდევ კარგი, არავინ შეიწირა, — შეიქმნა ნაწყენი, მუქარიანი ღრტვინვა.

ამ ღრტვინვამ ერთი მგზავრი ავტობუსიდან ძირს ჩაიყვანა. წინგახსნილი ღობა აცვია, ქუდი ყურებამდე ჩამოუფხატავს. ჯიბიდან ბოთლს იძრობს და ცეკვა-ცეკვით

პაერში ატრიალებს:

— შ-შენ-მეთქი, შუშა დაუშვი, [წვენიუ] სთანა წვნიას წყალობით ოცდახუთი წესი ნერვები დაგვაწყდა. დაუშვი-მეთქი... შა! თორემ აი ამ ბოთლით!..

ავტობუსის შიგნით რისხვა თანდათან ძალას იკრებს — მგზავრებს ბოთლიანი კაცის შემართება აღზნებთ:

— მივდიოდით ჩვენთვის და ამ ტუტუცმა კი!

— მოხუცი ქალი ლამის გაჰყლიტეს.

— ჩასცხე ერთი მაგას! ჩასცხე!

ბოთლიანი კაცი, ამ მხარდაჭერით მთლად გააფთრებული, ბრავით იხრჩობა:

— ვის ვუთხარი, შუშა დაუშვი-მეთქი!

— სულერთია, ვერსად დაიძალეები.

ავტობუსიდან ხალხმა კიდევ უფრო შეუნთო ცეცხლი:

— ჩასცხე, ჩასცხე მაგას!

— კაცო, უყვირე, კარი გააღოს.

ბოთლიანი კაცი უკვე დაუნაწევრებლად ღმუის:

— უჰ, მე შენი!

მის გვერდით უცხად ორი ახალგაზრდა დგება, საღად ჩაცმულები, საკმაოდ ზორბანი, ალბათ ავტოამწის მუშები.

— აბა, რას კაკანებ აქა!

— კაცს ისედაც ცუდი საქმე მოუვიდა, უშენოდაც ჯავრით მკვდარია.

— გავიხარა ხომ სხვისი გასაკირი, ცხოველო?

ბოთლი ძირს ეშვება, ცეკვა წყდება, სა-მოსაჩეჩილ კაცს გააფთრების ნატამალიც აღარ ეტყობა. ყურებზე ჩამოფხატული ქუდი ლამის მხრებში ჩაძვრეს.

— ამან ხომ ავარია მოახდინა?

— უშენოდაც გაარჩევენ, აქედან მოწყდი!

შემცბარი ავტობუსი წამით გაყუჩდა, კისერწაგრძელებული მგზავრები უქმაყოფილოდ დასცქერიან ბოთლიან კაცს.

— მართლაც ასეა! — გაისმა ისევ უქმაყოფილო ბოხი ხმა.

— რაც მართალია, მართალია, ბიჭს ცუდი საქმე შეემთხვა, — მყის მიატანეს სხვებმაც.

— თავს ვერ დაიძვრენს, თრევით მოკლავენ.

— ჯერ სულ ბავშვია.

და როგორც მანამდე, ისევ მომძლავრდა მუქარა:

— ბოთლი მოიმარჯვა!

— გამომტყვარია ეგ ცხოველი!

— თვითონვე უნდა ჩაეხო ბოთლი.

ისევ იგივე ხალხი, იგივე ხმები.

— ხომ ხედავ, რა ონებებს გამოატყვრენს ხოლმე ხალხი. ვთქვათ და იმ ბოთლიანი კაცის გარდა მხოლოდ ერთი მგზავრი მჯადარიყო ავტობუსში. როგორ მოიქცეოდა?

— ხასიათს გააჩნია. თუ იმპულსების კაცია, ალბათ ასევე აღშფოთდებოდა.

— საქმეც ისაა, რომ მანაც ასე აბობოქრებულად არაა. რადგან თუ მის აღშფოთებას არავინ გამოეხმაურებოდა, ცეცხლიც ასე არ შეენთებოდა, ამ ზომამდე არ გააქტიურდებოდა.

— შენ გინდა თქვა, ძია პაშა მარტო რომ გადაყროდა ზარებს, ასეთ უკიდურეს სისასტიკემდე არ მივიდოდა?

— განა ეს საეჭვოა? დასაჯო კაცი, ისიც ასე საშინლად, ასეთი მძიმე პასუხისმგებლობა იტვირთო მარტომ! მაშინ პათოლოგიური სადისტი უნდა იყო. ძია პაშა კი ნორმალური კაცი იყო, თავის წილ პურს

ამხანაგს გაუყოფდა, ცეცხლიდან დაჭრილს გამოიყვანდა — აღამიანურობა არც მას აკლდა.

— სწორედ ეგაა საშინელი — აღამიანურობა არ აკლია, არააღამიანურობა კი შეუძლია!

— მისდათავად არა, სხვებთან ერთად. ბრბომ თავი აღიგზნო, იმ ხელშემწყობ გარემოდ იქცა, სადაც აღამიანის საღისეობად გადაქცევის საზარელი პროცესი შესაძლოა ბოლომდე მომწიფდეს.

— კი მაგრამ, შენ რატომ არ მომწიფდი მაშინ? და საერთოდ, ნუთუ არ იცი, რომ შენი ეს მსჯელობა პიროვნებას აკლავს? აღამიანი სხვა აღამიანთა გარემოში ცხოვრობს, რაღაც წესით ჩამოყალიბებულში, რომელიც, მაშასადამე, ცალკეულ აღამიანზე მოქმედებს, მის საქციელს წარმართავს. ვანა კაცი ოდესმე იქცევა ისე, როგორც თავად სურს? რჩება თავისთავადი? სწორად აქვს კი უფლება თავის თავს პიროვნება უწოდოს?

პიროვნება... ეს ის თემაა, მარტო მე რომ არ მაშინებს თავისი სირთულით.

არა, ვერ გავხვდები აღამიანის სულსა და გულში ჩავიხედო. შემიძლია მხოლოდ ერთი შემთხვევა მოვყვე, თითქოსდა ერთი შეხედვით უმნიშვნელო, მაგრამ ჩემთვის ფრად საპარცხვინო. იყო დრო, როცა მეგონა, რომ ამას ვერც დედას, ვერც ძმას, ვერც ცოლსა და ვერც შვილებს ვერ გავუმხელდი. მაგრამ აი, ცხოვრება თითქმის გავლიე და, მეგონი, ეს მაძლევს იმის უფლებას უაღრესად გულწრფელი ვიყო, ვთქვა ის, რაც აქამდე სირცხვილით მწვაავდა.

სამარშო ასეული ფრონტზე მიდიოდა... ჩვენ ერთი თვე ვოლგის გაღმა პოლოგე ზაიმშიში დავეყავით და ფრონტზე წასვლას სიხარულით შევხვდით.

ლეიტენანტი, ვისაც ჩვენი ასეული ებარა, გზას ასცდა და ექვსი დღე ტრამაში დავხეხტებთ. ის პუნქტები, სადაც საჭმელი უნდა მიგვეღო, სადაც განზე დარჩა. მეოთხე დღე იყო, პირში ლუკმა არავის ჩაგვეღო.

ჯერ კიდევ პოლოგე ზაიმშიში ერთ უფროს სერჟანტს დავუახლოვედი. იგი მმფარველობდა და მეც მისი მაღლიერი ვიყავი. ის მასწავლიდა ცხოვრების სიბრძნეს, ანუ „მარიფათიან“ ქვევას, რაც უმთავრესად ზემდეგის მოტყუებაში გამოიხატებოდა. ავი მეფობდა აზრი, ზემდეგს ვერ ნახავ, ჯარისკაცებს არ ქურდავდესო. მე კი ეს მარიფათი არ მქონდა და ვიტანჯებოდი.

არა, ამ ლაშქრობის დროს უფროსი სერჟანტი ჩემ გვერდით არ იყო. დაოსებულთ და ჩრდილებით მოლასლასეთ ერთმანეთზე ზრუნვის თავი არ გვქონდა.

ჩვენს გზაზე შემდეგი ხუტორი სამხედროებით მოსახლე იყო და არა მშვიდობიანი მაცხოვრებლებით.

ნახევარი საათის მერე ზემდეგი მობრუნდა და შთავიანებით გამოგვიცხადა:

— ბიჭებო! თითო სულზე ორას ორმოცდაათი გრამი პურისა და თხუთმეტობდე გრამი შაქრის გამოგლეჯა მოვახერხე!

ამ განცხადებამ დიდი აღტაცება არ გამოიწვია. ცხადია, ყველას ოცნებად გვექონდა, რომ ამდენ ხანს ნაშიშილევი ხალხს ძლომაზე მოგვეცემდნენ საჭმელს და არა თითო ლუკმა პურს გადმოგვიგდებდნენ სამოწყალოდ.

— კარგი, კარგი, გეყოფათ! ხალხმა თვი-

თონ მოიკლო და ჩვენ მოგვცა... ვინ წამომყვება პურის წამოსაღებად?, შენ წამოდი! — რაკი გვერდით ვიწექი, ზემდეგმა ხელი მე დაამლო.

ლაბადა-კარვით რომ ვბრუნდებოდი უკან, მთელი გზა ერთი აზრი მიშხამავდა გუნებას. მეზიზღებოდა ჩემი თავი, რომ ლაჩარი ვიყავი, რომ ასეთი დოყლო წესიერება მჩვეოდა, რომ მარიფათის შნო ჩემთვის ღმერთს არ უფოცა. და თან ვოცნებობდი: მიუუტან უფროს სერჟანტს ახლა ამ პურს, ისიც ხელს დამკრავს მხარზე და მეტყვის: „ეჭვი, ძმაო, თურმე არც ასეთი დოყლაპია ყოფილხარ!“

...როცა ზემდეგმა წამით თავი მიაბრუნა, ნახევარი პური პარმლის ქვეშ შევაგდე, დანარჩენი ლაბადა-კარავში გავხვიე და ზურგზე მოვიგდე.

ცხოვრებაში ცუდი ბევრჯერ ჩამიდენია — მომიტყუებია მასწავლებლები, გამიტეხია სიტყვა... მაგრამ ყოველთვის გამიმართლებია თავი.

ახლა კი თავის გამართლებასაც აღარ ვცდილობდი. ნეტავ შეიძლებოდა დაბრუნება, გადამალული პურის ამოღება და ლაბადა-კარავში გავხვიე! მაგრამ ჩვენი მარჩენალი ზემდეგი ჩემ წინ მიაბიჯებდა და ერთი ნაბიჯითაც ვერ ჩამოვრჩებოდი.

რა მოხარული ვიქნებოდი, გერმანელების თვითმფრინავები რომ თავს დაგვსხმოდნენ. ერთი პატარა ნამსხვრევი და ცოცხალი აღარ დავრჩებოდი. წინ სიკვდილზე უფრო მეტი საშინელება მომელოდა.

გზის პირებიდან ჩვენს შესახვედრად ძლივს წამოსწიეს წელი ჯარისკაცებმა. ზემდეგმა ლაბადა-კარავი გახსნა და უცბად იყვირა:

— ნახევარი პური სადღაა? — და რისხვით ახამხამებული თვალები მომაშტერა. დამტყერილი ხალხი ჩაშავებული სახეებით ირგვლივ მეხვია.

— მე ხომ მახსოვს, ძებო, აქ ნახევარი პური იყო! გზაში ამწაპნა.

ცისფერთვლიანმა, სახედარულმა ხნიერმა ჯარისკაცმა უბოროტოდ თქვა:

— ბიჭო, გიჯობს გამოტყდე. გაქვავებული ხმას არ ვიღებდი.

მაშინ კი იღმუგლეს ახალგაზრდებმა:

— ვის პარავ, პარაზიტო?! ამხანაგებს?

— მშვიგებს პირიდან აგვაცალა.

— მაგასთან ლაპარაკიც არ ღირს! — ასწია ხელი ერთმა ბიჭმა. მე უნებლიეთ შევეკრთი. მას კი თურმე პილოტურის გასწორება უნდოდა.

— ნუ დაფრთხი, — მითხრა ზიზღით.

— შენზე ხელს როგორ გავისვრი.

მე კი მიწოდდა, ვეცემე, ეს შვევას მომცემდა. ეს ხომ ჩემი სხეული შეკრთა, მას შეეშინდა და არა მე.

და უცბად დავინახე, რომ ჩემ ირგვლივ მყოფი ხალხი თურმე საოცრად ლამაზებია — სახეჩაშავებულნი, მშვიგები და მაინც თითქოს სახენაქანდაკეანი. ამ ლამაზ ხალხში მე ერთი ვიყავ მხოლოდ მახინჯი.

— დაე, ყელზე დაადგეს ჩვენი პური, ის დავარიგოთ, რაც დარჩა.

ზემდეგმა ცხვირწინ მუშტი დამიტრიალა:

— გადამალულს მაინც ვერ ჩაიდებ, თვალს არ მოგაშორებ, იცოდე! აქედან კი ნურაფერს ელი, არავინ მოგცემს.

ღმერთო! ვანა ის ცოდვით სავსე პური ახლა პირში ჩამივიდოდა? ხომ შხამად დამადგებოდა ყელზე! და არც ჩემი წილი

ულუფა მინდოდა. ამით მაინც დავსჯილიყავი.

მაშინ ცხრამეტის ვხდებოდე, როცა ოცდაცამეტი წელი გავიდა, ცხოვრებამ ბევრი ავი და ცუდი მინახავს, მაგრამ ისეთი რამ, თავი რომ შემზიზღებოდა, არა, ასეთი წუთები არ მქონია.

არაფერია იმაზე საშინელი, როცა შენი საკუთარი სინდისის წინაშე თავის გამართლება არ შეგიძლია. ვინც ამას გრძნობს და გულში ატარებს — პოტენციური თავისმკვლეელია.

ჩემი ბედი, რომ გვარდიელთა პოლკის მეკავშირეთა ასეულში, სადაც მოვხვდი, არავინ იყო ამ ჩემი თავისმოჭრის მხილველი. ეს კია, რამდენიმე ხანს მოახლოებული ჭურვის ხმაზე მიწას აღარ ვაქვდებოდი, ტყვიებქვეშ გამართული დავდიოდი — მომკლავენ და მომკლან, თავი სულაც არ მეცოდება. ფრონტზე თავის მოკვლას რა აზრი აქვს, როცა სიკვდილი ისდაც ასე იოლი საპოვნელია.

მშვიერი ამხანაგებისთვის პურის მოპარვა პირადად ჩემთვის უფრო მნიშვნელოვანი შემთხვევა გახლდათ, ვინემ გაყინულ ჭასთან მომხდარი ის საშინელი ამბავი. მაშინ გავიგე, თუ რას ნიშნავს საკუთარი თავის ზიზღი.

ლიტერატორი გავხვდი, შემთანხმებელი და შემგუებელი არ ვყოფილვარ, მაგრამ მუდამ, ახალი მოთხრობის გააზრებისას, ეწონილი ხოლმე, ეს გავა, ეს არ გავა. აშკარად არ ვტყუროდი, მხოლოდ ვდუმდი იმაზე, რაც აკრძალული იყო. მდუმარე მწერალი კი ის მეწველი ფურია, რძეს რომ არ იძლევა.

და ვიგრძენი, თუ როგორ მეკარგებოდა ჩემი თავის პატივისცემა.

ჩვენ ყველას ცხოვრება ვასწავლის — მცირედლან დიდი ვისწავლოთ: ჩამოვარდნილმა ვაშლმა — სამყაროს მიზიდულობის კანონი შექმნა, ბავშვის „თუ შეიძლება“ ადამიანთა ურთიერთობანი ყალიბდება.

ყველას ასწავლის, მაგრამ ყველას ერთნაირი ნიჭი არა აქვს.

მოსკოვში მწერლების მორიგე პომპეზური თათბირი იყო. მეგონი, ისევ ყრილობა. ის იყო წასასვლელად პალტო ჩავიცვი და ქუდი დავიხურე, რომ კარზე ზარმა დარეკა.

ზღურბლზე არც ისე მაღალი კაცი იდგა, საკმაოდ წესიერად ჩაცმული. ყვრიმლიან სახიდან შავი, ცქათად მზირალი თვალნი მომჩერებოდნენ. თითქოს რაღაც ამოტივტივდა წელთა სილამიდან.

— მიცანი? — მკითხა.

— შურკა! შუბუროვი!

ოცდაათობდე წლის წინათ სოფელ პოდოსინოვეცში მე და ის ერთ მერხს ვუსხედით. სკოლა მან მალე მიატოვა, სოფლიდან გაქრა. რამდენიმე წლის შემდეგ მოსკოვში ხმამ მოაღწია — შურკა ქალაქ-ქალაქ დასეირნობს, რაც ხელს მოხვდება, წაანის, როგორც შეუძლია.

ომის პირველ დღეებში ერთ ჩემს ნაცნობს შურკა მოსკოვის ყაზანის სადგურში უნახავს. ისე იყო თურმე აღუღებელი, არც დალაპარაკებია, სულ ვილაც ზორბა კაცს უტრიალებდა, პატარა გაქეჩილი ჩემოდანი რომ ჰქონდა. მერე შურკა სადღაც გაქრა, მხოლოდ საღამოს გამოჩინდა, ხელში ის გაქეჩილი ჩემოდანი ეკავა.

— წამოდი! — უთქვამს და მოფარე-

ბულ ადგილს მიუყვანია. ჩემოდნისთვის თავი აუხსნია — ის თურმე ფულის დასტებით იყო სავსე.

ჩემს ნაცნობს ამგებობის შეთხზვა უყვარდა. ის საარაკო ჩემოდანი ალბათ არც არსებობდა, შურკა ასეთი გაქანების კაცი არ იყო.

ახლა კი იგი ჩემ წინ იდგა, თმაგადაღლესილი, ვიწრო პიჯაკით.

— დიდი ხანია თავი დავანებე ყველაფერს. ოჯახი მყავს, ორი შვილი, ბინა მაქვს კიროვში. მაგრამ რა, მჭამენ, არ სჯერათ, კაცურად თუ შემიძლია ცხოვრება.

ძუნწად მომიყვა, მთელი ბანაკები მოვიარეო. რვა წლის წინ უკანასკნელი სასჯელი მოუხდია, მაგრამ... საცხოვრებელი არსად მიუციათ. არც სამსახურში იღებდნენ სადმე, არც სახლმშობლებზე წერდა. იარა, იარა ასე მოსკოვში და ბოლოს გადაწყვიტა: მივიდა წითელ მოედანზე და პირდაპირ კრემლის სპასკის კარს მიადგა. გუშავმა გააჩერა:

— საით?

— ნიკიტა სერგევიჩი ხრუშჩოვთან. არ გამოიშვებო, აქ დავწვები, წასასვლელი არსად არა მაქვს. ანდა საიდანაც მოვედი, იქ გამგზავნი.

სპასკის კართან არ დააწვინეს, უკან გაგზავნა ვერ გაბედეს — კაცს დანაშაული მოხდელი ჰქონდა. მონანიე დამნაშავე, სიკეთის გზაზე დამდგარი, როცა ჯერ კიდევ „შავი ყორნები“ დაგრიალდნენ, სიმპათიას იწვევდა. ამან უშველა სწორედ შურკა უშუბროვს. იგი თითქმის პატივით გაისტუმრეს იმ ოლქის მთავარ ქალაქში, სადაც დაიბადა. იქ ელოდა ბინა, სამუშაო. მაგრამ...

— შემჭამეს. ვერ მაპატიეს ხრუშჩოვის დახმარება.

ძნელია არ დაუჯერო, დამხობილ ხელისუფლებასთან დაკავშირებული ახლა ყველაფერი ეჭვებსა და მტრობას იწვევს. მაგრამ არც იმის დავიწყება შეგიძლია, რომ ერთ მერხზე ისხედით ოდესღაც...

არადა, როგორ გინდა დახმარო? მე ხრუშჩოვი არა ვარ. თუმცა ვილაღვილებს ცეცხლს მეც ვიცნობ კიროვში, იქნებ მათი შემწეობით გავაწყო რამე?

— იცი, უკაბიკოდ ვარ. თანაც ცოლ-შვილი მყავს აქ...

იმ წუთას ჯიბეში ოცდახუთი მანეთის მეტი არ მქონდა. დავთქვით, რომ ისევ შევხვდებოდით — გავარკვევ, დამხმარებებს აღმოვუჩინე, გზის ფულსაც ვუშოვნი.

ერთი საათის შემდეგ სვეტებთან დარბაზში კიროვს მივხვდით. შურკას ცოლს თურმე თათბირზე უნახავს, უფულობა შეუჩივლია და... ოცდახუთი მანეთი გამოურთმევია. ცოლ-შვილი მეორე დღეს ჩემთან მოსულა, როცა მე შინ არ ვიყავი. ჩემიანებს ტკბილად მიუღიათ, გამასპინძლებიან, ისევ ფული მიუციათ.

ერთი თუ ორი დღის შემდეგ ფოსტით უწყება მომივიდა — გუმის გვერდზე მილიციის მეთერთმეტე განყოფილებაში უნდა მივსულიყავი გამოძიებელთან.

გამომძიებელი ახალგაზრდა კაცი იყო, მითხრა, შუბუროვი გუმში დაიჭირეს, ვილაცას ჯიბიდან ფულს უღებდაო.

— პროვინცია ეგონა, — ვერ დამალა გამოძიებელმა ზიზი. — ამდენი ხალხია, ვინ შემამჩნევსო. არადა, იქ ისე უთვალთვალდნენ, ნემსს ვერ ააცილი. ჯიბეში თურამეტი მანეთი უპოვეს, თქვენზე ამბობს, იმან მომცაო.

— მივეცი. — ვუამბე ჩვენი შეხვედრის ამბავი, ოქმს ხელი მოვაწერე, ვთხოვე: შეწყნარება გამოეჩინათ. — ორი შვილი ჰყავს, თავის ქალაქში ძალზე სდევნიან და იქნებ ყველაფერი ამის ბრალია-მეთქი. გამომძიებელი დამპირდა, მაგრამ დიდი ხალხით არა.

გუნება გამიფუტდა, ასე მეგონა, შურკამ ჩემი გაქურდვა სცადა. ნეტავ რისთვის დასჭირდა? რაღაც ფული ხომ ჰქონდა, მშვიერი არ იყო, ისიც იცოდა, რომ მალე მნახავდა, რაღაცით დავხმარებოდი.

ცხოვრება მცირედით გვასწავლის დიდს: ჩამოვარდნილი ვაშლით — სამყაროს მიზიდულობის კანონს.

თუმცა რა მიკვირს: მილიონობით კაციდან მხოლოდ ერთმა აღმოაჩინა ჩამოვარდნილი ვაშლის მეოხებით სამყაროს კანონი. ძალმიძს მე ასეთი რამე დიხაც არა.

აღამიანები ერთმანეთს ჰკვანან, ვერავინ დაიკვირვინს ხუთი კი არა, ექვსი გრძნობა მაქვს და სხვანაირად მოწყობილი ტვინით, ყველას შეუძლია თავის თავზე თქვას: არაფერი აღამიანური ჩემთვის უცხო არ არისო. და მაინც, რარიგ არ ჰკვანან აღამიანები ერთმანეთს, რარიგ განსხვავებულად უყურებენ ამ ქვეყანას, განსხვავებულად გრძნობენ, განსხვავებულად იქცევიან.

რამდენიც პიროვნებაა, იმდენი სამყაროა!

ნეტავ იმ გაყინულ ჭასთან მომხდარმა ამბავმა თუ იმოქმედა ძია პაშაზე? შეცვალა თუ არა მისმა ჯალათობამ? იქნებ გაასადისტა, ანდა, პირიქით, მისი ნამოქმედარი მუდმივად ტანჯავს?

ჩემში პირადული მას შემდეგ აღმოვაჩინე, როცა ნახევარი პურისთვის მე, თვითონაც მშვიერი, ჩემს მშვიერსავე ამხანაგებს შევექაზე.

ვინ ვარ მე? როგორი პირადი თვისებები მაქვს?

ამას მხოლოდ მაშინ გავიგებ, როცა ჩემ ირგვლივყოფილ გარემოსთან მომიხდება შეხება, მის ვავლენას ვიგრძნობ.

უაზრობაა პიროვნებაზე მისი გარემომცველი გარემოდან მოწყვეტით იმსჯელო. მის გარეშე პიროვნება არც გამყდრდება.

ყველასათვის გარემომცველი გარემოს ყველაზე არსებით ნაწილს მისი აღამიანური წრე შეადგენს. ყველა თავისებურად, სხვებისგან განსხვავებულად რეაგირებს მასზე. ყველა მასზე დამოკიდებული. დამოკიდებული მდგომარეობა კი სულაც არ ნიშნავს გაუპიროვნებას. პირიქით, სწორედ აღამიანური გარემოს გავლენა ამყდრებს კიდევ აღამიანის უნიკალურ თავისებურებას.

შენ კაცთა მასებს შორის მე წარმოგშობ, მე სხვებთან ერთად შენ.

აქამდე ჩვენი იმ შემთხვევებს განვიხილავდით, როცა ხალხის მასები პიროვნებაზე ცუდ გავლენას ახდენენ. მაგრამ ხომ პირიქითაც ხდება ხოლმე.

1947 წლის აგვისტოს დამლევს ჩემი სოფლიდან ისევ ინსტიტუტში ვბრუნდებოდი. კიროვში უნდა გადავმჯდარიყავ მოსკოვის მატარებელზე.

ქვეყანა ჯერაც არ იყო დაწყობილ-დალაგებული ომის შემდეგ, ჯერაც ბრუნდებოდნენ ევაკუირებულნი და დემობილიზებულნი... დიდი ქვეყანა გზაზე იყო გამდგარი. სადგურები აევსო ნაირ-ნაირ ხალხს, იატაკზე მძინარეთ, მშვირებს,

მთვრალეებს, რომელთა ოცნებას მატარებელზე ბილეთის შოვნა წარმოადგენდა.

საბილეთო სალაროს სარკმელთან უხარამზარი რიგი დამდგარიყო. ბინის ქსელს ხმაურობდა, თავი — დუმდა, აქ იდგნენ ისინი, ადგილზე მიყინულივით. აქ იდგნენ ისინი, რომლებმაც თავიანთი ბედნიერება საღვურზე გატარებული უძილო დამევიბით მოიპოვეს, ხან იმედიან და ხან უიმედობით ატანილებმა.

და პა, შეტოვდა რიგის თავი, წინ წაიწია, მთელ მწყრის თრთოლვამ გადაუარა, მოაშოო სიცილი, ჩამორეცხა ღიმილი, შეწყვიტა ლაპარაკი. სალარო გაიღო! შუაგულმა უმაღლე თავისი დელოვგატები გამოგზავნა წინ, რათა ურიგოდ არავინ გამძვრალიყო. ამ დელოვგატმა შორის კი მაშინვე გამოიჩინა ბელადი — ერთი ბრგე ბიჭი, წინ ჩამოყრილი ქოჩორით, თავხედური მზერით.

— ჩაღეჭით რიგში! — ზემდეგვივით გასცა ბრძანება მან, — თქვენ, მოქალაქე, — უთხრა ვილაც ქალს, — აქ იღეჭით თუ ახლა მიეწვებთ? თორემ ისე ხელდახელ შეგვიძლია გასმა!

მაგრამ მაშინვე მოწიწებით მოუხდა უკანდახევა ქოლსფერი პავონებისა და ქოლსფერიცინი ქუდის წინაშე — რკინიგზის მილიციონერმა უბოდიშოდ მისწი-მისწია ხალხი და ვილაც ახალგაზრდა ქალი მესამე დააყენა რიგში. ქალს მათხვრულად ეცვა. კაცის გაქეცილი ბამბულიდან წვრილი, უმწეო კისერი ამოგრძელებულიყო. ლოყები ჩამწვანებოდა, ჩაცვივნიული თვალები შემფოთებით უელავდა, ხელები შემცივნულივით გრძელ სახელოვებში შეეყო.

— წესის დამრღვევებზე ზრუნავ, ძმაო? — ჰკითხა ბრგე ბიჭმა. მილიციელმა პასუხის ღირსად არც სცნო და ისეთივე მძინარე, უკმაყოფილო სახით მედიდურად გაეცალა იქაურობას.

რიგის თავსა და კუდში მტრული მითქმა-მოთქმა შეიქნა:

- ავტორიტეტი უნდა ჰქონდეს.
- თურმე კიაა ჯიბგირობა, სახელმწიფო ხარჯზე ვაგამგზავრებენ.
- ოღონდაც იქ არა, სადაც შენ გინდა.
- რა იყო, რა მოხდა?
- ციხის გომბიოები ჩააყენეს რიგში.
- ჩვენ მაგვირად კახები წავლენ.

ბრგე ბიჭი კიდევ უფრო უნთებდა ცეცხლს:

— ნეტავ ვისი ბილეთი ერგება? იქნება შენი?.. კაცი სამშობლოსათვის სისხლს ვღვრიდი, ეგ სახელმწიფოს ჩირქსა ცხებდა. ბანაკში ტყუილად არ დამწყვდევდნენ. ახლა მაგას ელოლიავებიან. მე ფეხებზე ვკიდევართ.

ქალი ჩუმად იდგა, დაძაბული, მხოლოდ არაბუნებრივად აწურულ მხრებზე ეტყობოდა, ყველაფერი რომ ესმოდა და განიცდიდა.

ორმა წინ მდგომმა ბილეთი მიიღო. სწრაფად წავიდნენ. ქალი სარკმელსავე დაიხარა. რაღაც მოხდა. ქალი სარკმელს არ შორდებდა, აღელვებული რაღაცას უხსნის მოლარეს.

ვილაც გლეხმა, მელიასავით სახე რომ ჰქონდა, ზურგზე კი ბარგი კუზივით ადგა, ლაპარაკს მიაყურა და ზემიურად გადმოიხარა უკან:

— თურმე ფული არა ჰქონია, ბიჭებო. ევაკურება, ბილეთზე არ ჰყოფნის.

(დასასრული 22-ე გვერდში)

პახაზარ სურგულაძე.

ურნალ „დროშაში“ (№ 6, 1988) გამოქვეყნდა ანდრე ცისკარიძის საინტერესო სტატია „ათენის პროფესორი საქართველოდან“. მასში საუბარია საქართველოში, კერძოდ წალკაში დაბადებულ, ხოლო შემდგომში ათენის უნივერსიტეტის ექსპერიმენტული კათედრის პროფესორ ლაზარე პავლეს ძე კოტანოვიზე.

ავტორს დიდი მუშაობა ჩაუტარებია და დაუდგენია, რომ ლაზარე კოტანოვი, ეროვნებით ბერძენი, თბილისის სასულიერო სემინარიასა და გიმნაზიაში სწავლის დასრულების შემდეგ შევიდა კიევის უნივერსიტეტში სამკურნალო ფაკულტეტზე. სტუდენტთა არეულობაში მონაწილეობის გამო გადავიდა ათენის უნივერსიტეტში, რომლის დამთავრების შემდეგ მედიცინის მეცნიერებათა დოქტორის ხარისხით პირველ რიგში რუსეთის საზღვაო საავადმყოფოს მთავარ ექიმად დაიწყო მუშაობა. იგი ამჟამად დროს საბერძნეთის მეფის გიორგის მკურნალი გამხდარა.

ლაზარე კოტანოვის შესახებ საუბრისას ა. ცისკარიძე მოიხსენიებს ორ ქართველ ახალგაზრდას შევარდნაძეს და წითლიძეს, რომლებიც აქტიურად მონაწილეობდნენ 1897 წლის საბერძნეთ-თურქეთის ომში. ავტორი სინანულით დასძენს „ჯერჯერობით მათი სახელები დადგენილი არ არის“.

მართლაც, ქართველი ვოლონტიორების ვინაობა დიდხანს უცნობი იყო. ამის გამო ჯერ კიდევ 1961 წელს ცნობილი მკვლევარი პავლე ინგოროყვა წერდა: „ვინ იყვნენ ეს კეთილშობილი ახალგაზრდები, ერთა თავისუფლებისათვის მებრძოლნი შევარდნაძე და წითლიძე, ამის შესახებ ცნობები ვერ მოვიძიეთ“ (ი. ჭავჭავაძე, თხზ. ტ. 10, გვ. 522).

თავის დროზე ჩვენ ვცადეთ მათი ვინაობის დადგენა, რის შესახებაც 1986 წელს ჟურნალ „ტოროსში“ (№ 3, გვ. 71-75) დაგვბეჭდეთ ვრცელი წერილი „საბერძნეთის არმიის ქართველი ვოლონტიორები“. გაირკვა, რომ ისინი იყვნენ ერემია კონსტანტინეს ძე შევარდნაძე და ვარლამ (მამის სახელი კვლავაც უცნობია) წითლიძე. ერემია შევარდნაძე დაბადებულა 1869 წელს, დაუმთავრებია ქუთაისის კლასიკური გიმნაზია, მოხალისეობა წავიდა საბერძნეთში და 10 თვის განმავლობაში მონაწილეობდა თურქეთის წინააღმდეგ ომში. იქვე დაიჭრა. როგორც მოხალისე და საპატიო მებრძოლი, მკურნალობდა სამეფო ჰოსპიტალში. სამშობლოში დაბრუნების შემდეგ ერემია შევარდნაძე რუსეთის არმიაში მსახურობდა, მიიღწია შტაბს-კაპიტანის ჩინს, 1919 წელს პენსიაზე გავიდა, გარდაიცვალა 1953 წელს.

გადმოცემით, განსაკუთრებული დამსახურებისათვის ე. შევარდნაძე საბერძნეთის მთავრობას დაუჩილოვებია „ძვირფასი ხმლით“ და სპილოს ძვლის ტარიანი ვერცხლის რევოლვერით. რომელსაც „ოქროს ასოებით“ სათანადო წარწერაც ამოკვენიბდა. აღნიშნული იარაღი ოჯახის რელიქვიად ითვლებოდა, მაგრამ 1924 წლის არეულობის დროს ჩამოუტრთმევიათ და დაიკარგა.

მეორე ვოლონტიორი ვარლამ წითლიძე ჩონხატაურის რაიონის სოფელ ზომლეთის მკვიდრია. იგი შევარდნაძის ნათლული ყოფილა. ძალზე ახალგაზრდა, თან უცოლ-შვილო, ამიტომ მშობლებს დიდი სასოებითაც გაუსტუმრებიათ. ქართველები ერთად ჩასულან პირველი და ერთადვე განაწილებულან მოქმედ არმიაში. დაუზუსტებელი ცნობით, ვ. წითლიძე ერთ-ერთ ბრძოლაში დაიღუპა და იქვე, ელაღის მიწაში, დაკრძალეს.

როგორ მოხვდნენ ე. შევარდნაძე და ვ. წითლიძე საბერძნეთის არმიაში? საბერძნეთ-თურქეთის 1897 წლის ომს ფართოდ გამოეხმაურა მსოფლიო საზოგადოება. მან ქართველთა ყურადღებაც მიიპყრო. მაშინდელ ჟურნალ-გაზეთებში („ივერია“, „მონამბე“, „კვალი“) მრავალი თანაგრძობის წერილიც დაიბეჭდა. ბერძენთა სამართლიანი ომის პროპაგანდით ქართული პრესა ხელს უწყობდა ჩვენში ცარიზმის წინააღმდეგ მიმართულ ეროვნულ-განმათავისუფლებელი მოძრაობის გაძლიერებას.

საგულისხმოა, რომ პეტერბურგის უნივერსიტეტის ქართველ სტუდენტთა სათვისტომოს (თავ-რე რ. ფირცხალავა, მდივანი ალ. კალანდაძე) დელეგაცია, საბერძნეთის დროში, მივიდა ამ ქვეყნის ელჩთან და ათენელი სტუდენტებისათვის სოლიდარობის ნიშნად, თანაგრძობის დეპუტის გაგზავნა ითხოვა. ელჩს ეს აზრი უარუყვია, რადგან დეპუტის გაგზავნა სახიფათო ყოფილა (რუსეთი მაშინ კონფლიქტში არ ერეოდა), მაგრამ სტუდენტებს დაჰპირდა: „გადავცემ პირადად ჩემს მთავრობას თქვენს თანაგრძობას“.

მაშინ ზოგიერთ ქართველ ახალგაზრდას გამოუთქვამს შორეულ ელაღში გამგზავრებისა და ბერძენთა ლაშქარში მოხალისედ შესვლის სურვილი. თავიანთი განზრახვა მათ წერილობით გააცნეს ილია ჭავჭავაძეს და გიორგი წერეთელს. გ. წერეთელმა მაშინვე მოიწონა ეს გადაწყვეტილება, დიდმა ილიამ კი, სავსებით სამართლიანად, ზომიერი პოზიცია დაიკავა. „ბერძენებს, — წერდა იგი, — თქვენი თანაგრძობა... ეამებათ, მაგრამ ბევრს არას არგებს“, თქვენ კი შეიძლება ხიფათში ჩავარდეთო. ამიტომ ბრძნულად ურჩევდა: „უმჯობესია ჯერ ცოდნა შეიძინოთ და უპატრონოთ ქვეყანას“, რომელიც „მოელის თქვენგან ხსნასა და ბედნიერებას“. წერილს ილია შოთასეული აფორიზმით ამთავრებდა: „სადაც არა სჯობს, გაცლა სჯობს, კარგისა მამაცისაგან“ (ი. ჭავჭავაძე, თხზულებანი. ტ. 10, გვ. 143-144).

ამის მიუხედავად, ე. შევარდნაძე და ვ. წითლიძე, 1897 წლის ზაფხულში მაინც გამგზავრდნენ საბერძნეთს და თავიანთი გმირული ბრძოლით ბერძენთა სიყვარული დაიმსახურეს. 1901 წლის 25 აგვისტოს ბათუმში ჩამოსვლისას საბერძნეთის დედოფალმა (იგი ბორჯომს მიემგზავრებოდა დასასვენებლად), პატივისცემით მოიხსენია შევარდნაძე და წითლიძე, რაც დამხვდურ მალალ ჩინოსნებს ძალიან გაუკვირდათ. მაშინ დედოფალმა ისურვა, უკან დაბრუნებისას მაინც შეხვედროდა მათ (წითლიძის გარდაცვალება მისთვის ცნობილი არ იყო). სამწუხაროდ, მათი შეხვედრის ფაქტი ცნობილი არ არის. თვით სურვილი იმის მაჩვენებელია, რომ ქართველი ახალგაზრდები სახელოვნად იბრძოდნენ მისი სამშობლოს ინტერესებისათვის და შორეულ საბერძნეთში კიდევ ერთხელ ასახელებს საქართველო.

ე. შევარდნაძისა და ვ. წითლიძის მონაწილეობა ელაღის განმანათვისებელ ომში ქართველი და ბერძენი ხალხების მრავალსაუკუნოვანი ურთიერთობის საყურადღებო ფურცელია.



დღეს, როცა მსოფლიოში ტელეფონების რიცხვმა 600 მილიონს გადააჭარბა, კავშირგაბმულობის სპეციალისტებს მიაჩნიათ, რომ დადგა დრო ტელეფონის ასე ნაცნობი აპარატი თანდათან ვიდეოტელეფონებმა შეცვალოს. დიახ, როცა აბონენტები ისაუბრებენ და თან პატარა ეკრანზე ერთმანეთს დაინახავენ.

შორეულ მანძილზე ვიდეოტელეფონებით ლაპარაკის იდეა მსოფლიოში ერთერთმა პირველმა ცნობილმა ქართველმა მეკავშირემ მათე იანქოშვილმა გამოთქვა თავის წიგნში „ელექტრონი და საოცარი მანქანები“, რომელიც ჯერ კიდევ 1895 წელს გამოიცა თბილისში.

აი, რას წერდა ამ წიგნში ქართველი მეოცნებე: „ვთქვათ, ქმარი წავიდა სამოგზაუროდ და უკვე ჩინეთის სატახტო პეკინშია, ცოლი კი შინ დარჩა, ვთქვათ, თბილისში. ახლა უნდათ, რომ ერთმანეთის ამბავი გაიგონ, შივა ცოლი აპარატთან, რომელიც მაგიდაზე დგას, დაარეკავს ზარს, დაუძახებს ცენტრალურ სადგურს და ეტყვის: „შემაერთეთ ჩინეთში პეკინთან“. ისიც შეაერთებს თუ არა, უპასუხებს: „მზად გახლავით“. ცოლი მეორედ დაარეკავს ზარს და პეკინში მყოფ ქმარს დაუძახებს. ქმარი შივა აგრეთვე აპარატთან, შეხედავს და თავის ცოლს დაინახავს თბილისში, რომელიც ისე არხეინად ზის მკლავზედ დაურდნობილი, თითქოს ერთად ერთს ოთახში სხედან და ისე მუსაიფობენ“.

წიგნში მოთავსებულ ნახატზე გამოსახულია თანამედროვე გადაცემაში ტელეკამერის მსგავსი პატარა ხელსაწყო, საიდანაც სამი სადენია გაკიშული, ჩინეთში მყოფი ქართველი კაცი მუდღეს მრგვალი ფორმის ეკრანზე უყურებს.

საინტერესოა, რომ შორს მანძილზე გამოსახულების და ლაპარაკის გადაცემაზე ერთ დროს ილია ჭავჭავაძის რედაქტორობით გამოქვეყნებული გაზეთი „ივერია“ ოცნებობდა.



აი, რას წერდა 1889 წელს „ივერია“: „ამ ტელეფონის გარდა, რომლის შემწობითაც დიდ მანძილზე შეიძლება მოლაპარაკება, არის აგრეთვე ისეთი ტელეფონიც, რომელიც ნახატს გადასცემს ერთის ადგილიდან მეორე ადგილზე, ასე რომ ნიუ-იორკიდან შეიძლება პარიზში ოთახი და ოთახის მოწყობილობა დაინახოს კაცმა“.

დიახ, „ივერია“ მაშინ, რასაკვირველია, ოცნებობდა.

და აი, ამ ოცნების კიდევ უფრო კონკრეტული მაგალითი:

„სადილის დროს ბ-ნმა სმიტმა ფოტოტელეფონის საშუალებით გადახედა პარიზს. დაინახა, რომ მისი ცოლი სადილად ჰზის პარიზში და დიდად უკმაყოფილოა მარტობით.“


— მითხარი, თუ ღმერთი გვამს, ჩქარა დაბრუნდები სახლში? — ეკითხება ბ-ნი სმიტი.

— დღეს საღამოს, — უპასუხებს ცოლი.

— ძალიან კარგია, რით წამოხვალ-მილით, თუ ჰაერის მატარებლით.



ოცნება და სინამდვილე ვიდეოტელეფონზე



ბრვე ბიჭმა გამარჯვებული თვალი მოავლო იქ მყოფთ, ბეჭები გაშალა და ბრძანებით დაიძახა:

— მაშინ მოშორდეს მანდაურობას! ჰეი, ნათლიდედ, ადგილი გაწმინდე!

ქალი მორჩილად მოწყდა სალაროს.

— არ გამოგივიდა? — მკერდი გამობრია ბრვე ბიჭმა. — მიდი, მიდი, იმათ ეახლე, ვინც მოგიყვანა, ეგებ იმათ მოგცენ.

— იცინე, იცინე! — ძლივს გახსნა ჩათვრებული ტუჩები ქალმა. — ავადმყოფი შეილებთან მივდივარ... ფული სადა მაქვს... რაც გამაჩნდა, ვზოგავდი. ორი დღეა ლუქმა პირში არ ჩამსვლია...

რიგი დღედა, სახეს ქუშად მალავდნენ, სხვისი უბედურების ვაგონება არავის სურდა. ბარგაკიდებული გლეხი დარცხვენილი იშმუშნებოდა, ახველებდა.

— აბა, ნუ გაუტეიე აქა, — გამოძვრა ვიღაც ბებერი ქალი, ცხვირსახოცი გახსნა, შიგ მოიქექა და მანეთიანი ამოიღო.

— რამდენი გაკლია? ბევრი არა, ხომ?... აილე, გეთაყვა, ეგებ სხვადაც მოგცეს. მეტი არ შემიძლია...

ბარგიანმა გლეხმა ჩაახველა და ჯიბეში ჩაიყო ხელი.

— მართალს ამბობს, გოგო, თითო აცნა ძაფით პერანგი მოიქსოვაო. მეც შვილებთან მივდივარ. საჭმელი მიმაქვს... აიღე-მეთქი, როცა გაძლევენ!

ქალი გაუნძრევლად იდგა, ლოყებზე ცეცხლი ეკიდა.

— მათხოვარი ხომ არ არის! — დაიბუხუნა ვიღაცამ, — ჩამოიარე რიგი და შეაგროვე!

— სწო-რია, ორგანიზაციაა საჭირო, — დაირტყა მუხლზე ხელი ბრვე ბიჭმა, მერე ქული გადაიძრო, შიგ ხუთმანეთიანი ჩააგლო და ბებერი ქალისაკენ გააბიჯა.

— ჩააგდე, ბები, შენი მანეთიანი! შენც, ბიძია! მოქალაქენო! ვისაც გული აქვს!... გასაჭირში ვინ არ ყოფილა... გმადლობთ! დიდი მადლობა! კიდევ მადლობა!..

ქალი ძირს იყურებოდა, ლოყები აფორაჩებოდა და ცრემლებით მორწყოდა.

იმ ბრვე ბიჭმა ბილეთი აიღო და გაემგზავრა. მერედა რა: ვითომ სხვა კაცი გახდა, უფრო გულისხმიერი? ამის ვაფიქრება შიამიტობა იქნებოდა. რა თქმა უნდა, ისევე ისეთი დარჩა.

მაგრამ ის თუ ისეთ ადამიანთა გარემოცვაში მოხვდა, რომელიც იძულებულს გახდის წლიდან წლამდე გულისხმიერად და არა თავხედურად მოიქცეს, მაშინ ალბათ გულისხმიერება ჩვევად გადაექცევა, ჩვევა ხასიათად და, პიროვნებაც შეიცვლება.

გიყვარდეს მოყვასი შენი, არა ჰქლა, არა იცრუო!... წინასწარმეტყველები და პოეტები, პედაგოგები და ფილოსოფოსები


საუკუნეთა მანძილზე სხვადასხვა ხმაზე ასე მოუწოდებდნენ კაცთ: სრულიქმენ თავი შენი, ბუნება შენი!

ძალიან მინდა სრულიქმენა თავი ჩემი, მიყვარდეს, არა ვკლა, არა ვიცრუო, მაგრამ საკმარისია შეურთიებელი ანტაგონიზმით აღსავსე საზოგადოებრივ წყობაში მოვხვედ, რომ მძინვარე სიძულვილი მეუფლება. ომია და, მეც მკვლელი ვხვდები. სახელმწიფო სისტემას დიქტატორი გამოჰყავს ასპარეზზე, რომელიც ხალხს ციხეებში ჰყრის და სჯის, მონურ მორჩილებას აიძულებს. მე ყველაფერს ვხედავ და ვღუმვარ, ზოგჯერ ვადიდებ კიდევ — მამა და მასწავლებელი, კაცობრიობის გენი! ერთსა და მეორე შემთხვევაში ვცრუობ და სხვაგვარი მოქცევა არ ძალმიძს.

— სრულიქმენ თავი შენი, — მორალისტების ამ კეთილგონიერულმა მოწოდებებმა. დიდი ხანია დაამტკიცა თავისი უძილობა. ჩვენ ყველანი ერთმანეთზე ვართ გადაჭაჭვულნი, ერთმანეთზე ვართ დამოკიდებულნი, ცალკე არსებობა არ შეგვიძლია, ამიტომაც სრულიქმენის შეძლება ჩვენს არსებაში არ ბუღობს: ჩემი — შენშია, შენი — ჩემში!

იქნებ აქედან უნდა დაიდოს დასაბამი იმ აზრმა, ჩვენს ყოფიერებას რომ შეცვლის?

თარგმან რუსულად ენაუზაქაძე.



- რასაკვირველია, მილით.
- რა დროს იქნები აქა?
- თერთმეტ საათზედ“.

ასე წარმოიდგენდა გაზეთი „ივერია“ დღევანდელი ვიდეოტელეფონის წინამორბედით საუბარს.

და აი, მრავალი წლის შემდეგ თანდათან სრულდება მათე იანჭოშვილისა და ილიასეული „ივერიის“ დიდი ოცნება.

და ეს ყველაფერი იმის წყალობით, რომ მეცნიერებმა და ინჟინერებმა დაამზადეს სინათლის გამტარები, რომლებშიც დენის ნაცვლად ლაზერის სხივი „მოგზაურობს“.

ლაზერს სხვა მრავალ შესანიშნავ თვისებებთან ერთად ახასიათებს ერთი შეხედვით კიდევ უფრო დიდი საოცრება — მისი დახმარებით შესაძლებელია გადაიცეს ინფორმაცია უდიდესი რაოდენობით.

თითქოს მკვდრებით აღსდგა სინათლე, როგორც კავშირგაბმულობის საშუალება. ჩვენი წინაპრების მიერ ანთებული სასიგნალო კოცონის სინათლის სხივი გარდაიქმნა უწვრილეს ლაზერის სხივად და ცდილობს პირველი ადგილი დაიკავოს კავშირგაბმულობის საშუალებათა შორის. დღეს ლაზერის სხივს შეუძლია კონკურენცია გაუწიოს რადიოტალღებს, რადიოსარეულეო ხაზებს და ასობით სპილენძის სადენიან ტელეფონის კაბელებს.

ლაზერის განსაკუთრებულება იმაშია, რომ მისი გამოსხივებული ტალღების სიგრძე მხოლოდ და მხოლოდ 0,7 მიკრონია მაშინ, როცა ყველაზე მოკლე რადიოტალღებს რამდენიმე სანტიმეტრი სიგრძე აქვთ, ესე იგი ლაზერს დაახლოებით 10000-ჯერ ნაკლები სიგრძის ტალღები გააჩნია. ალბათ იკითხვთ, რატომ არის საინტერესო, რაც შეიძლება მოკლე ტალღები? თურმე, რაც უფრო მოკლეა ტალღები, მით უფრო მეტი რაოდენობის სატელეფონო საუბარია შესაძლებელი ერთდროულად. აბა, წარმოიდგინეთ, თეორიული გაანგარიშებით ლაზერის დახმარებით ერთდროულად ათობით სატელეფონო პროგრამა გადაიცემა. რაც შეეხება სატელეფონო ლაპარაკს, მისი რაოდენობა ასტრონომიულ ციფრს — 10 მილიარდს აღწევს. დიახ, დედამიწის ყველა მცხოვრებს შეუძლია ტელეფონის ყურმილი აიღოს და ერთმანეთს გაესაუბროს. მართლაც გასაოცარია არა? — ერთი წვრილი სხივის დახმარებით.

და აი, გადაწყდა, ლაზერის სხივი „გამგზავრონ“ სინათლის გამტარში. თქვენ უკვე იცით, რომ ეს ამოცანა წარმატებით განხორციელდა. ამისთვის დიდი სამეცნიერო-კვლევითი მუშაობა ჩატარდა.

საჭირო იყო, თუნდაც „სუფთა“ მინის ძაბვების დაზიანება სინათლის გამტარებისთვის, რომელსაც არ ექნებოდა სხვადასხვა ელემენტების პაწაწინა მინარევებიც კი.

ამ საკითხზე ბევრი იფიქრეს და იმუშავეს სხვ კავშირის მეცნიერებათა აკადემიის ფიზიკის ინსტიტუტში ლენინური და ნობელის პრემიების ლაურეატის აკადემიკოს ა. მ. პროხოროვის ხელმძღვანელობით. საბჭოთა მეცნიერების მიერ შექმნილ მინის სადენებში სინათლის ძალა კილომეტრზე მხოლოდ სამჯერ მცირდება. ეს დიდი მიღწევაა, ხოლო დამზადების ტექნოლოგიის შესაძლებლობანი ჯერ კიდევ ამოწურული არ არის.

და აი, როცა სავსებით ცხადი გახდა, რომ სინათლის სადენებს დიდი შესაძლებლობები შეექმნათ, მეცნიერებმა და ინჟინერებმა მათში მიმართეს ლაზერის სხივი. როგორ გამოიყენებოდა სადღესოდ სინათლის გამტარები? ახლანან მოსკოვში ექსპლოატაციაში გადაეცა ოპტიკური კაბელები, რომლებშიც სატელეფონო გამოსახულებები გადაეცემა. დიახ, ახლა მოსკოვის ერთ-ერთი სახლის მაცხოვრებლები სატელეფონო პროგრამებს უყურებენ არა ბინებში, ან სახურავებზე დადგმული ანტენების მეშვეობით, არამედ უწვრილესი სინათლის გამტარების გამოყენებით.

და აი, როცა სავსებით ცხადი გახდა, რომ სინათლის სადენებს დიდი შესაძლებლობები შეექმნათ, მეცნიერებმა და ინჟინერებმა მათში მიმართეს ლაზერის სხივი.

როგორ გამოიყენებოდა სადღესოდ სინათლის გამტარები?

ახლანან მოსკოვში ექსპლოატაციაში გადაეცა ოპტიკური კაბელები, რომლებშიც სატელეფონო გამოსახულებები გადაეცემა. დიახ, ახლა მოსკოვის ერთ-ერთი სახლის მაცხოვრებლები სატელეფონო პროგრამებს უყურებენ არა ბინებში, ან სახურავებზე დადგმული ანტენების მეშვეობით, არამედ უწვრილესი სინათლის გამტარების გამოყენებით.

საბჭოთა სპეციალისტების მიერ დამუშავებული ოპტიკური კაბელები გამოიყენება მოსკოვის, ლენინგრადის და სხვა ქალების სატელეფონო ქსელებში სატელეფონო სადგურებს შორის შემავრთებელი ხაზების რაოდენობის გაზრდის მიზნით.

სინათლის გამტარები გამოიყენეს საფრანგეთში ვიდეოსატელეფონო კავშირების დასამყარებლად.

ვიდეოსატელეფონო კავშირების მოწყობის ექსპერიმენტები უახლოეს წლებში სულ უფრო ფართო მასშტაბებს მიიღებს მსოფლიოს ბევრ ქვეყანაში. ამ პროცესს უსათუოდ ხელს შეუწყობს თვით სინათლის გამტარების დიდი რაოდენობით გამოშვება და მისი ტექნოლოგიის შემდგომი გაუმჯობესება. ვიდეოსატელეფონო კავშირები იმუშავებენ არა მარტო ქალაქების ფარგლებში, არამედ საქალაქთაშორისო სატელეფონო კავშირების დროსაც.

2000 წლისათვის ვიდეოტელეფონები, ალბათ, თანდათან გვერდში ამოუდგება ჩვენთვის ასე კარგად ნაცნობ ტელეფონის აპარატებს.

და ამაში თავისი დამსახურება სწორედ სინათლის გამტარ ძაფებს და მათში გაშვალ ლაზერის სხივებს ექნება.

უკვე 1990 წლამდე „ესტუმრებიან“ ოპტიკური კაბელები ჩვენი რესპუბლიკის დედაქალაქის სატელეფონო ქსელს და მიწისქვეშ გაყვანილ სადენებს ლაზერის სხივები გაჰყვებიან — აბონენტებს სინათლით შეაერთებენ ერთმანეთთან. სინათლის გამტარები მკვეთრად დააჩქარებენ სატელეფონო ქსელების გაფართოებას, ქალაქების ახალი თუ ძველი რაიონებისა და მიკრორაიონების ტელეფონიზაციას. გააუმჯობესებენ ტელეფონების მუშაობას. ასევე მოხდება შემდგომ ქუთაისში, ბათუმში, სოხუმსა და რესპუბლიკის სხვა ქალაქებში.

ანდრე პარბელაშვილი.

ნათუ მართალია?

● მადმუაზელ ჰოლერის (1881-1989) წელის გარემოწერილობა 13 დიუმი (33 სანტიმეტრი) იყო. კატერინ დე მედიჩმა ბრძანება გასცა, სამეფო კარზე ყველას ასეთი წერწეტა ტანი უნდა ჰქონდესო. როგორც ცნობილია, მე-16 საუკუნის ქალები წვრილი წელითა და მოხდენილი აღნაგობით გამოირჩეოდნენ. ალბათ, ყველამ მაინც ვერ შეძლო დედოფლის ბრძანების შესრულება.

● 2,400 ღონორული ერთეული (1,080 ლიტრი) სისხლის გადასხმა დასჭირდა 50 წლის ვარენ ს. იურისს (1970) გულის ღია ქირურგიის ჩასატარებლად. მიზეზი ის გახლდათ, რომ ავადმყოფს ჰქონდა ჰემოფილია, რაც ხელს უშლის სისხლის ნორმალურ შედედებას. მამაკაცთა დაავადებაა, თუმცა ქალებიდან ვრცელდება.

● ვიკი მერი დევისი თითქმის მკვდარი იპოვებ ცივ ოთახში, როდესაც ტემპერატურა ფარანგეიტის მინუს 24 გრადუსამდე დაეცა. საავადმყოფოში მიუყვანისას კი მისი სხეულის ტემპერატურა 60,8 გრადუსს შეადგენდა. ექიმებს დასჭირდათ 12 საათი, 2 წლის უსუსური ბავშვი რომ მოესულიერებინათ.

კრუივის „შეგონებები“

ბარსელონის გაზეთმა „სპორტმა“ გამოაქვეყნა წარსულში გამოჩენილი ოსტატის, ახლა კი ცნო-

ბილი მწვრთნელის, იოჰან კრუფის „შეგონებები“ თავისი ფეხბურთელებისადმი. კრუფი „ბარსელონას“ უდგას სათავეში და ესპანეთის ჩემპიონობისათვის იბრძვის.

- ყველაფერი იერიშისათვის!
- თამაშმა სიამოვნება უნდა მოგანიჭოს!
- ჭეშმარიტება კოლექტიურ თამაშშია!
- გონიერი ყველაფერს მიაღწევს!
- ბურთს კარგად დაეუფლე!
- რიტმის შეცვლა უნდა შეგეძლოს!
- პარტნიორს არასოდეს არ უნდა უმტყუნო!
- შემთხვევითი შესაძლებლობებიც უნდა გამოიყენო!
- იცოდე, სად იმყოფება პარტნიორი!
- იმ სქემას მისიდე, მწვრთნელმა რომ შეგასწავლა!
- „მოახრჩე“ მეტოქე!
- გამოიყენე მეტოქის შეცდომები!
- ყველამ თავისი ამოცანა უნდა იცოდეს.
- ფეხბურთელი ბურთზე სწრაფი ვერ იქნება.
- ისწავლე ძალების დაზოგვა.

ბარსელონი ურტამას... თოჯინას

როგორც სოფის გაზეთი „ნაროდენ სპორტი“ წერს, ამერიკის პრეზიდენტობის კანდიდატთა შარშანდელი საარჩევნო კამპანიის დროს თავისებუ-



რი მონაწილეობა სპორტსმენებმაც მიიღეს. ზოგჯერ ეს მონაწილეობა კომიკურ ელფერსაც კი იღებდა.

ლოს-ანჯელესში საარჩევნო კამპანიის ჩატარების დროს პრეზიდენტობის კანდიდატ მაიკლ დუკაისს თან ახლდა მსოფლიო ჩემპიონი შიმპე წონის პროფესიონალ მოკრივეთა შორის მიკ ტანისონი. იმპროვიზებულ რინგზე იგი შეხვდა „თოჯინას, რომელსაც დუკაისის მეტოქის ბუშის გარეგნობა ჰქონდა“ და... ნოკაუტში ვაისტუმრა იგი. სინამდვილეში კი, დასკვნის გაზეთი. როგორც ცნობილია, სულ სხვანაირად მოხდა: პოლიტიკურ „რინგზე“ ბუშმა სძლია დუკაისს.

რეიგანი — სპორტული კომენტატორი?

სოფის „ნაროდენ სპორტი“ ცნობით, ორი ამერიკული რადიოსადგურის ხელმძღვანელობამ განაცხადა, რომ, თუ აშშ-ის უფროსი პრეზიდენტი რონალდ რეიგანი მოისურვებს მათთან კონტრაქტის დადებას, გასამრჩელოდ 100 ათას დოლარს მიიღებს. ამ შემთხვევაში რეიგანი სპორტული კომენტატორი უნდა გახდეს (როგორც დაიწყო კიდევ ახალგაზრდობაში თავისი საქმიანობა) და უკვე დღიურად კომენტარს გაუკეთებს აქტუალურ სპორტულ მოვლენებს.

გივი გამრეკელი



თარაზულად: 5. უმაღლესი სამცხენიერო სასწავლო დაწესებულება. 7. გამოჩენილი ქართველი მათემატიკოსი და მექანიკოსი, ნოვოსიბირსკის და თბილისის უნივერსიტეტის რექტორი. 8. 5. დუმბაძის ნაწარმოების პერსონაჟი. 11. წელში გამოყვანილი ჩოხის ქვეშ ჩასაცმელი მამაკაცის სამოსელი. 13. ზღვის თევზი. 15. გზატკეცილი. 17. იონიზებული გაზი, სისხლის თხევადი ნაწილი. 19. ნოტიო და ჩახურებული ფქვილი. 20. საბჭოთა ენათმეცნიერი, რომელმაც დიდი ამაგი დასდო ქართულ სასულიერო და საერო მწერლობას და კულტურის საკითხების შესწავლას. 23. ზმნის მოქმედებითი გვარი. 24. საქრელ და ძირითად კბილებს შორის მოთავსებული კბილი. 26. სოფელი, მდინარე ენგურის შესართავთან. 28. ობობას მსგავსი შხამიანი ცხოველი. 29. 5. დუმბაძის ნაწარმოების პერსონაჟი. 30. საგრილებელი. 32. მეცნიერი, რომელიც სწავლობს გადაშენებულ ცხოველებსა და მცენარეებს.

შპვულად: 1. ფრინველის ან მწერის ბინა. 2. ბალახოვანი მცენარე. 3. ფუტკრის მსგავსი მწერი. 4. სიცოცხლისა და ცოცხალი ორგანიზმების განვითარების კანონზომიერებების შემსწავლელი მეცნიერება. 5. მატყლის ან ბამბის მკერივი ქსოვილი. 9. ქართველი ენათმეცნიერი, თსუ პირველ პროფესორთა კოლეგიის წევრი. 10. ქართველი არქიტექტორი, ახლანდელი თსუ შენობის პროექტის ავტორი, და მისი მშენებლობის ხელმძღვანელი. 12. წარსულში ერთ-ერთი ქართველური ტომის წარმომადგენელი. 14. ფილოსოფიური ან სამიჯნურო ხასიათის ოთხსტრიქონიანი ლექსი სხარსულ ან ტაქიურ პოეზიაში. 15. ქართველი ენათმეცნიერი თსუ ერთ-ერთი ფუძემდებელი. 16. შესასრულებელი სამუშაოს ანგარიშში თანხის წინასწარ გადახდილი ნაწილი. 18. თავდავიწყებით გატაცება. 21. ჭადრაკის ფიგურა. 22. მკურნალობის ღმერთი რომაულ მითოლოგიაში. 25. მცირე ფორმის თეატრი. 27. ჩრდილო დასავლეთისა და კავკასიის აბორიგენი ხალხის წარმომადგენელი. 28. ერთ-ერთი დუგმა, ანჯამა. 31. ერთხმიანი სიმღერა.

კროსვორდი შეადგინა ციალა აბაშუაქელა

მე-5 ნომერში გამომკვეთული კროსვორდის პასუხები:

- კროსვორდულად: 9. ჰაიხერერი; 10. დარასელია; 12. ტრიკოტაჟი; 13. ზონინი; 14. ალფიერი; 15. ილინი; 16. სანაია; 18. სიდნეი; 22. ხემბრატოვო; 23. აბსტინენცია; 24. ბულინი; 27. ილიადა; 31. დეინა; 34. არენდა; 35. გიბონი; 36. გულმმარვა; 37. ბანდეროლი; 38. ამფიბოლია.
- შპვულად: 1. აჰვაზი; 2. ტირანია; 3. კრსტიჩი; 4. ბრეიდი; 5. მარანი; 6. სარიანი; 7. ალავიძე; 8. დაფნია; 11. პოლიპერსონალიზმი; 17. არხენალი; 19. დგორუკი; 20. ზიგოტა; 21. ატლონი; 25. ესენინი; 26. ნიაგარა; 28. ლეგაცია; 29. დროსელი; 30. მაკაბი; 31. დალალი; 32. აბრამი; 33. ბილბაო.

გარეკანის პირველ გვერდზე. ნუცა და ბურთი. ფოტოგრაფიული ბონდო დვალიშვილისა.

გადაეცა წარმოებას 3.05.89. ხელმოწერილია დასაბუქდად 31.05.89. უფ 09824 ქალაქის ზომა 70x108^{1/8}. გარეკანი, ჩანართი და ტექსტი იბეჭდება ოფსეტური წესით. ფიზიკური ფურცელი 3, პირობითი ნაბეჭდი ფურცელი 4,2, სააღრიცხვო-საგამომცემლო თაბახი 5,89. ტირაჟი 50.000 შეკვეთა 1024. ფასი 35 კაპ.

380096, თბილისი, ლენინის ქ. № 14, საქართველოს კვ ეკ-ის გამომცემლობის სტამბა.

Ежемесячный общественно-политический и литературно-художественный журнал «Дроша» («Знамя»), (на грузинском языке). 380096, Тбилиси, ул. Ленина, 14. Типография издательства ЦК КП Грузии. Адрес редакции: 380008, Тбилиси, 8, пр. Руставели, 42.

იანვრის ის მშვენიერი საღამო დიდხანს ლამაზი მოგონებად შემორჩება მათ მგხსიერებას.

ეს იყო ძველ არბატზე, სადაც საქართველოს კულტურის ცენტრის განახლებულმა კერამ „მზიურმა“ გულთბილად გაუღო კარი თბილისელ მოსწავლეებს.

დადგა ყველაზე ამაღლებველი წუთები. დარბაზში გაისმა ქართული საცეკვაო მელოდები. ეროვნულ ტანსაცმელში გამოწყობილი პატარა მოცეკვავეები თითქოს ერთმანეთს ეჯიბრებოდნენ სილამუსა და მოხდენილობაში, სინაზესა და სინატიფეში. ქართული ხელოვნების თავყვანისმცემლები დიდხანს აჩილდოვებდნენ ნორჩებს მხურვალე ოვაციებით, ტაშითა და ყვავილებით.

ვინ მოთვლის, რამდენი ასეთი შინაარსიანი და სიცოცხლით აღსავსე დღეები გაუტარებიათ ერთად თბილისის 55-ე საშუალო სკოლის (დირექტორი ოთარ ლომიძე) ქორეოგრაფიული ჯგუფის წევრებს. მათ „ქართულსა“ და „სვანურს“, „ყაზბეგურსა“ და „ქალ-ვაჟთა მოხვეურს“, „ნარნარსა“ და „აქარულს“ არაერთხელ ჰქონია საგულისხმო წარმატებები არა მარტო ჩვენს რესპუბლიკაში, არამედ მის ფარგლებს გარეთაც.

სასკოლო და სარაიონო, საქალაქო და რესპუბლიკური ოლიმპიადის მრავალჯგუფის მონაწილეები, ასევე პირნათელი წარდგენენ საქვეყნოდ ცნობილი მოსკოვის ლიხაჩოვის სახელობის საავიაციო ქარხანასა და კინოთეატრ „კოსმოსში“ თავმჯდომარეობით მაყურებლის წინაშე. კოსმონავტიკის ქალაქ ზელენოგრაღში გამართულმა კონცერტებმა კი ყოველგვარ მოლოდინს გადააჭარბა. სწორედ ხელახალი შეხვედრის სურვილმა გადააწყვეტინათ მასპინძლებს ისევ მიეწვიათ ნორჩი ქართველი მოცეკვავეები ამ ქალაქის დღესასწაულზე.

წარმატებებს 55-ე სკოლელებმა, უპირველეს ყოვლისა, მზრუნველი ხელმძღვანელების დიდი შრომისა და ამაგის ფასად მიადწიეს. ოთხიოდე წლის წინ მოვიდა ამ სკოლაში საქართველოს სიმღერისა და ცეკვის სახელმწიფო დამსახურებული ანსამბლის წამყვანი მოცეკვავე, ქორეოგრაფი ფილფან გულბიანი.

თავდაპირველად თითო-ოროლას თუ გაუჩნდა სურვილი ცეკვის შესწავლისა, მაგრამ მასწავლებლის ენთუზიაზმი და თავისი საქმისადმი ფანატიკური მიდგომა რომ დაინახეს, მსურველებიც მომრავლდნენ. ისევეწვებოდა ილიეთები, თანდათან უფრო მოქნილები და ელასტიკურები ხდებოდნენ პატარები.

ისიც უნდა ითქვას, რომ ქორეოგრაფია ხელოვნების ერთ-ერთი უძველესი და რთული დარგია. იგი დიდ ძალისხმევასა და რუდუნებას მოითხოვს. ქორეოგრაფია ადამიანის სულიერი სფეროს სრულყოფასა და განვითარებას ემსახურება. მისი მიზანია ლტოლვა ჭეშმარიტების, სიკეთისა და სილამაზისადმი. ფ. გულბიანის აღსაზრდელებს ეს გრძნობები ჭარბად აქვთ მომადლებული. მათ იციან ნამდვილი მეგობრობა და სიყვარული, ერთმანეთის მხარდამხარ დგომა და ერთმანეთის გატანა, ურომლისოდაც ხელოვნება დაკარგავს თავის დანიშნულებას.

ამ კეთილი საწყისების გაღვივებასა და გაღრმავებაში დიდად ეხმარებათ ამავე სკოლის სასწავლო ნაწილის გამგე, ქალბატონი ლეილა დოლიძე, რომელიც მუდამ პატარების გვერდით ტრიალებს და ზრუნვასა და ყურადღებას არ აკლებს თითოეულ მათგანს.


გვიან საღამომდე არ ქრება შუქი 55-ე სკოლის სარეპეტიციო დარბაზში. იხვეწება ილიეთები. იღვებება ცეკვები, საუბრობენ მომავლის გეგმებზე.

წინ კვლავ საინტერესო მოგზაურობებია. მალე ლენინგრადს ეწვევიან, შემდეგ კი... უფრო შორეულ მიწებზე ოცნებობენ — საზღვარგარეთ აპირებენ გამგზავრებას. გვჯერა, იქაც ღირსეულად გაიტანენ ქართველი ერის კულტურასა და ხელოვნებას.

ნურც მოკლებოდეთ ლამაზი მიწებისა და ოცნებების ახდენა.


ნუნუ კუპრაიშვილი.

380008, თბილისი 8, რუსთაველის პრ. 42. ტელეფონები: მთავარი რედაქტორის — 99-54-66, პ/მგ. მდივნის — 99-82-69, განყოფილებათა გამგეების 9328-42, 99-01-39, რედაქციის სამდივნოსი — 99-54-66. რედაქციაში შემოსული მასალა ავტორს არ უბრუნდება.



ერისეთ
გიგინთა

1 ივნისი ბავშვთა დაცვის
საერთაშორისო დღეა



062356 76056

ეროვნული
ბიბლიოთეკა

